



आत्मबोध

संस्कृत-हिन्दी-अंग्रेजी-उर्दू-पुस्तक

संस्कृत-हिन्दी-अंग्रेजी-उर्दू-पुस्तक

या

दोगरी-संस्कृत

आत्मबोध

संस्कृत-हिन्दी-अंग्रेजी-उर्दू-पुस्तक

रामकृष्ण मिशन दे सन्यासी स्वामी हर्षानन्द हुन्दी अंग्रेजी पुस्तक

What Every Hindu Ought to Know

दा

डोगरी रूपान्तर

आत्मबोध

रूपान्तरकार : श्यामलाल शर्मा

Atma Bodha (आत्मबोध)

Dogri Translation of Swami Harshananda's

"What Every Hindu Ought to Know"

by

Shyamlal Sharma

डा० हेडगेवार जन्म शताब्दी वर्ष
वर्ष प्रतिपदा २०४६ वि०, तदनुसार 1989 ई०

मोख 18 रपे

श्रीपति प्रकाशन

गीता भवन, जम्मू - 180001

प्रिय दिनकर दी सम्हालै च




4.9.1977 • 29.11.1988

डोडी जिसी खिड़ने थमां पैह्ले गे
समें नै थुम्हाटी ओड़ेया

ਸ੍ਰੀ. ਭਗਤ ਸਾਹਿਬ ਸਾਹਿਬ ਸਾਹਿਬ
ਜਥੇ ਸੰਗਤ ੧੯੪੮ ਵਿਚ, ਸਤਨਾਮ ਸਾਹਿਬ ਵਿਚ

ਸੰਗਤ ੧੯੪੮ ਵਿਚ, ਸਤਨਾਮ ਸਾਹਿਬ ਵਿਚ



ਸਤਨਾਮ ਸਾਹਿਬ ਸਾਹਿਬ
ਜਥੇ ਸੰਗਤ ੧੯੪੮ ਵਿਚ, ਸਤਨਾਮ ਸਾਹਿਬ ਵਿਚ

“ हर हिन्दू गित् आत्मबोध ”

विषय-सूची

1	श्रद्धाञ्जली	...	(अ)
2	डा० केशवराव बलिराम हेडगेवार	...	(क)
3	सनातन धर्म	...	1
4	हिन्दू धर्म के प्रचारक	...	2
5	हिन्दू धर्म के मूलभूत धार्मिक ग्रन्थ	...	3
6	हिन्दू धर्म के दार्शनिक सिद्धान्त	...	6
7	हिन्दू धर्म के शास्त्रीय ते नैतिक सिद्धान्त	...	8
8	हिन्दू धर्म इच व्यक्ति ते समष्टि	...	9
9	हिन्दू धर्म इच नारी दा स्थान	...	11
10	हिन्दू साधना	...	13
11	हिन्दू धर्म इच कर्म काण्ड, मन्दिर ते त्योहार	...	15
12	हिन्दू धर्म के किश कर्म काण्ड ते संस्कार	...	18
13	हिन्दू धर्म इच सुधारवादी आन्दोलन	...	22
14	विश्व हिन्दू परिषद्	...	24
15	विश्व चिन्तन गी हिन्दू धर्म की विशेष देन	...	26
16	हिन्दू धर्म : विश्व धर्म	...	28
17	सर्व-व्यापी हिन्दू धर्म	...	29
18	भारत वर्ष थमां बाहर रौह्ने आले हिन्दू	...	30
19	हिन्दू धर्म पर नुक्ताचीनियां	...	31
20	शीशे के मँहल इच बहियँ दूएँ गी बटटे नईं मारो	...	37
21	हिन्दू समाज गी पेश आने आले बदेशी खतरे	...	43
22	भौतिकवाद दा खतरा	...	48
23	धर्म निरपेक्ष राज्य जां खतरा स्हेड़ने आला राज्य	...	49
24	अन्दरूनी खतरे	...	52
25	किश समस्यां ते उन्दे सम्भव सुझा (हल)	...	55
26	हर इक हिन्दू दा फर्ज केहू बनदा ऐ	...	60
27	उपसंहार	...	63

श्रद्धाञ्जली

उन्नीमीं सदी ते बश्कार डोगरा व्हादरें रियासत जम्मू कश्मीर दियां हद्दां तिब्बत चीन, रूस ते अफगानिस्तान कन्ने मलाइयै हिन्दुस्तान दियां हद्दां निश्चित कीतियां । ओ महाराजा गुलाब सिंह, जर्नेल जोरावर सिंह, बजीर रत्नू, मैहता बस्ती राम ते जर्नेल हुशियार सिंह प्रातः पूजन जोग न । बीह्मी सदी इच पं० प्रेमनाथ डोगरा, ते हजारें स्वयं-सेवकें, माताएं, मैनें ते देश-बासियें शारीरिक, मानसिक ते पारिवारिक कष्ट सहियै मेलाराम (छम्ब), नानकचन्द, बसन्तचन्द, बलदेवसिंह, साईं सिंह, बर्याम सिंह, त्रिलोक सिंह (ज्योड़ियां), कृष्ण लाल, बाबा राम जी दास, बेली राम (सुन्दरबनी), बिहारी लाल, भीखम सिंह (हीरानगर), शिवाजी, देवी सरण, भगवान दास (रामबन) ते बंगलाल थमां डा० श्यामाप्रसाद मुकर्जी नै अपने बलिदान देइयै रियासत जम्मू कश्मीर गी हिन्दुस्तान दा छटूट-अंग बनाई रखेया । डुगगर बासियें गी मातृ-भाषा डोगरी इच 'आत्मबोध' दिन्दे होई ते चेत्ता करान्दे होई मन किश हल्का मसूस करा करदा ऐ जे अपनी ईन नईं भुल्लो ते शहीदें दें बलिदान बेअर्थ नईं जान देओ ।

श्यामलाल शर्मा

डा० केशवराव बलिराम हेडगेवार

(1889—1940)

डा० केशवराव बलिराम हेडगेवार परम देश भक्त, ऋषि, संगठनकर्ता ते राष्ट्रीय स्वयं सेवक संघ दे संस्थापक हे । श्री बलिराम पन्त ते श्रीमती रेवती बाई पैठनकर दी सबने थमां लोह्की सन्तान हे । उन्दा जन्म पैहली अप्रैल 1889 गी नागपुर इच होआ हा । ओ सारी उमर ब्रह्मचारी रेह् ।

हेडगेवार इक सनातनी देशस्थ ब्राह्मण परिवार हा । केशवराव गी एह् शिक्षा ते हिन्दू परम्पराएं दे बारे च असीम श्रद्धा बरासत इच गे थ्होई दी ही । नागपुर दे लोक भोंसला शासन ते महान शिवाजी दियां स्मृतियां बड़े चा कन्ने चेत्ता करदे हे । इन्ने यादें केशवराव दे हिरदे च आजादी दी चाह पैदा कीती । एह् देश प्रेम दी भावना 1905 दे राजनैतिक वातावरण इच बंगाल दे विभाजन कन्ने होर तीव्र होई । केशवराव नै चतैइयै रिसले सक्युलर (ब्रिटिश अधिकारी रिसले दे सरकारी हुकम) गी ठुकराया ते परिणाम स्वरूप उन्हे गी स्कूल थमां कड्डी दित्ता गेआ । उन्ने ए सजा स्वीकार कीती । इक राष्ट्रीय पाठशाला इच पढ़ाई कीती । नेशनल कौंसिल आफ ऐजुकेशन थमां 1909 इच दसमी दी परीक्षा पास कीती । 1910 इच नेशनल मेडिकल कालज इच दाखल होए ते 1914 गी उत्थुआं L. M. & S. डिग्री प्राप्त कीती । इस कालज दी पढ़ाई दौरान उन्दा बंगाल ते पंजाब दे क्रान्ति कारियें कन्ने सम्पर्क होआ । 1916 थमां 1919 तगर उन्ने नागपुर इच आइयै इक क्रान्ति-कारियें दा केन्द्र स्थापित कीता ।

डाक्टरी पास ते कीती पर डाक्टरी दी प्रैक्टिस नई कीती । ओ पूर्ण राजनैतिक स्वतन्त्रता दे हामी हे ते पूरा समां राष्ट्र कार्य गी लान्दे हे । कुसै विशेष पार्टी कन्ने लगा नई हा । ओ क्रान्ति-कारियें, कांग्रेस ते हिन्दू महासभा कन्ने इकमिक्क होइयै रोहन्दे हे । उन्ने अपने लाके दे नौजवानें गी प्रेरणा दित्ती 1918 इच लोक मान्य तिलक हुन्दे होमरूल आन्दोलन इच विदर्भ इच शामिल होए । 1920 इच नागपुर दे कांग्रेस दे अधिवेशन इच इन्ने इक स्वयं सेवक दल बनाया ते व्यवस्था कीती ।

आत्मबोध / (क)

1921 इच सत्याग्रह कीता गिरफतार होए ते जेल मे । 1923 इच इन्हें मसीत दे सामन बाजा बजाने दी रोक उपपर सत्याग्रह कीता ते उसी सफल बनाया । 1927 इच इन्हें हिन्दुओं गी स्फूर्ति दित्ती ते उन्हेंगी मुस्लमानें दा मकाबला करने गित्ति हौसले ते जुगती कन्ने कम्म लैने दी प्रेरणा दित्ती । 1930 इच पूना इच हिन्दू युवक परिषद दा अधिवेशन होआ । इन्हें ओदी प्रधानता कीती । पर उन्दा सारें कशा बड्डा कम्म 27 सितम्बर 1925 गी विजयादशमी दे उत्सव उपपर राष्ट्रीय स्वयं सेवक संघ दी स्थापना दा हा ।

उन्हें भलेप्रां जाची लेआ जे समाज घोर रूप इच बण्डोए दा ऐ ते जिन्ने बी जतन इस त्रुटि गी दूर करने गित्ति होए न ओ सारे असफल गे रेहू न । उन्हें समझी लैता जे देश वासी विदेशी शासकें अगें लमलेट होई जन्दे न एदा मुख कारण उन्दे इच संगठन दा, एकात्मता दा ते जीवन्त शक्ति दा अभाव ऐ । ए त्रैवी चीजां समाज इच जागृत करनियां न । लोकें इच नमीं जीवन शक्ति भरनी ऐ, ते कन्ने उन्दे इच सैनिक वृत्ति दी भावना बी जगानी ऐ । भारत दे बीते गौरव दे बारे इच देश-वासियें गी सोहूगा करना ऐ । एदे कन्ने उन्दे इच विश्वास दी भावना पैदा होग । ते उन्हेंगी पता लगग जे आजादी गी प्राप्त करना उन्दा परम कर्तव्य ऐ ते उन्हेंगी गै एहू कम्म अपने हत्थ लैना ऐ । उन्हें पूरे विश्वास कन्ने आखेया जे हिन्दू गै हिन्दुस्तान दे बहुसंख्य लोक न ते देश गी उपपर चुकने दी जिम्मेदारी बी उन्दी गै । हिन्दुएं इच एकात्मता दी दृढ़ भावना पैदा होनी जरूरी ऐ ते उन्हें गै देश गी उबड़ा चुकने ते ओदे गित्ति बलिदान देने दी तत्परता दस्सनी चाही दी ऐ । इस शिक्षा दा जीवन व्यापी प्रभाव होआ । ते उन्हें नेहूया नमीं चाल्ली दा संगठन तयार कीता जे सारा देश गै इक बड़ा बड्डा रोज लगने आला स्कूल बनी गेआ जेदे घटक बड़े अनुशासन प्रिय ते मित्रभाव पूर्ण बन्धू न जेहूडे कोई कानूनी जां व्यवस्था सर्वन्धी प्लेचें इच नईं जकड़ोए दे ते अपने पैरें खड़ोते दे आत्म-निर्भर लोक न । ओ इस संस्था गी चलाने गित्ति पैसे बी अपने कोला गै खर्च करदे न । इस्स संस्था दा नां राष्ट्रीय स्वयं सेवक संघ ऐ अर्थात् राष्ट्र दी स्वयं स्फूर्ति कन्ने सेवा करने आले स्वयं सेवकें दा संघ । इस नां दा हर इक शब्द अपने अर्थ स्वयं दसदा ऐ ते बड़ा स्पष्ट ऐ ।

कोई मनुक्ख जां देवता एदा गुरु नईं । भावना स्वरूप भगवा ध्वज (केसरिया झण्डा) एदा गुरु ऐ । एदे घटक गै आपूँ पैसे पान्दे न ते गुरु दक्षिणा दे रूप इच घन किट्ठा करी लैन्दे न । सरसंघ चालक गै संस्थान दा सारे थमां

(ख) / आत्मबोध

बड्डा नेता हुन्दा ऐ। संघ दी स्थापना उन्दी देश दी रक्षा गित्त सारें कोला बड्डी देन ऐ। ए देश व्यापी उत्साही नागरिकें दा संगठन ऐ। इन्दा स्फूर्ति केन्द्र अध्यात्मवादी ऐ ते देश भक्ति पूर्ण ऐ। सारें थमां बड्डी गल्ल एह् ऐ जे आधुनिकता कन्ने मेल खन्दा ऐ।

संघ नागपुर थमां शुरू होआ। दूआ केन्द्र वर्धा हा। इस बल्लें-बल्लें अपनी पद्धति दा विकास कीता। इस भलेयां सोची समझिये अपने आप गी पार्टी बाजी ते दलगत मोहममता थमां दूर रखेया। ते इक्कला गै अपनी बत्ता चलदा रेह्या केइयें इसी गल्ल बी समझेया। केइयें बरोध बी कीता। गवर्नमेंट नै बी इसी गल्ल समझेया ते बरोध कीता। 1932, 1933 इच मध्य प्रदेश दी गवर्नमेंट नै सरकारी ते जिले दी कौंसिल दे कर्म-चारियें गी मनाही करी दित्ती जे ओ संघ इच नई जाई सकदे की जे ए साम्प्रदायिक ऐ ते कन्ने राजनैतिक पार्टी ऐ। पर मार्च 1934 इच मध्य प्रदेश लैजिसलेटिव कौंसिल दा अधिवेशन होआ ओदे इच बहुमत कन्ने इक कटमोशन उपपर सरकार हारी गई ते एह् पाबन्दी सरकार गी हटानी पेई। वर्धा इच 25 दिसम्बर 1934 गी संघ दा इक कैम्प लगा दा हा। महात्मा गान्धी जी उसी दिक्खन आये। उने होर मतियें गल्लें दी प्रशंसा कीती पर ओ एह् दिक्खिये चर्ज करने लगे जे संघ दे कैम्प इच छूतछात तुप्पने उपपर बी नई लब्बी।

संघ दा बिस्तार होन लगा। संघ जोर पगड़न लगा। एदियां शाखां बनारस, मध्य प्रदेश, महाराष्ट्र, दिल्ली पंजाब ते उत्तर प्रदेश इच खुल्ली गेइयां। ते फी मध्य भारत, महा कौशल, गुजरात, बिहार ते कर्नाटक इच संघकार्य फैलन लगा। लोकें गी पता लगदा गया जे संघ निर्माणात्मक पद्धति कन्ने जतनशील ऐ ते हिन्दुएं इच देश-भक्ति ते सामाजिक एकात्मता दी भावना दा निर्माण करिये उन्दें इच अजेय भावना भरा करदा ऐ।

इस जवान हुन्दे संगठन दियां आवश्यकतां बघन लगियां। संस्थापक हेडगेवार हुन्दे बज्जर शरीर उपपर बी एदा असर पीन लगा। वैसे एह् प्रभाव 1932 थमां गै पीना शुरू होई गया हा। ओ डाक्टरें दी हिदायतें दी पर्वाह नई करदे हे। न पूरा इलाज करांदे, न पूरा बसां लैन्दे। दिन रात संघ-कार्य इच लगे रोहन्दे। बमारी दी स्थिति इच बिस्तरे उपपर लेटे दे बी संघ-कार्य सोचदे रोहन्दे। उनेंगी तौल ही जे अपने देश-बासियें गी आजादी ओने थमां पैह्लें-पैह्लें आजादी दे योग्य बनाई देयां।

इस उद्देश्य गी प्राप्त करने गित्त उनें देश दे नौजवानें गी बुलारां दित्ता जे

मातृभूमि दी सेवा गित्तै किट्ठे होई जाग्रो । अपने सामनै केई तुच्छ जां संकीर्ण
ध्येय नईं रखो । अपने अन्दरूनी मनै थमां गै ऐसा बल ते शक्ति उत्पन्न करो
जेह्ड़ी केवल संगठन निर्माण करने दी भावना कन्ने संगठन इच्च श्रीन्दी ऐ ।

डा० हेडगेवार जी दा भारत दे निर्माताएं इच्च टकोदा स्थान ऐ ते नवयुवकें
आस्तै इक आदर्श ऐ । डाक्टर होरें गी रक्तचाप दा रोग हा । 21 जून 1940
गी उन्दा इस रोग कन्ने देहान्त होई गया । उस बेल्लै उन्दे पथ-प्रदर्शन दी
बड़ी लोड़ ही, देश दे हर कोने इच्च उन्दे नेतृत्व दी लोड़ ही । दूआ महान
विश्व युद्ध शुरू होई गेदा हा । ते सारे उन्दे कशा पथ-प्रदर्शन लैने गी सोह्गे
होआ करदे हे । पर काल-गति कुसँ देश जां व्यक्ति दी आवश्यकता दा
ध्यान नईं करदी ।

(साभार)

जीवन चरित ग्रन्थावली भाग 2.

संपादक : श्री० एस० पी० सेन

डायरेक्टर, इन्स्टीच्यूट आफ

हिस्टारिकल स्टडीज, कलकत्ता

3 बदेसें इच बसने आले हिन्दुएं कन्ने सम्पर्क कायम करना ते उन्हें सम्बन्धे
गी मजबूत करना ।

1966 इच 22 थमां 24 जनवरी तोड़ी प्रयाग इच विश्व हिन्दू परिषद
दा पैह्ला महत्वपूर्ण अधिवेशन होआ । सारी दुनिया दे देसें थमां हिन्दू प्रतिनिधि
एदे इच सम्मिलित होए । परिषद नै टकोदी सफलता बी प्राप्त करी लैती ऐ ।

सम्राट हर्षवर्द्धन दे बाद हिन्दू धर्म दे बक्खरे-बक्खरे तत्वे गी किट्ठे करिये
ते सांभे आदर्श दे सूत्रे इच परोने दी बक्खी ए शायद पैह्ला गंभीर प्रयत्न ऐ ।
इस करी हर इक हिन्दू दा पवित्र कर्तव्य ऐ जे ओ भायें कुसै सम्प्रदाय जा जाति
कन्ने सर्वन्ध रखदा होऐ, इस आन्दोलन इच सहयोग देऐ ते इसी सफल बना ।



संसार चिन्तन गी हिन्दू धर्म दी विशेष देन

हिन्दू धर्म नै त्रै सिद्धान्त बनाइयै संसार दे चिन्तन गी इक बड़ी विशेष देन दिती ऐ। ओ सिद्धान्त न 1. कर्म ते पुनर्जन्म 2. अधिकार भेद ते 3. अवतारवाद।

नैतिक ते आध्यात्मिक दृष्टि कन्ने कर्मवाद कोई इस थमां बक्खरा सिद्धान्त नई' जे मनुक्ख जनेह्या करदा ऐ ऊऐ नेह्या भोगदा ऐ। अस जे किश करने आं उसदा फल तौलें जा चिरें भोगना गै पौन्दा ऐ। ते साढ़ा भविक्ख साढ़े वर्तमान कन्ने बनना ऐ।

पुनर्जन्म कर्मवाद दा सिद्धा ते टकोदा नतीजा ऐ। साढ़ी उंगली गी सेक भायें इक पलै इच लगै पर भलेयां पल्होने इच होई सकदा ऐ दो हफते (इक करोड़ 20 लक्ख पल) लग्गी जान। अपने सारे कर्म दा फल इस लौह्के नेह्ये जीवन काल इच नई भोगन हुन्दा। इस करी बुद्धि गी मन्नना पौन्दा ऐ जे भविक्ख इच जन्म जरूर होडन। मनुक्खें इच इन्नियां किस्मां ते इन्ने भेद न ते इन्दा वर्तमान कन्ने कोई सर्वन्ध नई' लबदा। इस थमां ए अनुमान लाना पौन्दा ऐ जे पिछले जन्में इच कर्म कीते होने न जिन्दा परिणाम वर्तमान इच थोआ करदा ऐ। इक होर गल्ल जे हिन्दू धर्म मनदा ऐ जे आत्मा सनातन ऐ, ते अमर ऐ। उस करियै कर्मवाद ते पुनर्जन्म दा सिद्धान्त इस कन्ने पूरा मेल खन्दा ऐ। भले-बुरे दी समस्या दा इस थमां बघिया हल मनुक्खे दी बुद्धि होर नई' सी कड़डी सकदी। ते न गै इस गल्ले दा समाधान होई सकदा सा जे संसार इच इन्नी भिन्नता ते विविधता की ऐ।

अधिकार भेद ते सिद्धा-सिद्धा इच सचाई गी मन्नना ऐ जे इक्क पद्धति सारे गित्त सांझी नई' होई सकदी। वैसे ते कुसै गल्ले इच, पर खास करियै, आध्यात्मिक खेतरै इच क्षमता ते आवश्यकता जरूरी लोड़ां न। इच्छां जां ताह्गां नई'। इक अन्नहा आदमी कदें बी कुसै जहाजै दा चालक नई' होई सकदा। इयां गै भायें किन्नी बी तीव्र इच्छा की नई' होए इक लंडा आदमी कदें पहाड़ नई' चढ़ी सकदा। जियां इक मां अपने बच्चे गी भोजन करान्दे

वेल्लै उन्दे हाजमे गी जानदे होई हर इक गी बक्खरी चीज खाने गी दिन्दी ऐ
 इयां गै हिन्दू धर्म नै सारे लोकें दे सुभा ते प्रवृत्तियां दिक्खियै उन्दे गित्तै
 बक्खरियां-बक्खरियां पदघतियां बनाई ओड़ी दियां न । बुद्धिवादी व्यक्ति गित्तै
 ज्ञानयोग दा रस्ता दस्सेया ऐ तां इक कर्मठ ते क्रियाशील व्यक्ति गित्तै कर्मयोग
 दा सिद्धान्त बनाये दा ऐ । इक भावुक मनै गित्तै भक्तियोग दा रस्ता ऐ तां इक
 अन्तर्मुखी व्यक्ति गित्तै राजयोग दा मार्ग ऐ । इस करी कुसै बी सुभा आले
 व्यक्ति गी निराश होने दी लोड़ नई ,

अवतारवाद :—

ईश्वर दा घरती उप्पर जन्म लैने दा सिद्धान्त—स्पष्ट आखदा ऐ जे ओ
 परम प्रभु जित्थे ते जहूँ जरूरी समझदा ऐ आध्यात्मिक सन्तुलन गी बरोबर
 रखने गित्तै ते सच्चे धर्मानुरागियें दी पूर्णता गित्तै जतनें गी तोड़ चाढ़ने लेई
 अवतार लैन्दा ऐ । एहू ते इक बड़ा चमत्कारी सिद्धान्त ऐ ते करोड़ें लोकें दे
 मनै इच आशा दी किरण जगाई देने आला ऐ । जेकर मनुक्खे दे आध्यात्मिक
 इतिहास गी पक्खपात रहित होइयै पढ़ेया जा तां इस बिच शक करने दी कोई
 गुंजाइश नई रोहन्दी । इस गल्लै पर बँहस करना जे सर्व-शक्तिमान ईश्वर
 घरती दे कुसै खास देसै इच ते खास रूपे इच गै इक बारी गै आया ते फी उसनै
 कदें नई श्रीना—उस परमात्मा दियें शक्तियें गी सीमित करने दी मूर्खतापूर्ण
 गल्ल ऐ । धर्म इच इए नेहू ये संगठन बनाना ते राजनैतिक उद्देशें कन्ने धर्म
 परिवर्तन करना, धार्मिक तंगदिली ते धर्माधिता दे परिणाम न । ते मानवता
 गी बड़ा नुकसान पजा करदे न ।



हिन्दू धर्म इच गै विश्व धर्म होने दी क्षमता ऐ

कुसै बी धर्म नै जे विश्व धर्म बनना ऐ (अर्थात् जिसी सारी दुनियां कबूल करी लै) तां उस इच ऐसे गुण होने चाही दे न जेहूँ जादा कोला जादा लोकें दे दिलें ते दिमागें गी रुचन । हिन्दू धर्म इच ए गुण ऐन । अद्वैतवाद दे उच्चे सिद्धान्त दुनियां दे बड़डे थमां बड़डे बुद्धिवादियें दी जिज्ञासा गी शान्त करने आले न । हिन्दू धर्म दा एहू सिद्धान्त जे हर कोई अपनी रुचि अनुसार भगवान दी आराधना करे, हर इक धार्मिक ज्ञानी गी पसिन्दा आने आली गल्ल ऐ । भगती दे सिद्धान्त ते रीति-रिवाज भावुक लोगें गी रुचिकर लगदे न । कर्मवादी लोकें गी हिन्दू धर्म दा निष्काम कर्म भाव बड़ा उचित लगदा ऐ, रहस्यवादियें गी योग साधना इच शान्ति मिलदी ऐ ।

हिन्दू धर्म मनुक्ख मात्र गी भगवान दा अंश समझदा ऐ । ओ मनुक्ख गी मूल थमां पापी नईं मनदा । इस करी घोर पापी बी हिन्दू धर्म इच त्राण पाई सकदा ऐ । हिन्दू धर्म आखदा ऐ जे मनुक्ख पाप नईं करदा, गलतियां करने दी खो उसी ऐ । मनुक्ख गलतियां बी उसलै करदा ऐ जिसलै ओ मुक्ती जन्दा ऐ जे ओ ईश्वर दा अंश ऐ । कैसा शानदार सिद्धान्त ऐ । मनोवैज्ञानिक दृष्टि कन्ने मनुक्ख गी उबड़ा चुकने गित्तै कनेहूया शैल तत्वज्ञान ऐ ।

हिन्दू धर्म आखदा ऐ जे साराविश्व इक ब्रह्म दा विस्तार ऐ । संसार इच जिन्नियां बी अभिव्यक्तियां न, सब इच एकता ते संगठन दा मूलभूत सूत्र इक ऐ । वर्तमान युग दे साईं सदानें गी एहू सिद्धान्त मनै लगदा ऐ ।

अज्ञेयवादी ते नास्तिक लोकें गी बी हिन्दू धर्म शरण दिन्दा ऐ । कीजे हिन्दू धर्म दी शिक्षा ऐ जे धर्म दा अर्थ ऐ चंगे बनो ते चंगे कम्म करो । बाकी सारियें गल्लें दा महत्त्व गौण ऐ ।

पक्के भौतिकवादियें गी बी निन्दया नईं जन्दा । उतेंगी ए शिक्षा ऐ जे दुनियां च चंगा खाओ लाओ । पर स्वार्थ दी मात्रा गी घटाओ ।

जेकर एहू नेहया धर्म सार्वभौम नईं होई सकदा—तं दस्सो होर केहूँ धर्म होई सकदा ऐ? हिन्दू धर्म वास्तव इच जीवन दी इक पद्धति ऐ, कोई जड़ जप्फे आला मजहब नईं । सारी मनुक्खता जेहूँ लौहूकियें सचाइयें थमां उबड़ी होइयें उच्चियें सचाइयें पास आवै करदी ऐ, हिन्दू धर्म इच त्राण पाई लैन्दी ऐ । ए सचाई सारें गी मन्नी गै लोड़चदी ऐ ।



सर्वव्यापी धर्म हिन्दू धर्म

ए हिन्दू धर्म दी सर्वव्यापकता ऐ जे हिन्दू धर्म अपने देस दिये हृद दे थमां बाहर दुनियां दे दरेडे ते परेडे देसें इच जाई पुज्जा दा ऐ । हिन्दू धर्म नै अपनी सभ्यता, संस्कृति, कला विज्ञान ते दर्शनशास्त्र—कथा वार्ता ते रीति-रिवाज कन्ने दुनियां दे बक्खरी-बक्खरी संस्कृति आले प्रदेशे इच प्रचार ते प्रसार कीता ऐ । ए इक ऐतिहासिक सचाई ऐ जे दक्खन पूर्व एशिया दे देसें, लंका, पच्छिम एशिया, अफ्रीका महाद्वीप दे किश भागें, यूरप ते अमेरिका इच बी हिन्दू संस्कृति दी पूरी छाप लग्गी दी ऐ । संस्कृत भाशा, रामायण ते महाभारत दे ग्रन्थ, शिवजी, विष्णु ते गणेश जी दे मन्दिर, किश रीति-रिवाज ते संस्कार अज्ज बी मलयेशिया, सिंगापुर, इण्डोनेशिया, कम्बोदिया ते फिलिपाइन इच थहोन्दे न । इस गल्ले दे बड़े प्रमाण मौजूद न जे महान् अगस्त्य ऋषि इनें देसें इच गये ते उनें इस सनातन धर्म दा सर्वप्रिय सन्देश सारें गी दित्ता । अपनी पुस्तक **Outlines of Islamic Culture** इच शुस्तरी महोदय लिखदे न जे जिसलै यात्री हज्ज करन जन्दे न ते मक्के दी बड्डी मसीत कोल पुजदे न तां उनें गी घोती ब'न्ननी पौन्दी ही ते उत्तरीय दी बुक्कल मारनी पौन्दी ही । ईसाई पादरी प्लाटीनस, क्लेमेंट, ग्रेगरी, आगस्टाइन ते होर दूए पादरिये दे धार्मिक उपदेशे दे बारे इच डीन इंगे महोदय लिखदे न—

ए जे किश यहूदिये, गूढ़ ज्ञानवादिये, मॅनिकिज्म वादिये ते न्युप्लैटानिक वादिये दियां धर्म कथां न ए सब किश दरअसल हिन्दू धर्म दे गै तत्थ न । दीवान चमल लाल होरें अपनी पुस्तक 'हिन्दू अमेरिका' इच इन्नी प्रामाणिक समग्री किट्ठी कीती दी ऐ जेदे थमां पता लगदा ऐ जे कोलम्बस दे अमेरिका पुजने थमां किन्ता चिर गै पैह्लें हिन्दू उत्थें दुरी गेदे हे । अमेरिका इच, खास करिये मैक्सिको इच हिन्दू धर्म दा प्रभाव अज्ज बी टकोदा विद्यमान ऐ ।

असें गी एदे उपपर फखर होना चाही दा ।



भारतवर्ष थमां बाहूर रौह्ने आले हिन्दू

मातृ-भूमि हिन्दुस्तान थमां बाहूर रौह्ने आले हिन्दुएं दी समस्या इक बक्खरा विषय ऐ। हिन्दू धर्म नै जिन्ना आध्यात्मिक ते सांस्कृतिक कर्जा दुनिया पर चाढ़े दा ऐ ओदे मकाबले च हिन्दुस्थान थमां बाहूर रौह्ने आले हिन्दुएं दी संख्या बड़ी घट्ट ऐ। ए बी हिन्दू धर्म दा कुसै पर आक्रमण नई करने दा सुभा ते सांस्कृतिक उच्चता ते सूखमता ऐ। हिन्दू धर्म कदे बी ते कुतै बी ताकत जां छल-फरेब कन्ने नई फैलेया। ए बी पता नई केहू गल्ल ऐ जे संख्या इच इन्ने बड्डे बुद्धि बल इच इन्ने महान् ते दूरन्देसी इच इन्ने चतर हुन्दे होए बी अज्ज इनें हिन्दुएं दी ए स्थिति की ऐ?

इसलै हिन्दुस्तान थमां बाहूर दूर देसैं इच कोई डेढ़ करोड़ हिन्दू बसदे न। उनें गी साढ़ी सहायता दी लोड़ ऐ। उनें गी धार्मिक संस्थाएं दी लोड़ ऐ जेहूड़ियां उन्दे इच संगठन भाव पैदा करन ते उनें गी उत्साह देन। उनें गी हिन्दू धर्म दी शिक्षा देने आले प्रचारकें दी लोड़ ऐ। उन्दी बड़ी खाहिश ऐ जे अपने रीति-रिवाज ते धार्मिक संस्कार दस्सने आले उन्दे कोल आन तां जे उन्दे इच शुद्धता ते पवित्रता बनी रवें।

जे असें इस पासै ध्यान नई दित्ता ते अपना कर्तव्य नई नभाया तां उन्दा पतन होई जाना ऐ। ते इहू सारा पाप असें गी लग्गना ऐ।

ओ साढ़े पासै इन्नी तांहूग लाइयै दिक्खै करदे न असें गी बी अपना फज पैरा करने गितै तोल करनी लोड़चदी ऐ।



हिन्दू धर्म पर मतियां नुक्ताचीनियां

सबनै थमां उच्चे ते विश्वव्यापी सिद्धान्त ते सहनशक्ति ते समझोते दी वेअन्त समर्था हुन्दे होई बी हिन्दू धर्म गै ऐसा धर्म ऐ जिसी लोकें बड़ा गल्ल समझोया ऐ। जानी बुझियै, बगाडियै पेश कीता ऐ ते इसदे आदि धर्म होने उपपर नुक्ताचीनी कीती ऐ। झूठियां नुक्ताचीनियां जेहूडियां, ठोस सचाई पर घट ते द्वेष उपपर मतियां आधारित न, नजर अन्दाज बी करी देवै फी बी किश नुक्ताचीनियां ऐसियां न जेहूडियां उपपर दा ठीक ते यथार्थ सेई हुन्दियां न ते सचाई ते सच्ची तपाश गित्त कीतियां दियां न। उन्दे पर बचार करी लेना चाही दा ऐ। पैहली आपत्ति—हिन्दू धर्म इच इन्ने वेशमार देवी-देवता न ते इन्ने वेअन्त धार्मिक ग्रन्थ न जे अनुयाइयें गो कक्ख पता नई लगदा ते ओ अफरातफरी इच पेदे रोहन्दे न।

गल्ल ए ऐ, जे ए अफरातरी उस व्यक्ति गो बझोन्दी ऐ जेहूडा हिन्दू धर्म दे तत्थ गो नई समझदा। पर जेहूडा समझदा ऐ ईश्वर इक ऐ ते बाकी सब उस्स दे रूप न, ऊऐ परमात्मा भिन्न-भिन्न रूपें इच प्रगट होए दा ऐ, उस गित्त ते कोई समस्या नई, कोई खोदल नई, अफरातफरी दी ते गल्ल गै कोई नई। जिस व्यक्ति गो पानी दा स्वरूप पता ऐ, ओ बर्फ, बुलबुला जां भाफ दिक्खियै टऊ नई हुन्दा। ऋग्वेद दी बड़ी स्पष्ट ते टकोदी घोषणा ऐ—जे ओ प्रभु इक ऐ ते सारे ऋषि मुनि बक्खरे-बक्खरे नाएं कन्ने उसी पुकारदे न। वेशमार ग्रन्थें दी ए गल्ल ऐ जे बुद्धि ते आध्यात्मिकता दी दृष्टि कन्ने मनुक्ख बक्खरी-बक्खरी स्थिति इच हुन्दे न। इक एम० ए० पास विद्यार्थी ते इक दसमी पास विद्यार्थी दियां पुस्तकां अपनी-अपनी योग्यता मताबक बक्ख-बक्ख गै होनियां न। ओ इक दूए दियां पोथियां बदलियै परेशान की हुन्दे रोहन्? इत्थें अधिकार भेद दा सिद्धान्त लागू हुन्दा ऐ जेहूडा जिन्नी योग्यता दा मालक ऐ ओ उन्ना गै कम्म करे। ओ अपनी पढ़ाई ते योग्यता मताबक गै ग्रन्थ पढ़े।

दूई आपत्ति—हिन्दू धर्म अश्लील मूर्ति पूजा सखान्दा ते अन्धविश्वास बधान्दा ऐ। मूरती पूजा दा अर्थ ऐ, मूरती दी पूजा, अर्थात् मूरती गो परमात्मा

समझिये उस मूरती की पूजना । कोई भी हिन्दू कुर्सी पत्थर की मूरती जां कुर्सी धातु की मूरती की पूजा इस भाव करने नहीं करदा । ओ ते मूरती दे माध्यम करने परमात्मा की उपासना करदा ऐ । जेकर इस गल्ले ऊपर भी आपत्ति होऐ तां की उनें इसाईयें की जेह्ड़े यीशू महात्मा की ते बाइबल की पूजदे न, ते मुस्लमान जेह्ड़े कावे दे पत्थर की बोसा दिन्देन जां ओ किश भगत जेह्ड़े राष्ट्रीय ध्वज की प्रणाम करदे न, सारें की मूरती पूजन आखिये उन्दी निन्द्या करनी चाही की ऐ ।

हिन्दू धर्म की ते मूरती पूजा की पढ़ाई इच पैहली गै समझिये गै अपनान्दा ऐ । जियां बच्चें की गणित सखाने गित्तै गिनतरी आला बोर्ड दस्सेया जन्दा ऐ । मूरती पूजा थमां बल्ले-बल्ले उठिठिये उस परम ते उच्ची अवस्था तोड़ी पुजने गित्तै त्यार करदा ऐ जित्थे उस परप्रभु ते व्यक्ति दा साक्षात् अनुभव हुन्दा ऐ ।

जित्थुं तोड़ी अन्धविश्वासें दा तल्लक ऐ, इस विशे इच चुप्प गै भली । मध्य युग इच यूरोप इच जियां डैनें की जिस चाली तुप्पिये बेरहमी करने जलान्दे हे जां अज्ज बीह्मीं सदी इच बी पच्छिम दे लोक 13 दे हिन्से की बदसगनी मनदे न - इनें दौं मिसालें थमां स्पष्ट होई जन्दा ऐ जे मते अन्ध-विश्वासी कुछ लोक न जिनें गल्लें की दिक्खिये लोक हिन्दुएं की अन्ध-विश्वासी आखदे न, उन्दी गहराईयें इच जाइये दिक्खेया जा तां कोई न कोई दर्शनशास्तर यां मनोविज्ञान की सचाई दा आधार जरूर थोन्दा ऐ । मन्नी बी लेया जा जे हिन्दू धर्म इच अन्ध-विश्वास हैम, पर ओ नुक्सान पजाने आले अन्ध-विश्वास नहीं । कुर्सी की नुक्सान नहीं पजाने आले अन्ध-विश्वास की खरे पर ऐसे भयंकर अन्ध-विश्वास पालने जिन्दे करी कई बुड्डियें जनानियें ते बहुरूपनें की जीन्दे गै जलाई ओड़ेया जा, बड़ा खतरनाक ऐ । अन्त इच, वर्तमान काल दे मनुक्खे दा साईंस ते तकनीक इच अन्ध-विश्वास जे इऐ सर्वे सर्वा न सारे थमां बड़्हा अन्ध-विश्वास ऐ । ओ मुल्ली गै जन्दे न जे साईंस ते तकनालीजी नै मनै की शान्ति कदे नहीं दिती । ते इऐ जीवन दा इक मात्र उद्देश ऐ ।

ओ आपत्ति—जातिवाद नै हिन्दू समाज की बेशमार फिरकें इच बण्डी ओड़े दा ऐ । ते ऐ आपू इच घूणा करदे न ते लड़दे रोहन्दे न । जिस धर्म इच इऐ नेही व्यवस्था होऐ चंगा नहीं हुन्दा ।

जातिवाद ते वर्णाश्रम धर्म दा गै तर्क संगत बघा ऐ । मनुक्खे की योग्यता, सुभा ते कर्म ऊपर एदा बधान बनेदा ऐ । दुनियां इच कोई देस, कोई जाति,

हिन्दू धर्म ईच व्यक्ति ते समष्टि दा विचार

हिन्दू धर्म दे अनुसार जीवन दा अन्तिम लक्ष्य आध्यात्मिक स्वतन्त्रता जां मोक्ष ऐ। पर एदे रस्ते ईच रकावटां पाने आलियां इच्छां ते लालसां हर मनुक्खे ईच मज्जूद हुन्दियां न। ते ओ बाहर ओने दा रस्ता तुपदियां रोह्न्दियां न। इस गल्ले गी मसूस करदे होई हिन्दू ऋषिये इनें गी सिद्धे रस्ते पाने गित्ते ते पथ प्रदर्शन गित्ते किश साधन वनाई ओड़े दे न। इस दृष्टिकोण कन्ने चौं पुरुषार्थे दी कल्पना—धर्म, अर्थ, काम ते मोक्ष—हिन्दू धर्म दी लासानी देन ऐ। भौतिक सम्पत्ति दी प्राप्ति ते भोग (अर्थ), इच्छाएं दा तुष्टीकरण (काम) धर्म ते सत्य दी सीमाए दे अन्दर गै होना चाही दा ऐ। एदे कन्ने अर्थ ते काम दियां भावनां क्षीण हुन्दियां न, ते मनुक्ख समय मतावक मोक्ष जां मुक्ति दा अधिकारी बनी जन्दा ऐ।

मोक्ष दा लक्ष्य सामने हुन्दा ऐ ते हिन्दू धर्म हर इक व्यक्ति गी जीवन दे चौं आश्रमे दा पालन करने गित्ते विधान करदा ऐ। इनें गी वर्णाश्रम धर्म आखदे न। ब्रह्मचर्य (विद्यार्थी जीवन), गृहस्थ (पारिवारिक जीवन), वाराणस्थ (बन ईच जाइये टब्बरे थमां अलग जीवन बिताना) ते सन्यास (संसार थमां भलेयां विरक्ति दा जीवन)।

अध्यात्म ते सांसारिक विज्ञान दा अध्ययन, इक बड़ा कठोर संयम आला जीवन जेदे ईच आत्म संयम प्रमुख गुण हुन्दा ऐ पैह्ले आश्रम दे गुण न। सांसारिक ऐश्वर्य दी प्राप्ति, भोग ते धर्मानुसार चंगी वस्तुएं दा दान दूए आश्रम दे गुण न। दैनिक पंज बलिदान यां पंज यज्ञ—जियां देव यज्ञ (देवते गित्ते बलि देना), पितृ यज्ञ जां पितरें गी तर्पण देना जां उन्दे गित्ते स्नाघ करना, ब्रह्म यज्ञ जां वेदें दा अध्ययन करना, नृ-यज्ञ जां अपने सहयोगिये दी सेवा ते भूत-यज्ञ प्राणी मात्र दी सेवा ए कर्तव्य हर गृहस्थ गी करने जरूरी न। त्रीया आश्रम जेदे ईच अन्तर्मुख होना बड़ा जरूरी ऐ अन्तिम आश्रम दी गै पैहली गै हुन्दी ऐ। अन्तिम आश्रम जीवन दा परम लक्ष्य हुन्दा ऐ। सांसारिक इच्छाएं दा पूर्ण रूप कन्ने त्याग ते मोक्ष प्राप्ति गित्ते अपने आप दा पूर्ण समर्पण हुन्दा ऐ।

हर इक नियम दा अपवाद बी हुन्दा ऐ। ब्रह्मचर्य थमां सन्यास तोड़ी पुज्जने लेई जरूरी नई जे बिचले दो आश्रम जरूर भोगिये गै पुज्जना ऐ।

शास्त्रें योग्य अधिकारियें गितै दूनी या त्रीणी रियायत बी दित्ती दी ऐ। योग्य अधिकारी कुसै बी आश्रम थमां सन्यास तोड़ी इक दम पुज्जी सकदे न।

जियां इक व्यक्ति दा जीवन चौं आश्रममें च बण्डे दा ऐ तां जे ओदो आध्यात्मिक उन्नति हुन्दी जा इयां गै समाज गी बी चौं भागें इच ब्राह्मण, क्षत्रिय, वैश्य ते शूद्र इच बण्डे दा ऐ तां जे समाज दा कम्म सुगमता कन्नै चलदा रवै।

ब्राह्मण वर्ग दा आध्यात्मिक ज्ञान उपपर अधिकार हुन्दा हा। सादा जीवन ते उच्चस्तर दा चिन्तन आध्यात्मिक ज्ञान दी प्राप्ति ते ओदा प्रसार, ए ब्राह्मण वर्ग दे प्रथम कर्तव्य हुन्दे हे। क्षत्रिय लोग अपने बाहुबल दी शक्ति कन्नै समाज दी रक्षा करदे हे। कानून दी व्यवस्था ते अमन दी रक्षा ते न्यां करना उन्दी जिम्मेदारी हुन्दी ही। धन उपार्जन करना ते बिना स्वार्थ दे समाज इच ओदा वितरण करना वैश्यें दा कम्म हा। हर्त्थें कन्ने कम्म करना ते समाज दे बाकी वर्गों दी सेवा करना जिन्दा कम्म हा उन्नै गी शूद्र आखदे हे।

इस वर्ग व्यवस्था दे खिलाफ बड़ी नुकताचीनी होई दी ऐ। इसी चतुर्वर्ण व्यवस्था बी आखदे न। असें गी ए गल्ल याद रखनी चाही दी ऐ जे ए व्यवस्था व्यक्तियें दे मानसिक चिन्तन से उन्दियें प्रवृत्तियें अनुसार बनदी ही, ते इक प्रकार दा समाज इच श्रम विभाजन हा। कम्म बण्डे दे हे। एदा आधार कुसै वर्ग इच जन्म नईं हा। ए ऐ ते बड़ा मुश्कल जे इक-इक व्यक्ति दी परीक्षा लैती जा, ओदे सुभा ते प्रवृत्ति गी परखेया जा ते फी ओदा पेशा निश्चित कीता जा। इस करी पुस्तैनी पेशा गै कम्म चलाऊ सिद्धान्त मन्नेया जन्दा हा। आमतौर उपपर पुत्तर पिता दा पेशा अपनांदा ऐ ते पिता दे गुण बी प्राप्त करदा ऐ। पर इस सिद्धान्त गी जड़वाद दी भूमिका कन्ने जां बड़ी सख्ती कन्ने नईं हा बरतेया जन्दा। एदे इच लचकदारी हुन्दी ही ते एदा उल्लंघन बी कीता जाई सकदा हा। शास्त्रें इच ऐसे कईं उदाहरण थहोन्दे न जिन्दे थमां पता लगदा ऐ जे मनुक्खें दा वर्ण ओदे मानसिक बना उपपर ओदे पेशे थमां निश्चित कीता जन्दा हा। एदे किन्ने गै उदाहरण न जित्थे नीची जाति आले अपने गुणों करी उपपर चकोई गे ते कईं उच्चे वर्ण आले अपने पापें कारण नीच बनी गे। इस करी ए स्पष्ट ऐ जे अज्जै दी जातपात व्यवस्था चे बक्ख-बक्ख डब्बें इच तकसीम ते आपूँ बिच्चें दी दुश्मनी कुसै बेल्लै दे महान सिद्धान्त दा बिगड़े दा रूप ऐ जिसने समाज गी फीगर-फीगर करी ओड़े दा ऐ।



हिन्दू समाज इच इस्त्री दा स्थान

कोई बी पक्खरू इक्कै फंगै कन्ने नई उडरी सकदा । समाज इच इस्त्री दा थाहूर दूए फंगै दा ऐ । इस करी इस्त्री दी स्थिति दा विचार करना उचित ऐ ।

आदर्श कुसै बी राष्ट्र दे हृदय ते आत्मा हुन्दे न । इस करी हिन्दू राष्ट्र दी सही जानकारी ते इस्त्री दी स्थिति राष्ट्र दे आदर्शों उप्पर निर्भर करदी ऐ । जियां पैहलें दस्सेया ऐ जे हिन्दू धर्म इस्त्री जां पुरुष गित्तै मोक्ष जां आध्यात्मिक स्वतन्त्रता गी जीवन दा परमार्थ समझदा ऐ । परिणाम-स्वरूप जिन्ने बी साधन जां मोक्ष प्राप्ति दे रस्ते दस्से गये न ओ प्रायः इक्कै जनेहू न । पवित्रता, अपने आपै उप्पर संयम, श्रद्धा ते तपस्या इस्त्री आस्तै बी उन्नै गे जरूरी साधन न जिन्ने कुसै पुरुष आस्तै । पर हिन्दू धर्म नै इस्त्री ते पुरुष दे विच जेहूँ शारीरिक ते मानसिक अन्तर पाये दे न, उन्दे पासै अक्खीं नई मीटियां । ईऐ कारण ऐ जे हिन्दू धर्म नै अपने-अपने धर्म जा विशेष गुणें दे आधार उप्पर जीवन ते साधना दे बक्खरे-बक्खरे क्षेत्र निश्चित करी दित्ते दे न । समाज दी ताकत ते मजबूती परिवार दे सदस्ये उप्पर निर्भर करदी ऐ । इस्त्री परिवार दा केन्द्र बिन्दु हुन्दी ऐ । इस्त्री उप्पर केडी-बड़डी जिम्मेदारी ऐ, एदी कल्पना ते करो । इस्त्री घरै दी मालकिन हुन्दी ऐ तां गै ते घरै गी घर आखदे न । इस करी हिन्दू इस्त्री दा आदर्श इक आदर्श-गृहिणी हुन्दी ऐ । ओ आदर्श पत्नी हुन्दी ऐ, आदर्श भित्तर हुन्दी ऐ, ते इक आदर्श माता हुन्दी ऐ । सारे गै आदर्श इक्कै थाहूर किट्ठे होए दे न । सीता, सावित्री, दमयन्ती ते गान्धारी, ऐ हिन्दू भूमि दा संगीत न । इन्ने इस्त्रिये लक्खें बरें थमां लक्खें हिन्दू इस्त्रिये गित्तै आदर्श पेश कीता ऐ । यूनान दिये हेलनै जां अंग्रेजें दिये जूलियटें साढ़े गित्तै आदर्श नई पेश कीते ।

वैदिक ते रामायण ते महाभारत दे जमानें इच इस्त्रिये गी मती स्वतन्त्रता ही । उन्नै गी बरोबरी दे अवसर ते बरोबरी दे खेतर उपलब्ध हे । खास करिये धर्म ते अध्यात्म दे खेतरें इच । उन्दा उपनयन संस्कार हुन्दा हा । ओ वेद पढ़ी सकदियां हियां । ओ अध्यापक बनी सकदियां हियां । जेकर उन्दी इच्छा हुन्दी ते ओ तपस्विनियां बी बनी सकदियां हियां । मध्यकाल दे समय इच आनिये उन्दी उन्नति ते भलाई पासै घोर उपेक्षा होई गई ।

वर्तमान शिक्षा दे उदय कर्न ते पश्चिम दी सम्यता ते विज्ञान करी परिवर्तन ते बेशक जरूर होआ ऐ, पर बमारी इन्नी खतरनाक नई ही जिन्ना खतरनाक

इलाज सिद्ध होआ ऐ। हुण इस्त्री पुरुष कोला अगगे वधने दी होड़ करन लगी ऐ। हुण सन्तात उत्पन्न करने ते गृहस्थी बनाने इच उसी कोई समाधान नई। हुण ओ कोई उच्चा कम्म करना चाहन्दी ऐ। नतीजा ए होआ करदा ऐ जे घर हुण होटल बनदे जा करदे न। आर्थिक स्वतन्त्रता दे नां उपपर जिन्दगी बड़ी उत्तेजनापूर्ण, अनियमित ते आवारागर्द हुन्दी जा करदी ऐ। हिन्दू इस्त्री हुण ऐसे कम्मं इच लगदी ऐ जेदे कर्न रक्षा दा कम्म पिच्छे पवा करदा ऐ। ते उसी अपने सुभा ते प्रकृति दे विरुद्ध बी कम्म करना पवा करदा ऐ। हुण ओ अपनेवाह मर्दे दी नकल करदी ऐ। ओ आनन्द प्रदान नई करी सकदी। ओ कुसै कम्म गितै प्रेरणा नई देई सकदी। कुसै मुसीबत इच सान्त्वना नई देई सकदी। पंहलें ओ ए सब कम्म करदी ही। संसार दे प्रसिद्ध वैज्ञानिक डा० अलैक्सिस कैरल आखदे न—इस्त्री ते पुरुष इच अन्तर मूलभूत प्रकृति दे कारण हुन्दे न। इनें मूलभूत तत्वे दी अज्ञानता नै इस्त्रिये दा हित चाहने आले लोकें गी ए सोचने ते विश्वास करने उपपर मजबूर कीता ऐ जे इस्त्री पुरुष दोनै गी इक्के प्रकार दी शिक्षा, इक्के प्रकार दे अधिकार ते इक्के प्रकार दे उत्तरदायित्व सौपे जान। सचाई ए ऐ जे इस्त्री दा ते पुरुष दा बड़ा भारा अन्तर ऐ। इस्त्री दे शरीर दा कण-कण ओदी प्रकृति दा प्रतीक हुन्दा ऐ। शारीरिक नियम उन्नै गै अटल ते कठोर हुन्दे न जिन्ने सितारें दी दुनियां दे। उनें नियमें गी मनुख अपनी इच्छा मताबक नई बदली सकदा।¹ फी एदा उपा केह, निकलेया? इस्त्री शिक्षा दा केन्द्र बिन्दू धर्म रक्खिये इस शिक्षा दा प्रसार होना चाही दा ऐ। धर्म प्रमुख होना चाही दा ते बाकी सारियां गल्लां धर्म दे दूए नम्बरे उपपर होनी चाही दियां, स्वामी विवेकानन्द जी दा इऐ कथन ऐ।² महात्मा गान्धी होरें बी साढ़ियें इस्त्रियें गी इऐ उपदेश दिते जे पश्चिम दी नकल नई करो। भारत दी प्रकृति ते भारतीय वातावरण दे अनुसार साधनें दा प्रयोग करो। साढ़ी संस्कृति इच जे किश सर्वोत्तम ऐ उसी मजबूत हथें कन्ने सुरक्षित रक्खने ते पवित्र बनाई रक्खने गितै प्रयत्न करना चाही दा ऐ। ते जे किश नीच ते पतनकारी ऐ उसी इकदम त्यागना चाही दा ऐ। ए कम्म सीता, द्रौपदी, सावित्री ते दमयन्तियें दा ऐ। छड़ी वीर ते अभिमानी इस्त्रियें दा नई।³ क्या साढ़ियां माता मैनां इस शिक्षा पासे ध्यान देडन?



1 Man the unknown, Chapter-III Section—9.

2 Complete works of Swami Vivekanand Vol. III, P.-218

3 Mahatma Gandhi.

हिन्दू साधना

आध्यात्मिक अभ्यासों की साधना आखदे न । ए पूर्णता प्राप्ति दे रस्ते न ते सत्य प्राप्ति दे मार्ग न । कीजे व्यक्तिगत साधकों दे बखरे सुभाएँ दे मतभेद हुन्दे न । इस करी हिन्दू धर्म नै बखरे आध्यात्मिक अभ्यासों जां साधनाएं दी आवश्यकता की मसूस कीता दा ऐ । इन्हें साधनाएं की चों प्रकारें इच बण्डे दा ऐ जिन्हें की योग आखदे न । कर्मयोग, भक्ति योग, राजयोग ते ज्ञान योग । कर्मयोग ते निष्काम कर्म करने आले कर्मयोगी गित्तै रस्ता ऐ । भक्तियोग परमात्मा दे प्रेम दा रस्ता ऐ । ए भावुक लोकें गित्तै बड़ा सुन्दर रस्ता ऐ । राजयोग मानसिक संयम दा रस्ता ऐ । ए अन्तर्मुखी लोकें आस्तै उपयुक्त ऐ । ज्ञानयोग, विवेक ते ज्ञान दा रस्ता ऐ । जिन्दी बुद्धि बड़ी तीक्ष्ण ते विवेक बुद्धि बड़ी पैनी होऐ उन्दे गित्तै आदर्श रस्ता ऐ ।

ए चार प्रकार दे कर्म, भावना, अन्तः निरीक्षण ते बुद्धि हर व्यक्ति इच थोड़ी मती मात्रा इच विद्यमान हुन्दे न । इस करी सारे योगें दा सन्तुलित एकत्रीकरण कुसै इच कोई घट्ट मात्रा इच ते बाकी सुभानुसार मात्रा इच होन तां परिणाम किश चंगे ते भटपट निकलने आले हुन्दे न ।

अपना कम्म करदे चलो, जेह्ड़ा कर्तव्य तुन्दी किस्मत इच ऐ उसी योग्यता कन्ने ते चंगी चाली करदे चलो । हमेशां सावधान रवो । ममता इच नई फसो । न ते कम्म दी ममता इच ते न गै ओदे परिणाम दे मोह इच फसो । ए कर्म योग दा नचोड़ ऐ । अपने पूरे मन ते आत्मा कन्ने परमात्मा की भजो । परमात्मा कन्ने इक जीवित रिश्ता कायम करो । अपना पूरा आप उसी समर्पण करो । केवल परमात्मा की चाहो, होर कुसै की नई चाहो । ए भक्तियोग दा सार ऐ ।

राजयोग नै अभ्यास दे अट्ट रस्ते रखे दे न जेह्ड़े मन दा पूर्ण संयम ते सत्य दा पूर्ण दर्शन करान्दे न । यम ते नियम नैतिक ते सैद्धान्तिक ए पैह्ले दी कदम हुन्दे न । आसन(स्थिर ते आरामदेह बीह्ने दी स्थिति) प्राणायाम (नियम पूर्वक

साह लेना ते श्वास उप्पर काबू पाना) प्रत्याहार (इन्द्रियें दी भावनाएं गी उन्दे थमां दूर रक्खना), धारणा (आदर्श उप्पर मनै गी एकाग्र करना), ध्यान (मनै गी बल्लै-बल्लै आदर्श पासै नेन्दे जाना। ते समाधि (आदर्श उप्पर पूर्ण एकाग्रचित्त होना)। ए नियमानुसार कदम न।

वास्तविक (आत्मा) ते असत्य (दृश्य संसार) इच विवेक बुद्धि रखो। असत्य गी इकदम छोड़ी देओ। आत्मा कन्ने सर्वन्ध जोडो। उऐ चिरन्तन ते अमर सत्य ऐ। उसी सुनो, ओदे उप्पर विचार करो, ओदे उप्पर गै ध्यान करो। ओदे कन्ने एकाकार होई जाओ। ए ज्ञानयोग दा सार संक्षेप ऐ।



हिन्दू धर्म इच धार्मिक कृत्य मन्दिरें ते त्योहारें दा स्थान

बिना धर्म दे दर्शनशास्त्र दा कोई अर्थ नई। धार्मिक कृत्यें बिना धर्म फिक्का रई जन्दा ऐ। धर्म दे धार्मिक कृत्य—बीज दे सिकड़े आडू हुन्दे न जेह् डे बीज दा जीवन सुरक्षित रखदे न, ते बीज इच परतिये जम्मने दी शक्ति कायम रखदे न। जिस लै धार्मिक कृत्य धर्म थमां अलग होई जन्दे न ते उन्दा अपना अस्तित्व बनी जन्दा ऐ, उसलै ओ कृत्य बेजान ते मशीनी बनी जन्दे न।

अजें तोड़ी माहणू उन्नी बुलन्दियें तोड़ी नई पुज्जे जे हर प्रकार दे प्रतीक ते धार्मिक कृत्य छोड़ी दित्ते जान ते छड़े कोरे सिद्धान्तें गी गै मन्नना शुरू करी दित्ता जा। भण्डा चाढ़ना, सगन्ध चुक्कना, दीक्षान्त समारोह करना उससै चाली महत्व रखने न जियां धार्मिक कृत्य या बलिदान। इक भाव ते आध्यात्मिक आदर्श गी निश्चित रूप देने ते ओदे इच जिन्दगी दा रंग ते उत्साह भरने गित्तें हिन्दू धर्म नै किन्ने गै धार्मिक कृत्य करने ते मनाने दी सलाह दित्ती दी ऐ। इन्दे चा किश ते जरूरी न ते किश सुविधा मताबक कीते जाई सकदे। सूर्योदय, मध्याह्न, ते सूर्यास्त बेल्लै समाधि लाना ते गायत्री मन्त्र दा उच्चारण करना।¹ परमात्मा दी पूजा करना (लिंग या मूर्तिएं द्वारा) यज्ञ दी अग्नि इच आहुतियां पाना, ए धार्मिक कृत्य हर इक हिन्दू गित्तें प्राचीन समें थमां जरूरी मनदे आये न। अज्ज बी ए धार्मिक कृत्य, लोग करदे आवै करदे न भायें इन्दा रूप बदली गेदा ऐ, ते भायें ओ पहेले आला उत्साह बी घटी गेदा ऐ।

जेकर सोची समझिये ते निष्ठा कन्ने धार्मिक कृत्य कीता जा तां इक ऐसा आधार बनदा ऐ, इक ऐसा वातावरण बनदा ऐ, ऐसी धारणा बनदी ऐ, ते मनै दी ऐसी स्थिति बनदी ऐ जे आध्यात्मिक उन्नति चाहनै आला व्यक्ति संसार थमां

1 गायत्री मन्त्र इक लोह्की नेही प्रार्थना ऐ जेह् डी सूर्य मण्डल इच स्थित उस परब्रह्म परमात्मा गी कीती जन्दी ऐ। एदा अर्थ ऐ—अस सविता देवता दे तेज दा ध्यान करने आं। ओ सादियें बुद्धियें गी प्रकाशित करै। ए इक लोकोक्ति ऐ जे त्रै गंकार—गीता, गंगा ते गायत्री हिन्दू धर्म दी त्रपाई दे त्रै पावे न जिन्दे उपपर हिन्दू धर्म खड़ोता दा ऐ।

अपने आप गी बक्ख करी लैन्दा ऐ ते उस परब्रह्म परमात्मा दी गुमनाम उपस्थिति गी अनुभव करन लगी पौन्दा ऐ ।

हिन्दुत्व धर्म ते आध्यात्मिकता गी बिल्कुल व्यवितगत मामला समझदा ऐ । एदा सर्वेन्ध ते चिरन्तन आत्मा ते सनातन ईश्वर कन्ने ऐ । इस करी हिन्दू गित्तै कोई मन्दिर बनवाना, रोज मन्दिर जाना, जां कुसै खास दिन जरूर जाना जरूरी नई । हिन्दू गित्तै ओदा शरीर गै मन्दिर ऐ जेदे इच्च परमात्मा दा बास ऐ । फी बी उन्ने साधारण लोकें गित्तै जेहूँडे इस गूढ़ तथ्य गी नई समझदे ते जिन्हें गी बाहरली सहायता दी जरूरत हुन्दी ऐ, मन्दिर जाने दी सलाह दिन्दे न । मन्दिर बी ते उस शरीर दा बाहरी प्रतीक हुन्दा ऐ । सच्च गल्ल ते एह ऐ जे मन्दिर दे हिस्से दे नां शरीर दे अंगें दे कई नाएं आडरन । वास्तव इच्च मन्दिर उस परमात्मा ते उसदी सृष्टि (संसार) दे सारे पहलुएं दा प्रतीक ऐ ।

ग्राम तौर उपर मन्दिर दा प्रवेश द्वार बड़ा बड़ा ते शानदार अमारत हुन्दी ऐ । जिसलै अस एदे सामने खड़ोने आं तां अस उस सृष्टि दे निर्माता प्रभु दे सामने तुच्छ लब्बने आं । ते जिस लं अस अन्दर जन्ने आं उस बाहरली शानशौकत ते सजावट गी बाहर गै छोड़िये अन्दर परम पावन मन्दिर गर्भ इच्च पुज्जने आं तां ओ लौह्का नेहा ते न्हेरा सेई हुन्दा ऐ । लो बालो ते कोल लेई जाओ तां गै भगवान दे दर्शन हुन्दे न । इस थमां पता लगदा ऐ जे असें गी महान ते शानशौकत आली चीजें गी बाहर गै छोड़िये अन्दर आना हुन्दा ऐ । अपने मनै इच्च तलोफना हुन्दा ऐ, ज्ञान दा दिया बालना हुन्दा ऐ ते अपने मनै दे परमपावन गर्भगृह इच्च भांकिये भगवान दे दर्शन करने हुन्दे न ।

साढ़ी ते मन्दिरें दी धरती ऐ । कोई नगर जां आं ऐसा नई जित्थें मन्दिर नई होऐ । भायें ओ शिवजी दा होऐ, विष्णु दा होऐ, देवी, हनुमान, गणेश जां सुब्रह्मण्यम (स्वामी कार्तिक) दा होऐ । ए साढ़े देश दी चलदी आवै करदी आध्यात्मिक परंपरायें दे जीन्दे जागदे कीर्ति दे थम्म न । इन्हें साढ़े देश दे सामाजिक जीवन इच्च बड़ा महत्वपूर्ण योगदान दित्ता दा ऐ । इन्हें साढ़े धर्म ते संस्कृति गी महान बनाया ऐ ते जात्रा, रथोत्सव ते त्योहारें कन्ने साढ़ियें कलाएं ते दस्तकारियें गी सांभिये रखेया ऐ । साढ़े किश त्योहार पवित्तर दिनें ते बारें कन्ने सर्वन्धित न, किश मन्दिरें कन्ने सर्वन्धित न, किश नदियें ते तीर्थ यात्राएं कन्ने सर्वन्धित न । ए साढ़े समाज दे धार्मिक जीवन दे प्रबल निमित्त रहे न ।

इक त्योहार दे नियम ते सिद्धान्त व्यक्तिगत जीवन इच पवित्तरता दी भावना गी आनदे न । ए मन दे बोझ गी हल्का बी करदे न । ते जेकर इनें गी ठीक ढंगे कन्ने मनाया जा तां मन गी उच्चा बी चुकदे न । इक रथोत्सव (मन्दिर दे रथ दा त्योहार) जां इक धार्मिक मेला, इनें दौनें दी अपनी गै कहानी ऐ । इन्दे अपनै गै उपदेश न । पहले दा अर्थ एह ऐ जे तुस परमात्मा कोल नईं जाई सकदे तां परमात्मा तुन्दे कोल आई सकदा ऐ । दूए दा अर्थ ए ऐ जे इक समान सोचने आले धर्मानुरागी इक थां पर किट्ठे होइयै इक दूए दिये आध्यात्मिक लहरें गी मजबूत करी सकदे न । इऐ कारण ऐ जे सदिये थमां ए साढ़े जीवन दा अंग संग बनी गेदे न ।



हिन्दू धर्म ते किश कर्मकाण्ड ते संस्कार

हिन्दू धर्म दे किश महत्वपूर्ण कर्ममाण्डें ते संस्कारें दी विस्तार कन्ने चर्चा करी लेना बी मनासब होग। इन्हें कर्मकाण्डें ते संस्कारें हिन्दू धर्म दी शोभा बधाई दी ऐ।

सन्ध्या पूजन ते होम—ए कर्मकाण्ड ते अत्यन्त प्रचलत न ते अजें तोड़ी चलदे आवै करदे न। जातकर्म (सूत्रा), नामकरण, अन्नप्राशन, उपनयन (जनेऊ पाना) ब्याह ते दाह-संस्कार ते स्नाघ प्रचलत सार्वजनिक संस्कार न ते अजें तोड़ी चलदे आवै करदे न।

सन्ध्या सूरज चढ़ने बेल्लै दपहरिं ते सँजा बेल्लै करदे न। विधिपूर्वक आचमन करना, प्राणायाम करना, अघमर्षण प्राहचित करना, पाप नईं करने दी सगन्ध चुक्कना, सूरज देवता गी अर्घ दान देना, गायत्री मन्त्र दा जप करना, सूरज भगवान दा ध्यान करना ते सूरज देवता दा उपस्थान (अर्थात् प्रणाम) करना, इस कर्मकाण्ड दे अंग न।

पूजा दी पद्धति बिल्कुल उंआं गै हुन्दी ऐ जियां कोई बड़ा जिगरी प्रौहना आई जा जां आपूँ राजा गै आई जा ते उसदी खातर कीती जा। इस पूजा इच प्रौहना राजें दा राजा ओ परमपिता परमेश्वर हुन्दा ऐ। पैह्लें देवता दा आह्वान करदे न, फी आसन दिन्दे न, पैर घोन्दे न, चन्दन ते अक्खत, पाइयै अर्घ दान दिन्दे न, मत्थे उपपर चन्नन दा टिक्का लान्दे न। फुल्ल चाढ़दे न। धूप घखान्दे न, दिया वालियै आरती करदे न, किश खाने दी बस्त नवेद भेण्ट करदे न, पीने गित्ते पानी दिन्दे न, फी पिछुआं बिदा करदे न।

होम असल इच वैदिक बलि पद्धति ऐ जेह्ड़ी वैदिक जरूरतें मताबक हुन्दी ऐ। ऐ एबी पूजा गै, पर यज्ञ दी अग्नि इच देवता दा आह्वान करिये कीती जन्दी ऐ। किश विस्तारपूर्वक ब्योरे गी छोड़िये होम ते पूजा इक्की गल्ल ऐ।

संस्कार दा शाब्दिक अर्थ ऐ शुद्धि करने आली रस्म। ए सामाजिक ते

धार्मिक प्रकृति दी हुन्दी ऐ । एदे करने करी हिन्दू दा जीवन पवित्तर होई जन्दा ऐ । संस्कारें दी संख्या सोलां ऐ पर प्रमुख संस्कार जिन्दा वर्णन उप्पर आया ऐ, इस चाली न :—

जात कर्म संस्कार जातकै दे जम्मनै दे तत्काल परैन्त गै कीता जन्दा ऐ । मत्रें दा उच्चारण कीता जन्दा ऐ जे जातकै दा मेघा-ज्ञान (धारणात्मक शक्ति) पैदा होऐ ते कन्ने जातकै दी लम्मी आयु होऐ तैशारीरिक बल बधै—ए प्रार्थना कीती जन्दी ऐ ।

नामकरण संस्कार जां सूत्रा, जम्मनै दे दस्सें जा बा'रें दिनें पिच्छूं कीता जन्दा ऐ । जातकै दे नां दी चोन आमतोर उप्पर धार्मिक विचारें दे अनुसार कीती जन्दी ऐ । अन्नप्राशन (नाला जात कराना) जातकै गी पैहली बारी ठोस गिजा देने दी रस्म हुन्दी ऐ । पैहलें देवी-देवतें गी चाढ़ियं फी जातकै गी अन्न चखाया जन्दा ऐ ।

उपनयन संस्कार दा अर्थ हुन्दा ऐ जे जातकै गी विद्या पढ़ाने गित्तै गुरु कोल लेई जाना । ए संस्कार जातकै गी जीवन इच उबड़ा चुक्कने गित्तै संस्कार हुन्दा ऐ । सांस्कृतिक दृष्टि कन्ने ए सबनें थमां महत्वपूर्ण संस्कार ऐ । उपनयन संस्कार इस गल्लै ते विश्वास दा पोषण ऐ जे जातकै दा सांस्कृतिक ते आध्यात्मिक पुनर्जन्म हुन्दा ऐ । पढ़ने पाने दे प्राचीन तरीके थमां उपनयन दी रस्म उन्नति पास इक बड़ी बड़्डी गै ऐ । पैहलें जातक दी सहनशक्ति दी परीक्षा हुन्दी ही, किश चिरै गित्तै उसी घरे थमां बक्ख कीता जन्दा हा । ओदे शरीरै इच कुतै अंग छेद करदे हे । जियां अज्ज बी कईं धार्मिक जातियें इच अंग छेद दी रस्म चलदी ऐ ।

मेखला पाइयै कपीन बन्हना, यज्ञोपवीत (जनेऊ) धारण करना, सावित्री जां गायत्री दा मन्त्र लैना, ते भिक्षा गित्तै बाहर जाना, ए इस संस्कार दे प्रमुख अंग हुन्दे न । सारे थमां पैहलें अंग दा अर्थ ऐ जे आत्म संजम दा जीवन शुरू होई गया ऐ । यज्ञोपवीत जां जनेऊ दा अर्थ ऐ जे इस संस्कार थमां लगातार बलिदान दा जीवन शुरू होई गया ऐ । गायत्री मन्त्र इक ब्रह्मचारी विद्यार्थी गित्तै बौद्धिक उन्नति दी प्राप्ति आस्ते सही दिशा पास मनासब कदम ऐ । ए इक उमर भर लम्मे आध्यात्मिक संघर्ष दी शुरुआत ऐ । भिक्षा गित्तै बाहर जाना इस गल्लै दा चेत्ता नुआन्दा ऐ जे व्यक्ति दा आधार समाज हुन्दा ऐ ते समाज दा ऋण तुआरना अपने जीवन दा लक्ष्य हुन्दा ऐ ।

सारे रस्म रिवाजें च ब्याह जां शादी सारे थमां केन्द्रीय रिवाज ऐ। हिन्दू धर्म इच गृहस्थ जीवन दी महत्ता गी दससने आला महत्वपूर्ण रिवाज ऐ। ब्याह दी रस्म टकोदा दसदी ऐ जे सांसारिक जीवन बिताना निन्दनीय कम्म नईं। एदे गित्तै मानसिक तैयारी दी लोड़ हुन्दी ऐ। ते इसी आध्यात्मिक अनुभव तोड़ी पजाना लक्ष्य हुन्दा ऐ। ब्याह दा अर्थ मनमानी करने दा पर्वाना थ्होई गया नईं होना चाही दा। इसदा अर्थ ऐ जे वैवाहिक जीवन बिताइयै आत्मा उप्पर विजय प्राप्त करना ऐ। ब्याह इक स्त्री ते पुरुष दे बिच्च इक सांभेदारी दी प्रथा ऐ। दमै स्त्री ते पुरुष सांभेदारी दा जीवन बितान्दे होई निर्माण कार्य करदे न ते चीनै पुरुषार्थ गित्तै प्रयत्नशील हुन्दे न। शादी इच दो पक्ख वर ते वधु ते हुन्दे गै न, इक त्रीया पक्ख बी हुन्दा ऐ। उसी धर्म आखदे न। ए सांभा धार्मिक कर्तव्य हुन्दा ऐ। ए दौनै वर ते वधु गी इक करने आला साधन हुन्दा ऐ। एदा परिणाम ऐ जे ब्याह हिन्दू धर्म इच इन्नी पवित्र चीज ऐ जे ए कदें त्रुटी सकदा गै नईं।

इस रिवाज दे महत्वपूर्ण कदम न—कन्यादान (कन्या दे कानूनी वारस वर गी कन्या दा दान करदे न)। विवाह होम (पवित्र अग्नि इच ब्याह दियां आहुतियां पानियां), पाणिग्रहण (वर द्वारा वधु दा हत्थ थम्मना) सप्तपदी (सत्त कदम किट्ठे चलना) अश्वमरोहण (पत्थर उप्पर चढ़ना), सूर्यलोकन सूर्य पास दिक्खना ते ध्रुव दर्शन—(ध्रुव तारे गी दिक्खना) पाणिग्रहण दा अर्थ ऐ जे वर नै ब्याह काल थमां वधु दी अगें दी सारे जन्मे दी जिम्मेदारी लेई लैती ऐ। सप्तपदी उन्नति दा सुख शान्ति दा प्रतीक ऐ। ब्याह दे बाद वधु वर दे परिवार इच सम्मिलित होई जन्दी ऐ। ते ब्याह दी रस्म पूरी होई जन्दी ऐ। सूर्यलोकन दा अर्थ ऐ जे सूर्य भगवान इस संस्कार दे साक्षी न। पत्थर उप्पर पेर रखना, ते ध्रुव ते अरुन्धती गी दिक्खना जीवन इच स्थिरता ते नियमितता दे प्रतीक न।

हिन्दू दे जीवन दा अन्तिम संस्कार अन्त्येष्टि ऐ। कीजे हिन्दू अपना सारा जीवन बक्खरे-बक्खरे समें उप्पर बक्खरे-बक्खरे संस्कारें कन्ने पवित्र करदा रोह्न्दा ऐ, ओदी मृत्यु उप्पर ओदे वारस मृत्यु दियां रस्मां करियै ओदे भविष्य ते आध्यात्मिक शान्ति सुख गित्तै मृत्यु संस्कार करदे न। भायें ए संस्कार मृत्यु दे बाद हुन्दा ऐ पर इस करी एदी महत्ता घट्ट नईं होई जन्दी। इक हिन्दू गित्तै दूए संसार दा मुल्ल इस संसार थमां बी बड़ा महत्वपूर्ण हुन्दा ऐ।

मरदे व्यक्ति दे मुहें इच गंगा जल पाना ते तुलसीदल पाना इक नियम

ऐ। नजीकी रिश्तेदार ते दोस्त किड़े उप्पर पाइयै मृतक शरीर गी लेई जन्दे न। जां ते इसी फूकी ओड़दे न जां जाति दे रस्म रिवाज मतावक दब्बी ओड़दे न। जेकर फूकेया जा तां फुल चुनियै नजीकी पवित्र नदी इच पर्वाही ओड़दे न। जेकर दबाया जा तां उनें फुल्ले उप्पर इक समाधि बनाई ओड़दे न। तां जे यादाश्त रवै।

अन्तिम रस्में इच स्नाथ करना बी इक जरूरी रस्म ऐ। स्नाथ मृत्यु दे वारमें या तेरमें दिन करदे न। होम करदे न, पिण्ड दान करदे न ते ब्राह्मणों गी भोज दिन्दे न।



हिन्दू धर्म इच सुधारवादी आन्दोलन

इक खडाल हुन्दी ऐ। उसी पैह्लवान आखदे न। उसी भायें कुसै पासै ढाओ किन्ने बारी ढाओ ओ परतियै खड़ोई जन्दा ऐ। ओदा सन्तुलन उसी डिग्गन नई दिन्दा। इस पवित्तर हिन्दू भूमि उपपर हमलें दियां लैहरें उपपर लैहरां ओन्दियां रहियां पर ओ उसी नष्ट करने इच सफल नई होई सकियां। एदा कारण ऐ जे हिन्दू धर्म दी आधारभूमि बड़ी मजबूत ते निगगर ऐ। अपनी आधारभूमि उपपर पक्के पैरें खड़ोते दे हिन्दू धर्म हमेशा सक्रिय रेह्या ऐ। हिन्दू धर्म इच परिवर्तन दी, समन्वय दी अद्भुत क्षमता ऐ। समें दी, ते स्थिति दी आवश्यकता दे मुताबक हिन्दू धर्म नै अपने आप गी उससै चाली ढाली लेया ऐ।

जदूँ कदें आवश्यक मूल तत्व भुल्ली गया ते उपराली गैर जरूरी चीजें उपपर गै मता जोर पौन लगा तां हिन्दू धर्म दे अपने लोकें गै प्रतिक्रिया दस्सी, विद्रोह बी कीते ते बिगड़दी स्थिति गी परतियै ठीक करी दित्ता ते समें दी आवश्यकता ते अनुरूपता दे अनुसार नमां रस्ता अपनाई लैत्ता। जिसलै साढ़ा वैदिक धर्म बलिदानें दा गुंजलदार गोरखघन्दा बनी गया तां प्रगतिशील उपनिषदें दे ऋषियें मुनियें बड़े स्पष्ट शब्दें इच एदी निन्दया कीती ते सचाई गी प्राप्त करने गित्तै ध्यान ते ज्ञान दा टकोदा रस्ता दस्सेया। ए पैह्ला सुधारवादी आन्दोलन हा। एदी पूर्ति दूए आन्दोलन कन्ने होई जेहड़ा भगवान कृष्ण जी नै गीता दे उपदेश कन्ने शुरू कीता ते आपूँ इच लड़दे बक्खरे-बक्खरे सम्प्रदायें गी जिन्दे च कोई छड़े कर्मवाद गी, कोई ज्ञान मार्ग या ध्यान गी ते कोई भक्ति मार्ग गी गै ठीक रस्ता समझदे हे, इक मुट्ठ करी दित्ता। उनें अपनी व्यवस्था इच हर पद्धति गित्तै स्थान रक्खेया तां जे इक दूए कन्न खैहुरने दी नोबत गै नई आवै। ओदे बाद महात्मा बुद्ध आयै। ओ दया दे सागर हे। उन्दा उद्देश्य हा जादा कोला जादा लोकें दा कल्याण होऐ। धर्म किश खास लोकें दी जाती जमीन नई बनी जा। ओ नीति ते अध्यात्म दे सधारण उपदेश दिन्दे हे। उनें उपदेशें दा वर्तमान जीवन कन्ने जादा सबन्ध हुन्दा हा। ओ परलोक जीवन उपपर इन्ना

बसाह नईं हे करदे । उनें अपने क्रियाशील ते अध्यात्मवादी आन्दोलन कन्ने करोड़े लोकें दा मन मोही लैता ।

महात्मा बुद्ध नै जेह्ड़ी वैदिक धर्म दी निन्दया कीती ते परलोक दे वारे इच किश नईं बोलेया—इनें दीनें गल्लें गी उन्दे अनुयाइयें विल्कुल गलत समझेया ते गलत रूप इच गै उन्दा प्रचार कीता । ए फी स्वामी शंकराचार्य होए जेह्ड़े हिन्दू धर्म दे पैहले प्रचारक हे, जिनें सारे भारतवर्ष दा भ्रमण कीता ते बौद्ध प्रचारकें दे फैलाये दे भ्रमजाल गी कट्टेया ते हिन्दू धर्म दे प्राचीन गौरव दी परतियै स्थापना कीती । महात्मा बुद्ध गी अपने अवतारें दी पंक्ति इच शामिल करी लैता । ते महात्मा बुद्ध दे बाद दा बुद्ध धर्म हिन्दुस्तान थमां लोप होई गया । हिन्दू धर्म बिच गै विलीन होई गया ।

ओदे बाद बदेसियें दे हमलें दा युग शुरू होआ ते इंयां बभोन लगा जे सनातन धर्म ते गया । पर इसी जीवत रखने दा कम्म बक्खरे-बक्खरे भक्ति आन्दोलनें कन्ने होन लगा । ए भक्ति आन्दोलन रामानुज, मध्व, वसवेश्वर, चैतन्य, रामानन्द, कबीर, नानक, मीरा बाई, तुलसीदास, पुरन्दरदास ते होर कई सन्त महात्माएं द्वारा शुरू होए । खास करी नानक जी दे सिक्ख धर्म नै लोकें गी भारी संख्या इच जबरदस्ती मुसलमान बनने थमां बचाया । रामानुज दे भक्ति आन्दोलन नै बी ब्राह्मण रुढ़िवाद गी विशाल बनाने इच बड़ा योगदान दित्ता ।

अंग्रेजें भारतवर्ष गी फतह कीता ते पच्छमी सभ्यता, साईंस, टेकनालोजी ते इसाइयत नै हिन्दू धर्म गी इक होर झटका दित्ता ते हिन्दू धर्म दियां बन्यादां हिलाई दित्तियां । एदे प्रतिकार इच बी सुधारवादी आन्दोलन प्रारम्भ होए । इक पासै ब्रह्म समाज ते ओदी गै शास्त्र प्रार्थना समाज शुरू होए । इनें हिन्दू धर्म गी इसाइयत दा चोला पुआने दा जतन कीता दूए पासै आर्य समाज शुरू होआ जिसनै शुद्ध वैदिक धर्म गी परतियै जगाना शुरू कीता । थियोसाफिकल सोसाइटी नै बी अपने रहस्यवादी ते गूढ़ सिद्धान्तें कन्ने अपना किश योगदान दित्ता । पर स्वामी रामकृष्ण परमहंस ते स्वामी विवेकानन्द होरें भूतकाल ते वर्तमान काल इच पूरा सन्तुलन कायम कीता । पूर्व ते पच्छिम बश्कार पुल पाया ते दीनें दे उत्तम गुणें गी अपनाने गित्तै लोकें गी रस्ता दस्सेया । पुनरुद्धार दा ए पवित्र कम्म हुण बी रामकृष्ण मठ ते मिशन ते इस्से चाली दी होर संस्थां जेह्ड़ियां इनें मिशनें थमां स्फूर्ति लैन्दियां न, करा करदियां न ।

हिन्दू समाज गी संगठित करने दा कम्म, हिन्दू धर्म ते संस्कृति दी रक्षा ते प्रचार-प्रसार दा कम्म विश्व हिन्दू परिषद् दी स्थापना कन्ने शुरू होआ ऐ । इस कम्म नै जड़ पकड़ी लेई ऐ ते मजबूत थमां मजबूतर होन लगी पेया ऐ ।



विश्व हिन्दू परिषद्

सारी दुनिया दे हिन्दुएं गी किट्ठे करिये उन्दा संगठन करने दा वर्तमान जतन हिन्दू धर्म दे भविष्य गिते बड़ा शैल शगन ऐ, इस उप्पर किश विचार करना बड़ा चंगा रोह्ग ।

हिन्दू समाज नै उनें लोकें गी बी गलें लाया जिन्दे सिद्धान्त आपूँ इच सिद्धे-सिद्धे विरोधी न । हिन्दू धर्म इच बौद्ध, जैन ते सिक्ख शामिल न । भिन्न-भिन्न धर्म पर होए दे सुधारवादी सम्प्रदाय बी शामिल न । ते ऐसे लोक बी शामिल न जेह्ङे बक्खरे-बक्खरे देवी देवते गी ते बक्खरे-बक्खरे मत मतान्तरें गी मनदे न ।

इक विश्वव्यापी ते लासानी जीवन दर्शन रखदे होई बी, सारे सम्प्रदाय ते धर्म विशे इच विशालता ते सहनशीलता रखदे होई बी, सभ्यता ते संस्कृति दी दौलत कन्ने मालामाल हुन्दे होई बी, हिन्दू समाज शोचनीय स्थितियें इच ढिगी पेदा ऐ । भारत दे हिन्दुएं ते विश्व दे हिन्दुएं गी परतिये जगाने दी लोड़ ऐ । उन्दे इच आवश्यक संगठन ते एकता दा भाव पैदा करने दी लोड़ ऐ । तां जे ओ इक अमर्युते ते शक्तिशाली समाज बनी जान । उन्दे इच धर्म ते संस्कृति दे बारे इच स्वाभिमान, भावना ते निष्ठा पैदा करने दी लोड़ ऐ । बदेसें इच रोह्ने आले हिन्दुएं गी छड़ी स्फूर्ति गै देने कन्ने गल्ल नई बनदी । उनें गी प्रभावी सहायता दी लोड़ ऐ तां जे ओ अपने हिन्दू रस्म रिवाजे गी परतिये अपनान ते उन्दे कन्ने प्यार करन, ते उन्दे इच श्रद्धा रखन । बदेसें इच रोह्न्दे-रोह्न्दे उन्दे भाव खीन होआ करदे न ।

इनें उद्देशें गी पूरा करने दी भावना गी लेइये 30 अगस्त, 1964 गी, श्रीकृष्ण जन्माष्टमी आले शुभ घ्याई बम्बई इच विश्व हिन्दू परिषद् दी स्थापना होई ही । इस परिषद् दे उद्देश न :—

- 1 हिन्दू समाज गी संगठित करना ते शक्तिशाली बनाना ।
- 2 हिन्दू जीवन दे मुल्लें ते कदरें दी रक्षा करना, उन्नति करना ते उन्दा प्रचार करना ।

3 वदेसें इच बसने आले हिन्दुएं कन्ने सम्पर्क कायम करना ते उन्हें सम्बन्धें गी मजबूत करना ।

1966 इच 22 थमां 24 जनवरी तोड़ी प्रयाग इच विश्व हिन्दू परिषद दा पैह्ला महत्वपूर्ण अधिवेशन होआ । सारी दुनिया दे देसें थमां हिन्दू प्रतिनिधि एदे इच सम्मिलित होए । परिषद नै टकोदी सफलता बी प्राप्त करी लैती ऐ ।

सम्राट हर्षवर्द्धन दे बाद हिन्दू धर्म दे बखरे-बखरे तत्वे गी किट्ठे करिये ते सांभे आदर्श दे सूत्रे इच परोने दी बखी ए शायद पैह्ला गंभीर प्रयत्न ऐ । इस करी हर इक हिन्दू दा पवित्र कर्तव्य ऐ जे ओ भायें कुसै सम्प्रदाय जा जाति कन्ने सर्वन्ध रखदा होऐ, इस आन्दोलन इच सहयोग देऐ ते इसी सफल बना ।



संसार चिन्तन गी हिन्दू धर्म दी विशेष देन

हिन्दू धर्म नै त्रै सिद्धान्त बनाइयै संसार दे चिन्तन गी इक बड़ी विशेष देन दिती ऐ। ओ सिद्धान्त न 1. कर्म ते पुनर्जन्म 2. अधिकार भेद ते 3. अवतारवाद।

नैतिक ते आध्यात्मिक दृष्टि कन्ने कर्मवाद कोई इस थमां बखरा सिद्धान्त नईं जे मनुख जनेह्या करदा ऐ ऊऐ नेह्या भोगदा ऐ। अस जे किश करने आं उसदा फल तौलें जा चिरें भोगना गै पौन्दा ऐ। ते साढ़ा भविष्य साढ़े वर्तमान कन्ने बनना ऐ।

पुनर्जन्म कर्मवाद दा सिद्धा ते टकोदा नतीजा ऐ। साढ़ी उंगली गी सेक भायें इक पलें इच लगै पर भलेयां पलहोने इच होई सकदा ऐ दो हफते (इक करोड़ 20 लख पल) लग्गी जान। अपने सारे कर्म दा फल इस लौहू के नेह्ये जीवन काल इच नईं भोगन हुन्दा। इस करी बुद्धि गी मन्नना पौन्दा ऐ जे भविष्य इच जन्म जरूर होडन। मनुखें इच इन्नियां किस्मां ते इन्ने भेद न ते इन्दा वर्तमान कन्ने कोई सर्वन्ध नईं लबदा। इस थमां ए अनुमान लाना पौन्दा ऐ जे पिछले जन्में इच कर्म कीते होने न जिन्दा परिणाम वर्तमान इच थोआ करदा ऐ। इक होर गल्ल जे हिन्दू धर्म मनदा ऐ जे आत्मा सनातन ऐ, ते अमर ऐ। उस करिये कर्मवाद ते पुनर्जन्म दा सिद्धान्त इस कन्ने पूरा मेल खन्दा ऐ। भले-बुरे दी समस्या दा इस थमां बधिया हल मनुखें दी बुद्धि होर नईं सी कड़डी सकदी। ते न गै इस गल्ले दा समाधान होई सकदा सा जे संसार इच इन्नी भिन्नता ते विविधता की ऐ।

अधिकार भेद ते सिद्धा-सिद्धा इच सचाई गी मन्नना ऐ जे इक्की पद्धति सारे गित्तै सांझी नईं होई सकदी। वैसे ते कुसै गल्ले इच, पर खास करिये, आध्यात्मिक खेतरें इच क्षमता ते आवश्यकता जरूरी लोड़ां न। इच्छां जां ताह्गां नईं। इक अन्नहा आदमी कदें बी कुसै जहाज दा चालक नईं होई सकदा। इयां गै भायें किन्नी बी तीव्र इच्छा की नईं होऐ इक लंडा आदमी कदें पहाड़ नईं चढ़ी सकदा। जियां इक मां अपने बच्चें गी भोजन करान्दे

बेल्लै उन्दे हाजमे गी जानदे होई हर इक गी बक्खरी चीज खाने गी दिन्दी ऐ
 इयां गै हिन्दू धर्म नै सारे लोकें दे सुभा ते प्रवृत्तियां दिक्खियै उन्दे गित्तै
 बक्खरियां-बक्खरियां पदघतियां बनाई ओड़ी दियां न । बुद्धिवादी व्यक्ति गित्तै
 ज्ञानयोग दा रस्ता दस्सेया ऐ तां इक कर्मठ ते क्रियाशील व्यक्ति गित्तै कर्मयोग
 दा सिद्धान्त बनाये दा ऐ । इक भावुक मनै गित्तै भक्तियोग दा रस्ता ऐ तां इक
 अन्तर्मुखी व्यक्ति गित्तै राजयोग दा मार्ग ऐ । इस करी कुसै बी सुभा आले
 व्यक्ति गी निराश होने दी लोड़ नई ,

अवतारवाद :—

ईश्वर दा घरती उप्पर जन्म लैने दा सिद्धान्त—स्पष्ट आखदा ऐ जे ओ
 परम प्रभु जित्थें ते जदू जरूरी समझदा ऐ आध्यात्मिक सन्तुलन गी बरोबर
 रखने गित्तै ते सच्चे धर्मानुरागियें दी पूर्णता गित्तै जतनें गी तोड़ चाढ़ने लेई
 अवतार लैन्दा ऐ । एह् ते इक बड़ा चमत्कारी सिद्धान्त ऐ ते करोड़ों लोकें दे
 मनै इच आशा दी किरण जगाई देने आला ऐ । जेकर मनुक्खै दे आध्यात्मिक
 इतिहास गी पक्खपात रहित होइयै पढ़ेया जा तां इस बिच शक करने दी कोई
 गुंजाइश नई रोहन्दी । इस गल्लै पर बँहस करना जे सर्व-शक्तिमान ईश्वर
 घरती दे कुसै खास देसै इच ते खास रूपे इच गै इक बारी गै आया ते फी उसनै
 कदे नई आना—उस परमात्मा दियें शक्तियें गी सीमित करने दी मूर्खतापूर्ण
 गल्ल ऐ । धर्म इच इए नेह् ये संगठन बनाना ते राजनैतिक उद्देशें कन्ने धर्म
 परिवर्तन करना, धार्मिक तंगदिली ते धर्मान्धता दे परिणाम न । ते मानवता
 गी बड़ा नुक्सान पजा करदे न ।



हिन्दू धर्म इच गै विश्व धर्म होने दी चमता ऐ

कुसै बी धर्म नै जे विश्व धर्म बनना ऐ (अर्थात् जिसी सारी दुनियां कबूल करी लै) तां उस इच ऐसे गुण होने चाही दे न जेह् डे जादा कोला जादा लोकें दे दिलें ते दिमागें गी रुचन । हिन्दू धर्म इच ए गुण ऐन । अद्वैतवाद दे उच्चे सिद्धान्त दुनियां दे बड़डे थमां बड़डे बुद्धिवादियें दी जिज्ञासा गी शान्त करने आले न । हिन्दू धर्म दा एह् सिद्धान्त जे हर कोई अपनी रुचि अनुसार भगवान दी आराधना करै, हर इक धार्मिक ज्ञानी गी पसिन्दा आने आली गल्ल ऐ । भगती दे सिद्धान्त ते रीति-रिवाज भावुक लोगें गी रुचिकर लगदे न । कर्मवादी लोकें गी हिन्दू धर्म दा निष्काम कर्म भाव बड़ा उचित लगदा ऐ, रहस्यवादियें गी योग साधना इच शान्ति मिलदी ऐ ।

हिन्दू धर्म मनुक्ख मात्तर गी भगवान दा अंश समझदा ऐ । ओ मनुक्ख गी मूल थमां पापी नईं मनदा । इस करी घोर पापी बी हिन्दू धर्म इच त्राण पाई सकदा ऐ । हिन्दू धर्म आखदा ऐ जे मनुक्ख पाप नईं करदा, गलतियां करने दी खो उसी ऐ । मनुक्ख गलतियां बी उसलं करदा ऐ जिसलै ओ मुक्तली जन्दा ऐ जे ओ ईश्वर दा अंश ऐ । कैसा शानदार सिद्धान्त ऐ । मनोवैज्ञानिक दृष्टि कन्ने मनुक्ख गी उबड़ा चुकने गित्त कनेह्या शैल तत्त्वज्ञान ऐ ।

हिन्दू धर्म आखदा ऐ जे साराविश्व इक ब्रह्म दा विस्तार ऐ । संसार इच जिन्नियां बी अभिव्यक्तियां न, सब इच एकता ते संगठन दा मूलभूत सूत्र इक ऐ । वर्तमान युग दे साईं सदानें गी एह् सिद्धान्त मनै लगदा ऐ ।

अज्ञेयवादी ते नास्तिक लोकें गी बी हिन्दू धर्म शरण दिन्दा ऐ । कीजे हिन्दू धर्म दी शिक्षा ऐ जे धर्म दा अर्थ ऐ चंगे बनो ते चंगे कम्म करो । बाकी सारियें गल्लें दा महत्व गौण ऐ ।

पक्के भौतिकवादियें गी बी निन्दया नईं जन्दा । उनेंगी ए शिक्षा ऐ जे दुनियां च चंगा खाओ लाओ । पर स्वार्थ दी मात्रा गी घटाओ ।

जेकर एह् नेहया धर्म सार्वभौम नईं होई सकदा—तं दस्सो होर केह्ड़ा धर्म होई सकदा ऐ ? हिन्दू धर्म वास्तव इच जीवन दी इक पद्धति ऐ, कोई जड़ जप्के आला मजहब नईं । सारी मनुक्खता जेह्ड़ी लौह् कियें सचाइयें थमां उबड़ी होइयें उच्चियें सचाइयें पास आवे करदी ऐ, हिन्दू धर्म इच त्राण पाई लैन्दी ऐ । ए सचाई सारें गी मन्नी गै लोड़चदी ऐ ।



सर्वव्यापी धर्म हिन्दू धर्म

ए हिन्दू धर्म दी सर्वव्यापकता ऐ जे हिन्दू धर्म अपने देस दिये हूदें थमां बाहर दुनियां दे दरेडे ते परेडे देसैं इच जाई पुज्जा दा ऐ । हिन्दू धर्म नै अपनी सभ्यता, संस्कृति, कला विज्ञान ते दर्शनशास्त्र—कथा वार्ता ते रीति-रिवाज कन्ने दुनियां दे बखरी-बखरी संस्कृति आले प्रदेशें इच प्रचार ते प्रसार कीता ऐ । ए इक ऐतिहासिक सचाई ऐ—जे दक्खन पूर्व एशिया दे देसैं, लंका, पच्छिम एशिया, अफ्रीका महाद्वीप दे किश भागें, यूरप ते अमेरिका इच बी हिन्दू संस्कृति दी पूरी छाप लग्गी दी ऐ । संस्कृत भाशा, रामायण ते महाभारत दे ग्रन्थ, शिवजी, विष्णु ते गणेश जी दे मन्दिर, किश रीति-रिवाज ते संस्कार अज्ज बी मलयेशिया, सिंगापुर, इण्डोनेशिया, कम्बोदिया ते फिलिपाइन इच थहोन्दे न । इस गल्ले दे बड़े प्रमाण मौजूद न जे महान् अगस्त्य ऋषि इन्हें देसैं इच गये ते उन्हें इस सनातन धर्म दा सर्वप्रिय सन्देश सारें गी दित्ता । अपनी पुस्तक *Outlines of Islamic Culture* इच शुस्तरि महोदय लिखदे न जे जिसलै यात्री हज्ज करन जन्दे न ते मक्के दी बड्डी मसीतें कोल पुजदे न तां उन्हें गी धोती ब'न्ननी पौन्दी ही ते उत्तरीय दी बुक्कल मारनी पौन्दी ही । ईसाई पादरी प्लाटीनस, क्लेमेंट, ग्रैगरी, आगस्टाइन ते होर दूए पादरियें दे धार्मिक उपवेशें दे बारे इच डीन इंगे महोदय लिखदे न—

ए जे किश यहूदियें, गूढ़ ज्ञानवादियें, मैत्रिकिज्म वादियें ते न्युप्लैटानिक वादियें दियां धर्म कथां न ए सब किश दरअसल हिन्दू धर्म दे गै तत्थ न । दीवान चमल लाल होरें अपनी पुस्तक 'हिन्दू अमेरिका' इच इन्नी प्रामाणिक समग्री किट्ठी कीती दी ऐ जेदे थमां पता लगदा ऐ जे कोलम्बस दे अमेरिका पुजने थमां किन्ना चिर गे पैहलें हिन्दू उत्थें ठुरी गेदे हे । अमेरिका इच, खास करिये मैक्सीको इच हिन्दू धर्म दा प्रभाव अज्ज बी टकोदा विद्यमान ऐ ।

असैं गी एदे उप्पर फखर होना चाही दा ।



भारतवर्ष थमां बाहर रौहने आले हिन्दू

मातृ-भूमि हिन्दुस्तान थमां बाहर रौहने आले हिन्दुएं दी समस्या इक बक्खरा विषय ऐ। हिन्दू धर्म नै जिन्ना आध्यात्मिक ते सांस्कृतिक कर्जा दुनिया पर चाढ़े दा ऐ ओदे मकाबले च हिन्दुस्थान थमां बाहर रौहने आले हिन्दुएं दी संख्या बड़ी घट्ट ऐ। ए बी हिन्दू धर्म दा कुसै पर आक्रमण नईं करने दा सुभा ते सांस्कृतिक उच्चता ते सूखमता ऐ। हिन्दू धर्म कदे बी ते कुतै बी ताकत जां छल-फरेब कन्ने नईं फैलेया। ए बी पता नईं केहू गल्ल ऐ जे संख्या इच इन्ने बड्डे बुद्धि बल इच इन्ने महान् ते दूरन्देसी इच इन्ने चतर हुन्दे होए बी अज्ज इनें हिन्दुएं दी ए स्थिति की ऐ?

इसलै हिन्दुस्तान थमां बाहर दूर देसैं इच कोई डेढ़ करोड़ हिन्दू बसदे न। उनें गी साढ़ी सहायता दी लोड़ ऐ। उनें गी धार्मिक संस्थाएं दी लोड़ ऐ जेहूड़ियां उन्दे इच संगठन भाव पैदा करन ते उनें गी उत्साह देन। उनें गी हिन्दू धर्म दी शिक्षा देने आले प्रचारकें दी लोड़ ऐ। उन्दी बड़ी खाहिश ऐ जे अपने रीति-रिवाज ते धार्मिक संस्कार दस्सने आले उन्दे कोल ओन तां जे उन्दे इच शुद्धता ते पवित्रता बनी रवै।

जे असें इस पासै ध्यान नईं दित्ता ते अपना कर्तव्य नईं नभाया तां उन्दा पतन होई जाना ऐ। ते इहू सारा पाप असें गी लगगना ऐ।

ओ साढ़ै पासै इन्नी तांहू ग लाइयै दिक्खै करदे न असें गी बी अपना फर्ज पूरा करने गितै तौल करनी लोड़चदी ऐ।



हिन्दू धर्म पर मतियां नुक्ताचीनियां

सबनं थमां उच्चे ते विश्वव्यापी सिद्धान्त ते सहनशक्ति ते समझते दी वेअन्त समर्था हुन्दे होई बी हिन्दू धर्म गै ऐसा धर्म ऐ जिसी लोकें बड़ा गलत समझेया ऐ । जानी बुझिये, बगाड़िये पेश कीता ऐ ते इसदे आदि धर्म होने उप्पर नुक्ताचीनी कीती ऐ । झूठियां नुक्ताचीनियां जेह्ड़ियां ठोस सचाई पर घट ते द्वेष उप्पर मतियां आधारित न, नजर अन्दाज बी करी देचै फी बी किश नुक्ताचीनियां ऐसियां न जेह्ड़ियां उप्पर दा ठीक ते यथार्थ सेई हुन्दियां न ते सचाई ते सच्ची तपाश गित्त कीतियां दियां न । उन्दे पर बचार करी लैना चाही दा ऐ । पैह्ली आपत्ति—हिन्दू धर्म इच इन्ने बेशमार देवी-देवता न ते इन्ने वेअन्त धार्मिक ग्रन्थ न जे अनुयाइयें गी कक्ख पता नईं लगदा ते ओ अफरातफरी इच पेदे रोहन्दे न ।

गल्ल ए ऐ, जे ए अफरातरी उस व्यक्ति गी बझोन्दी ऐ जेह्ड़ा हिन्दू धर्म दे तत्थ गी नईं समझदा । पर जेह्ड़ा समझदा ऐ ईश्वर इक ऐ ते बाकी सब उससँ दे रूप न, ऊऐ परमात्मा भिन्न-भिन्न रूपें इच प्रगट होए दा ऐ, उस गित्त ते कोई समस्या नईं, कोई खौदल नईं, अफरातफरी दी ते गल्ल गै कोई नईं । जिस व्यक्ति गी पानी दा स्वरूप पता ऐ, ओ बर्फ, बुलबुला जां भाफ दिक्खिये टऊ नईं हुन्दा । ऋग्वेद दी बड़ी स्पष्ट ते टकोदी घोषणा ऐ—जे ओ प्रभु इक ऐ ते सारे ऋषि मुनि बक्खरे-बक्खरे नाएं कन्ने उसी पुकारदे न । बेशमार ग्रन्थें दी ए गल्ल ऐ जे बुद्धि ते आध्यात्मिकता दी दृष्टि कन्ने मनुक्ख बक्खरी-बक्खरी स्थिति इच हुन्दे न । इक एम० ए० पास विद्यार्थी ते इक दसमी पास विद्यार्थी दियां पुस्तकां अपनी-अपनी योग्यता मताबक बक्ख-बक्ख गै होनियां न । ओ इक दूए दियां पोथियां बदलिये परेशान की हुन्दे रोह्न् ? इत्थें अधिकार भेद दा सिद्धान्त लागू हुन्दा ऐ जेह्ड़ा जिन्नी योग्यता दा मालक ऐ ओ उन्ना गै कम्म करे । ओ अपनी पढ़ाई ते योग्यता मताबक गै ग्रन्थ पढ़े ।

दूई आपत्ति—हिन्दू धर्म अश्लील मूर्ति पूजा सखान्दा ते अन्धविश्वास बधान्दा ऐ । मूर्ती पूजा दा अर्थ ऐ, मूर्ती दी पूजा, अर्थात् मूर्ती गी परमात्मा

समझिये उस मूरती की पूजना । कोई भी हिन्दू कुर्सी पत्थर की मूरती जाँ कुर्सी धातु की मूरती की पूजा इस भाव कर्न नई करदा । ओ ते मूरती दे माध्यम कर्न परमात्मा की उपासना करदा ऐ । जेकर इस गल्ले उपपर बी आपत्ति होऐ तां फी उनेँ इसाइयें की जेहूँ यीशू महात्मा की ते बाइबल की पूजदे न, ते मुस्लमान जेहूँ काबे दे पत्थर की बोसा दिन्देन जाँ ओ किश भगत जेहूँ राष्ट्रीय ध्वज की प्रणाम करदे न, सारेँ की मूरती पूजन आखिये उन्दी निन्द्या करनी चाही की ऐ ।

हिन्दू धर्म की ते मूरती पूजा की पढ़ाई इच पैह ली गै समझिये गै अपनान्दा ऐ । जियाँ बच्चें की गणित सखाने गित्त गिनतरी आला बोर्ड दस्सेया जन्दा ऐ । मूरती पूजा थमाँ बल्ले-बल्ले उठिये उस परम ते उच्ची अवस्था तोड़ी पुजने गित्त त्यार करदा ऐ जित्थे उस परप्रभु ते व्यक्ति दा साक्षात् अनुभव हुन्दा ऐ ।

जित्थुँ तोड़ी अन्धविश्वासेँ दा तल्लक ऐ, इस विशे इच चुप्प गै भली । मध्य युग इच यूरोप इच जियाँ डैनेँ की जिस चाली तुप्पिये बेरहमी कर्न जलान्दे हे जाँ अज्ज बीहमीं सदी इच बी पच्छिम दे लोक 13 दे हिन्से की बदसगनी मनदे न - डैनेँ दोँ मिसालें थमाँ स्पष्ट होई जन्दा ऐ जे मते अन्ध-विश्वासी कुछ लोक न जिनेँ गल्लेँ की दिक्खिये लोक हिन्दुएँ की अन्ध-विश्वासी आखदे न, उन्दी गहराइयें इच जाइयेँ दिक्खेया जा तां कोई न कोई दर्शनशास्तर याँ मनोविज्ञान की सचाई दा आधार जरूर थहोन्दा ऐ । मन्नी बी लेया जा जे हिन्दू धर्म इच अन्ध-विश्वास हैम, पर ओ नुक्सान पजाने आले अन्ध-विश्वास नई । कुर्सी की नुक्सान नई पजाने आले अन्ध-विश्वास फी खरे पर ऐसे भयंकर अन्ध-विश्वास पालने जिन्दे करी कई बुड्डियें जनानियें ते बहुरूपनेँ की जीन्दे गै जलाई ओड़ेया जा, बड़ा खतरनाक ऐ । अन्त इच, वर्तमान काल दे मनुक्खेँ दा साईँस ते तकनीक इच अन्ध-विश्वास जे इऐ सर्वे सर्वाँ न सारे थमाँ बहडा अन्ध-विश्वास ऐ । ओ मुल्ली गै जन्दे न जे साईँस ते तकनालीजी नै मनै की शान्ति कर्दे नई दित्ती । ते इऐ जीवन दा इक मात्र उद्देश ऐ ।

ओ आपत्ति—जातिवाद नै हिन्दू समाज की बेशमार फिरकेँ इच बण्डी ओड़े दा ऐ । ते ऐ आपू इच घृणा करदे न ते लड़दे रोहन्दे न । जिस धर्म इच इऐ नेही व्यवस्था होऐ चंगा नई हुन्दा ।

जातिवाद ते वर्णाश्रम धर्म दा गै तर्क संगत बघा ऐ । मनुक्खेँ की योग्यता, सुभा ते कर्म उपपर एदा बघान बनेदा ऐ । दुनियाँ इच कोई देस, कोई जाति,

कोई समाज ऐसा नईं जिस इच जातिवाद कुसै न कुसै शकल इच मजुद नईं होऐ। तथा कथित समाजवादी देसैं इच बी जित्थें आखदे न जे इक बरोबरी ऐ—कोई लौह्का बड्डा नईं, उनें देसैं इच बी किश लोक बड्डे ते किश लौह्के न। ए कोई गुह्ज्जी गल्ल नईं। श्रम दे आधार उप्पर बण्डे दा समाज उस समाज थमां बेहतर हुन्दा ऐ जेदे इच जाति, रंग ते घन दा आधार हुन्दा ऐ। निन्दन जोग जातिवाद नईं, पर निन्दन जोग उस जाति दे अधिकार ते सुविधां न, जेह् डियां दूए फिरकें दे वारे इच घृणा ते दुर्भावना पैदा करदियां न। इक मैहकमें गी अगर शासन दी सुविधा गित्ते किश हिस्सैं इच बंडी दित्ता जा तां ओदे कन्ने शासन दी व्यवस्था दा गै सुधार हुन्दा ऐ। एदा अर्थ एह् नईं हुन्दा जे मैहकमें दे हिस्से आपू इच लड़दे रौह् न। जेकर ए गल्ल नईं बसारी जा जे कुसै बी जाति दे कुसै बी सदस्य गी अपने धर्मानुसार आचरण करने दी खुल्ल ऐ तां सब बखैद मुक्की जन्दा ऐ। इस करी अस आखी सकने आं जे जिस धर्म नै नेह्यी सामाजिक व्यवस्था दा निर्माण कीता, ओ धर्म बड़ा चंगा गै नईं, उस धर्म नै मनुक्खमात्तर दी टकोदी सेवा कीती ऐ। उसी सही रस्ता दस्सेया ऐ। स्वामी विवेकानन्द होरें ते महात्मा गान्धी जी नै जेह् डे जातिवाद व्यवस्था इच सारे थमां उच्चे थाह् नईं हे सही जातिवाद ठीक मन्नेया ते ओदी प्रशंसा कीती दी ऐ।

चौथी आपत्ति—कर्मसिद्धान्त नै हिन्दुएं इच भाग्यवाद ते आलस पैदा करी ओड़े दा ऐ। ते नेतृत्व दी भावना गै खत्म करी ओड़ी ऐ।

कर्मवाद ते पुनर्जन्म दे सिद्धान्ते दे दीं गै बदल न—इक ते एह् मन्नी लेना जे ईश्वर पक्खपाद करदा ऐ ते बेन्याईं ऐ ते दूआ इस सिद्धान्त गी मन्नना जे ए संसार इयां गै कुसै दुर्घटना जां अफरातफरी कारण उत्पन्न होई गेदा ऐ। ए बदल जां विकल्प न ते कुसै धर्म विज्ञानी गी, न कुसै तर्क शास्त्री दा समाधान करदे न, कुसै साईं सदान गी सन्तुष्ट करने दी गल्ल ते जान गै दे देओ। जियां पैह्ले विचार होई चुका ऐ—ए कर्मवाद दा सिद्धान्त अत्यन्त समझदारी दी कल्पना ऐ। संसार इच वर्गीकरण ते अनेक रूपता समझने इच ते नेक जिन्दगी गुजारने इच ए परिकल्पना बड़ी सहायता करदी ऐ।

जित्थुं तोड़ी आपत्ति पुटटने दी गल्ल ऐ जे कर्मवाद भाग्यवादी ते आलसी बनांदा ऐ। साढ़ा ते बचार ऐ जे इस सिद्धान्त गी जेकर ठीक चाली समझी लेता जा तां सगूँ इस सोचें थमां उलटा प्रभाव सामने आग। हिन्दू दृष्टिकोण

ते ए ऐ जे अगर वर्तमान साढ़े पैह्ले जन्म इच कीते दे कर्म दा नतीजा ऐ तां ते आशा दी इक बड़ी बड़ड़ी किरण ते इक सुनैहरी मौका साढ़े सामनै उपस्थित होई जन्दा ऐ जे अस अपना भविष्य वर्तमान कर्म कन्ने सुआरी सकने आं । एदा टकोदा परिणाम ऐ जे इक हिन्दू जेह्ड़ा कर्मवाद दे सिद्धान्त गी समझदा ऐ उसी अपने आप इच इक पक्का विश्वास पैदा होई जन्दा ऐ । इस गल्ले थमां इनकार नई जे भाग्यवाद ते आलस हिन्दू धर्म इच आई बड़े दे न ते उने हिन्दुएं गी बड़ा नुक्सान बी पुजाया ऐ । पर ए सब किश कर्मवाद दे सिद्धान्त गी गलत रूप इच समझने करी ऐ । अनजान लोक ते अर्धपचद्वे पढ़े-लिखे दे लोक जेह्ड़े कर्मवाद गी गलत समझदे न ते उन्दा प्रयोग बी गलत ढंगे कन्ने करदे न, नेह् लोक छड़े हिन्दुस्ताने इच गै नई सारी दुनियां इच मौजूद न ।

पंजमी आपत्ति— अधिकार भेद सिद्धान्त दे नां उपपर हिन्दू धर्म नै अपने अपने कई अनुयाइयें कन्ने बड़ा खराब बर्ता कीता ते बेन्याई दा स्लूक कीता ।

जिसलै कर्दे हिन्दू धर्म गी ठीक चाली ते सच्चे मनै कन्ने ओदे पर आचरण कीता गया उसलै हिन्दू धर्म नै म्हेशां भौतिकवादी ते आर्थिक दृष्टि कन्ने हिन्दुएं दी सहायता गै कीती ऐ । उन्नति दे रस्ते इच रोड़े नई अकटाये । ए आखनां जे सारे मनुक्ख इक बरोबर हुन्दे न जां इक बरोबर बनाये जाई सकदे न बिल्कुल झूठ ऐ ते सचाई ते हकीकत गी नकारना ऐ । एदा ए अर्थ कर्दे नई जे लोकें गी इक्के नेह् मौके नई दित्ते जान, ते अपनी उन्नति करने दी सुविधा नई दित्ती जा । वास्तविकता ए ऐ जे हिन्दू धर्म समाज दे कमजोर तबकें प्रति सगों मता उदार ते सहिणु रह्या ऐ । एबी ठीक ऐ जे समाज इच किश लोक ऐसे हुन्दे न जेह्ड़े जनता गी गुमराह करदे न ते उन्दा शोषण करदे न । पर ऐसे लोक हर इक समाज इच हुन्दे न । हिन्दू धर्म ते हिन्दू समाज गी सामूहिक दृष्टि कन्ने दिखेया जा ते एदा दू ए धर्म कन्ने मुकाबला कीता जा, तुलना कीती जा, तां सेई होग जे इस अधिकार भेद दे सिद्धान्त नै भलाई गै कीती ऐ, कोई पाप जा बुरा कम्म नई कीता ।

छेमी आपत्ति— इक धर्म जेह्ड़ा श्रीकृष्ण नेह् पौराणिक ते चरित्रहीन व्यक्ति गी परम ब्रह्म दा दर्जा दिन्दा ऐ ओ सारे समाज गी चरित्रहीन ते मन-गढ़त फलास्फी पास लेई जन्दा ऐ ।

कई लोक श्रीकृष्ण भगवान गी केन्दर बनाइयें हिन्दू धर्म उपपर बड़ी सल्ल नुकताचीनी करदे न ते फवतियां कसदे न । हिन्दू धर्म दे खिलाफ बड़ा गन्दा ते घृणित प्रचार करदे न । कृष्ण जी दे जीवन, उन्दे व्यक्तित्व ते उन्दे कारनामों दी निन्द्या

करदे न । पर जेकर पक्खपात छोड़िये ते यथार्थ भाव कन्ने अध्ययन कीता जा तां इने आपत्तिये दा खोललापन इकदम बन्दोई जन्दा ऐ । जाहर होई जन्दा ऐ ।

सारे थमां पैहली गल्ल ए विदित होनी चाही दी ऐ जे भगवान कृष्ण जी दी ऐतिहासिकता भलेयां निश्चित होई चुकी दी ऐ । बड़े-बड़े विद्वानें जिन्दे महर्षि अरविन्द बी शामिल न घोषित कीता दा ऐ जे भगवान कृष्ण ऐतिहासिक पुरुष हे । हां, दूई बक्खी दिक्खेया जा तां यीशु मसीह दी ऐतिहासिकता उप्पर कई यूरोपीन विद्वानें एल्वर्ट श्वाइत्सर *Quest of Historical Jesus* ते एल्फ्रेड पोमेरान्स *Of man & God* शंकां कीती दियां न । इस महात्मा यीशु दे व्यक्तित्व उप्पर गै एडा बड़डा पोप दा साम्राज्य टिके दा ऐ । जेकर यीशु मसीह दी ऐतिहासिकता गल्ल सिद्ध होई जा तां एडा बड़डा पोप दा साम्राज्य खिनें इच्च मिट्टी इच्च मिली जन्दा ऐ । पर हिन्दू धर्म दी महान् नदी दे ब्हा इच्च कोई फर्क नई पौन्दा भायें कृष्ण जी दी जां राम जी दी ऐतिहासिकता सिद्ध होऐ जां नई होऐ । कीजे ए व्यक्तित्व उस महान् नदी दियां लौह कियां नैहियां तरंगों न । हिन्दू धर्म सनातन सिद्धान्तें उप्पर आधारित ऐ, व्यक्तिएं उप्पर आधारित नई । श्रीकृष्ण जी दा सारे थमां प्राचीन प्रसंग ते उन्दे व्यक्तित्व दा पूरा गुहाड़ हिन्दू धर्म दे महान् ग्रन्थ ते इतिहास—महाभारत इच्च थ्होन्दा ऐ । ए बड़ी बचित्तर गल्ल ऐ जे इस ग्रन्थ इच्च श्रीकृष्ण जी गी इक्क क्षत्रिय राजा मन्ने दा ऐ । शिशुपाल नै बी जेह्ड़ा श्रीकृष्ण जी दा घोरतम शत्रु हा, ते महाभारत इच्च ओदा जिकर आये दा ऐ, कदें कृष्ण जी दे चरित्तर पर उंगली नई चुक्की । दुर्योधन बी कृष्ण जी दा बड़ा भारी बरोधी ते नुक्ताचीन हा, उस बी कृष्ण जी दे शानदार व्यक्तित्व ते उन्दे दिव्य गुणें गी मन्नेया ऐ । कोई समझदार व्यक्ति विश्वास गै नई करी सकदा जे इऐ नेहया प्रतिभा सम्पन्न व्यक्ति जिसनै विश्वव्यापी ते विचित्तर आध्यात्मिक शिक्षां दित्तियां होन ओ नैतिक दृष्टि थमां पतित होई सकदा ऐ ।

दूआ गौण ग्रन्थ श्रीमद् भागवद् ऐ जिस इच्च कृष्ण जी दी कथा विस्तार कन्ने लिखी दी ऐ । ग्रन्थ किन्नियें गै सदियें बाद लखोआ ते इसी अक्षरशः सच्च मन्नना बी जरूरी नई । इस ग्रन्थ दे मताबक बी वृन्दावन लीला दे समें कृष्ण जी इक्क लोह्के नेह् जातक हे । इक्क गल्ल होर ऐ जे अपने आप गी पत्नी ते परमात्मा गी पति मन्नने दी परम्परा छड़ी हिन्दू धर्म इच्च गै नई होर धर्म इच्च बी ऐ । बाइबल इच्च ईश्वर दियें लाड़ियें दा प्रसंग, जा गिरजें दियें महन्तनियें

दा अपने आप गी परमात्मा दियां पत्नियां आखने दा ए मतलब कदे नईं होई सकदा जे परमात्मा जां यीशु मसीह मतियां पत्नियां रखने आले जां दुष्चरित्तर न ।

इक गल्ल होर जे उससै श्रीमद् भागवद् इच जित्थे रासलीला दा वर्णन ऐ उत्थे गै भगवान दे होर चमत्कार बी दस्से दे न । ए श्रीकृष्ण जी दी नुकताचीनी करने आले विद्वान् उनें चमत्कारें गी बी की नईं ठीक समझदे ? जेकर इनें गी बी ठीक मन्नी लैत्ता जा तां ते पक्क निश्चित होई जन्दा ऐ जे श्रीकृष्ण जी परमात्मा गै हे । कीजे कोई साधारण आदमी उए नेह् चमत्कार नईं करी सकदा । ईश्वर दियां गल्लां मनुक्खे दी तर्क बुद्धि ते समझदारी थमां परे दियां चीजां हुन्दियां न ।

ए नुकताचीन बड़ी फवती कसदे न ते कृष्ण जी दियां सोलह हजार पत्नियां हियां । शायद एदे इच ईर्ष्या भाव ज्यादा ऐ जे कृष्ण जी नैतिक दृष्टि कन्ने सोलां हजार पत्नियां कियां रखी सकदे हे ? नुकताचीनी करने आलें गित्ते इक पत्नी गी सांभना मुश्कल होई जन्दा ऐ । ए सोलां हजार इस्त्रियां नरकासुर दैत्य दे कब्जे इच हियां । इनें गी इन्दे अपने लोके त्यागी ओड़ेया हा । कृष्ण जी नै इनें गी बचाया हा । उन्दे कोल होर कोई रस्ता नईं हा जे ओ उन्दी पालमा करी सकदे । इस करी कृष्ण जी नै उन्दे कन्ने ब्याह करिये उनें गी पत्नियां बनाया ते रक्षा दा कानूनी अधिकार प्राप्त कीता ।

इक दूई व्याख्या ऐ । ओ असली ते गूढ़ भाव प्रकट करने आली ऐ । सोलां हजार दा अर्थ छड़ा सोलां गै । मन, पंज ज्ञान इन्द्रियां, पंज कर्म इन्द्रियां ते पंज प्रकृति दे तत्व (पानी, हवा, अग्नि इत्यादि) ए सोलां तत्व बनदे न । शून्य लाने कन्ने इनें तत्वे दे गै अनन्त ते वेशमार परिवर्तन ते अभिव्यक्तियां सामने ओन्दियां न । श्रीकृष्ण जी पुरुष न, आत्मा न, जो इनें तत्वे गी नरक दी अज्ञानता थमां चुक्किये अपने कन्ने मिलाई लैन्दे न ।

नुकताचीन जे किश आखदे न सगुआं ओदे विपरीत गल्ल ए ऐ जे भगवान कृष्ण इक अदृश्य ते क्रियाशील शक्ति हे जिन्हें हिन्दू धर्म ते हिन्दू समाज गी गीता दी शिक्षा राहें सही दिशा दस्सी ऐ । उन्दा सन्देश हजारें ब'रें थमां गूँजदा चलदा आवै करदा ऐ । ओ ते राष्ट्र दे सारे थमां बड्डे नायक ते पथ प्रदर्शक न । ए कैसी बिडम्बना ऐ जे अपने देस दे कई बासी उनें गी नईं मनदे । ते उन्दा परित्याग करदे न ।



शीशे दे मैह्ले च बहियै दूएँ गी बट्टे नईं मारने चाही दे

हिन्दू धर्म दे बारे इच्च मतियां पूंहुंदां पुटटने आले जां ते मुतस्सबी पादरी हुन्दे न जा मुस्लमानें चा कोई जनूनी फिरका हुन्दा ऐ। उनें गी अपने धर्म दा पता नईं हुन्दा—कीजे कोई बी सच्चा धर्म ए नईं आखदा जे दूएँ उपपर जुल्म करो। सनातन धर्म नै ते कदाचित् कदेँ इऐ नेही गल्ल आखी गै नईं। ओ लोक पादरी ते जनूनी मुस्लमान—इयां गै गन्द द्युआलदे रौह्न्दे न।

ओ एह् कहावत मुल्ली जन्दे न जे शीशे दे मैह्ले इच्च बहियै दूएँ गी बट्टे नईं मारो (कीजे दूएँ नै पत्थर मारेया तां शीशे दा मैह्ल फीगरां-फीगरां होई जाग इस चीजें दा उनें गी पता होना चाही दा ऐ।

हर धर्म दे दाँ पक्ख हुन्दे न—इक उच्चा जां आध्यात्मिक ते दूआ निचला जां संसारी लोकें गित्तै। पैह्ला ते बड़े उच्चे महात्माएं ते महापुरुषें गित्तै हुन्दा ऐ ओ संसार दी भलाई गित्तै गिने चुने किश लोक हुन्दे न। धर्म दा दूआ पक्ख साधारण जनता दी अज्ञानता गी सामनै रखियै किश सुवधां दिती दियां हुन्दियां न तां जे ओ लौह्कियें फौकियें संसारी सचाइयें थमां बल्लें-बल्लें धर्म दे उच्चे तत्त्व समझने जोग होई जान।

कुसं पढ़े-लिखे दे धोखेबाज व्यक्ति आस्तै ए बड़ा आसान हुन्दा ऐ जे ओ अपने धर्म दे उच्चे पक्खे दा दूएँ दे धर्म दे निचले पक्खे कन्ने मकाबला करियै सिद्ध करी देय जे ओदा धर्म सारे धर्म कोला सर्व श्रेष्ठ ऐ ते बाकी सारे धर्म मूर्ति पूजक न, काफर न। ए जेह्ड़ी घूर्त अन्ध-भगती ऐ हिन्दू दे हिरदे इच्च धृणा पैदा करदी ऐ। कुसं बी धर्म दा उच्चा पक्ख हिन्दू सराह्न्दा ऐ, ओदे महात्माएं दी कदर करदा ऐ।

हिन्दू जिसलै सूली पर चढ़े दे महात्मा ईसा दी तस्वीर दिखदा ऐ ते ओदे शब्दें गी पढ़दा ऐ जे—हे ईश्वर ! हे परम-पिता ! इनें लोकें गी जेह्ड़े मिगी सूली चाढ़ा करदे न, माफ करी ओड़ेयां। इनें पता नईं जे अज्ञानता इच्च ए लोक केह् पाप करा करदे न। सच्चा हिन्दू अब दे उस पैगम्बर दी बड़ी कदर

करदा ऐ जिस अर्बं दे जड़ मूढ़ ते जालम लोकें गी इक संगठित ते नैतिक समाज इच बदली दिता। पर ओ उर्ने मुतस्सवी ते थोढ़-दिले जनूनियें गी घृणा करदा ऐ जेहूँ दे दूएँ दे धर्में दा निरादर करदे न।

स्वामी अभेदानन्द होरें जेहूँ दे स्वामी विवेकानन्द हुन्दे गुरु-भ्रा न, ईसा दी इसाइयत ते पादरियें दी गिरजा-परसती इच टकोदा फर्क दस्से दा ऐ। हिन्दुएँ गी ईसा दे धर्म गी जेहूँ मने गी स्पर्श करने आला सच्चा धर्म ऐ मन्नने इच कोई आपत्ति नई। पर कोई बी हिन्दू गिरजपरस्ती गी जेहूँ इक व्यवस्थित अन्ध-भगती ऐ, मन्नने गी तयार नई। इसी चाली ना फर्क सर एहमद हुसैन होरें इस्लाम ते मोहम्मदीपन इच दस्से दा ऐ। मोहम्मदीपन सच्चा इस्लाम नई। मोहम्मदीपन इस्लाम दी भावना गी भुल्ली गेदा ऐ ते छड़ी शरीयत दे कानून गी मनदा ऐ। ओ इसदी होर व्याख्या करदे न—आखदे न चेतन रखो जे दुनिया इच मते लोक न ते किन्ने गै मनन करने आले—बचार करने आले मन न। जिन्ने लोक न, जिन्ने मन न, उर्ने गै धर्म बी होई सकदे न। उन्नियां परमात्मा दे बारें इच धारणां होई सकदियां न। उर्ने गै परमात्मा दे गुणें दा बखान होई सकदा ऐ। जिन्ने सोचने आले मन होइन उर्ने गै संसार दे आदि ते अन्त दे बारे इच बचार होई सकदे न।

इसी आखदे न सोचने दी विशालता।

कुरान दा सुरा-6 अंश-104 पढ़ो—लिखदा ऐ नजर (साढ़ी दृष्टि) उस (परमात्मा) गी नई दिक्खी सकदी। ओ परमात्मा साढ़ियें दृष्टियें गी दिखदा ऐ। ओ सारे रहस्य जानदा ऐ, ओ सर्वज्ञ ऐ। ए सन्दर्भ क्या वेद—उपनिषद दे बिल्कुल अनुरूप नई?

पर गल्ल ए ऐ जे इसाई - पादरी कोई बी गल्ल लेइयें ते उसी अपनी मरजी अनुसार बनाइयें हिन्दू धर्म दी निन्दया करदे न। इयां गै मुतस्सवी मुस्लमान उच्च भावें गी समझने दी कोशिश गै नई करदे, ते मर्यादा गी परे सुट्टियें हिन्दू धर्म दी निन्दया करदे न। इयां सेई हुन्दा ऐ जे ए लोक देस दे प्रमुख प्रवाह ओदी संस्कृति ते परम्परा थमां बक्ख हुन्दे जा करदे न। ते अपनी अन्ध-भगती ते दुराग्रह कन्ने अनजान लोकें गी गलत पास नेया करदे न। उन्दे सोचने दा ढंग गै बदला करदे न ते इस चाली उन्दे चा देश भगती ते एकात्मता दा भाव गै कड़डे दा जा करदे न। डा० राधाकृष्णन जी नै इस विशे इच बड़ी टकोदी गल्ल गलाई दी ऐ—

किश समें थमां साढ़े पढ़े-लिखे मुस्लमाने भ्राएँ दे मने इच ए गल्ल पता नई

कियां आई बड़ी ऐ अगर कोई लोक इस्लाम धर्म स्वीकार करदे न, मुस्लमान बनी जन्दे न तां ओ स्पेनिश मुस्लमानें दे जां बगदाद दे खलीफें दे वंशज बनी जन्दे न । ओ इयां बर्ता करन लगदे आखो जे ओ हिन्दू भायें कशा समाजिक ते सांस्कृतिक दृष्टि थमां बिल्कुल बक्खरे होन ।

साढ़ी धार्मिक धारणा बदलने कन्ने जां धार्मिक विश्वास बदलोने कन्ने साढ़ा सारा मानसिक ढांचा ते नईं बदली जन्दा । अपना धर्म बदलने कन्ने, अपना सम्प्रदाय बदलने कन्ने अपने देस दे बीते युग कन्ने साढ़ा सर्वन्ध ते नईं नुट्टी जन्दा । साढ़े आदर्श ते नईं बदली जन्दे । जेकर कोई ऐसा करदा ऐ तो इसदा अर्थ ऐ जे उस गल्लै गी जां तत्थ गी समझेया नईं ।

इस ऐतिहासिक सचाई थमां इनकार नईं कीता जाई सकदा ते प्रो० आर्नोल्ड टायनत्री० इस गल्लै दी पुष्टि करदे न जे इस्लाम ते इसाइयत न कदें जियो ते दूएँ गी जीन दयो दे सिद्धान्त पर आचरण नईं कीता । मुस्लमाने ते इसाई लोके इतिहास दे ऐसे भयंकर ते अत्याचार पूर्ण युद्ध कीते न जे उन्हें अत्याचारें गी पढ़ियँ इतिहास दा सिर बी शर्म कन्ने भुकी जन्दा ऐ । बी ओ० ओग्त होरें अपनी पुस्तक **Cult & Culture** (सम्प्रदाय ते संस्कृति) इच मुस्लमानें ते इसाइयें दी हठधमीं दी घोर निन्दा कीती ऐ जे उन्दा धर्म सारे धर्म थमां चंगा ऐ, उन्दे ग्रन्थ गे ईश्वरी ग्रन्थ न । ते होर कुसँ धर्म गी मन्नन नईं देना चाहीदा । ओ बड़ा दुःखी होइयै लिखदा जे धर्म जेकर सारे संसारे गी सर्वमान्य धारणां नईं दिन्दा ते भूतकाल ते भविष्य गी कन्ने लेइयै नईं चलान्दा तां ओ धर्म जरूर नष्ट होई जाग ।

बाइबल ते उसदे सिद्धान्तें दा कई बाइबल दे विद्वानें भलेयां छोलन छोलेया ऐ । उन्दे कड़डे दे नतीजे गी संक्षेप इच अपनी पुस्तक **The Churches & Modern thoughts** प्रकाशक **Thinkers Library** पृष्ठ 20, 54—64 श्री विवियन फिलिप्स इयां लिखदे न :—

- 1 **Old Testament** इच दुनियां दी उत्पत्ति दी कथा गप्प गै ।
- 2 ए धारणा जे यीशु मसीह इक कुमारी दा पुत्र हा बाद दी कहानी ऐ जेह्ड़ी बाइबल इच जोड़ी दिती गई ऐ । यीशु मसीह दे असली पिता दा नां जोजफ हा ।
- 3 यीशु मसीह साढ़े आगूँ गै इक मनुक्ख हा, उसी बल्लें-बल्लें देवता बनाई ओढ़ेया ।

- 4 यीशु मसीह दे पुनर्जीवन दी कहानी मनघढ़न्त ऐ । सेण्टपाल होरें बी इस विषे इच किश नई गलाया ।
- 5 बाइबल दे कई सिद्धान्त बी मनने जोग नई कीजे उन्दे वर्णन गै विश्वास जोग नई ।

इयां असें गी पता लगदा ऐ जे गिरजाघर जिनें सिद्धान्तें दा प्रचार करदे न ओ तत्थ फड़ां गै न । इनें सिद्धान्तें दा कक्ख मुल्ल नई । ए बड़ी महत्वपूर्ण गल्ल ऐ ते विवियन फिलिप्स होर ए लिखिये चेतावनी दिंदे न—ए सारी आलोचना इसाई धर्म दे विरोधी लोकें नई कीती दी । ए उनें इसाई विद्वानें कीती दी ऐ जिन्हें बाइबल दा अनुसंधान ते खोज कीती ऐ । ते जेह्ड़े ज्ञान दे खेतरै इच मन्ने-प्रमन्ने दे इसाई धर्म दे अनुयायी न ते बाइबल दे विषे मन्ने दे प्रमाणित लोक न । इस लेखक नै इक होर बड़ी भारी सेवा कीती ऐ जे इस्स पोथी इच गिरजाघरें दे कट्टर पादरियें थमां बी हां कराईय ए आलोचनां छापियां न । जे० एम० राबर्टसन होर अपनी पुस्तक **Christianity & Mythology** इच मनदे न जे बाइबल दियां किश कहानियां ते घटना भगवान कृष्ण ते महात्मा बुद्ध दे जीवन चरितें थमां मांगमियां न ।

ग्राम तौर उपर यीशु मसीह गीदेवता इस करी आखदे न जे उनें अपने जीवन इच कई करामातां करिये दस्सी दियां न । जेकर इनें करिश्में कन्ने यीशु मसीह देवता बनाया जाई सकदा ऐ तां फी ओ बदमाश पादरी रास पुटिन की नई देवता घोषित कीता जा ? उस बी बड़े करिश्में करी दस्से दे न । जान गाटी फाइड एकहान नै इन्साइक्लोपीडिया बर्तनिया दे नौमे संस्करण, जिल्द-7मी पृ० 789 उपर लिखे दा ऐ जे ए करिश्में जादू दे टोटके ते छड़े माया जाल हुन्दे न । इन्दा कोई महत्व नई हुन्दा ।

Old Testament दे मतावक ईश्वर नै मनुक्ख गी पृथ्वी थमां ते इस्त्री गी मनुक्खे दी हड्डी थमां बनाया । मनुक्ख इक्के बारी जमदे न इक्के बारी मरदे न (अर्थात् पुनर्जन्म नई हुन्दा) उन्दे रूह कवरें इच पेदे डीकदे रीहन्दे न जे कदू क्यामत होग ते कदू परमात्मा उन्दे पाप ते पुन्न त्रकड़ी इच तोलग ते हर इक माहणु दा बक्खरा-बक्खरा न्यां कीता जाग । जेह्दे पाप मते होडन उसी म्हेशा आस्तै दोजख (नर्क) इच भेजी दित्ता जाग, जिसदे पुन्न मते होडन उसी बहिश्त इच भेजी दित्ता जाग । हजें तोड़ी बीह्मी सदी दी उन्नत साईंस नै बी ईऐ नेह् अविष्कार नई करी दस्से । कोई बी बुद्धिमान इऐ नेह् सिद्धान्त

कदें नईं मन्नग । इन्हें सिद्धान्तें दी इऐ नेहे विषें उप्पर पक्खपात रहित तुलना हिन्दू विचारें ते सिद्धान्तें कन्ने करियँ दिक्खो तां तुसँ गी पता लगग जे अन्ध-विश्वासी कुण ऐ ते विवेक पूर्ण ते वैज्ञानिक कुण ऐ ? सर विलियम जोन्स नै अर्ल स्पैन्सर गी लिखिया हा—अऊं कोई हिन्दू नईं पर अऊं मन्ननां जे हिन्दुएं दे पुनर्जन्म दे विचार मते विवेकपूर्ण ते बुद्धिमत्ता पूर्ण न । हिन्दू विचार मते पवित्तर न ते मनुक्खै गी पाप थमां बचाने आले न । इन्दे मकावले इच इसाइयें जेह्ङे भयंकर विचार दस्से दे न ते जेह्ङे दण्ड निर्धारित कीते दे न उन्दी कोई हृद गै नईं ।

हुण दना इस्लाम पासै बी नजर मारी लौ । ए सिद्धान्त जे इस्लाम गै छड़ा सच्चा धर्म ऐ, अल्ला गै सच्चा ईश्वर ऐ, मुहम्मद गै आखरी ते बेहतरीन पैगम्बर ऐ, उससै चाली दी गल्ल होई जे कोई तर्ह्याया होऐ ते उसी आखेया जा जे इस खास खूहै दा गै जल लै, इस जल गी पानी आख, ते पी तां गै तेरी त्रेह चुक्कनी, नईं तां कदें नईं चुक्कनी । सच ते ए ऐ जे फराख दिल पढ़े-लिखे दे ते दीनदार मुस्लमानें जियां सर ऐहमद हुसैन होर होये, इस तंग दिली ते मुतस्सबपन दा बरोध कीता ते उने खुल्लियँ आखेया—ईश्वर इक ऐ, ओ बेअन्त ऐ, सम्पूर्ण ऐ, ओदा कोई आदि अन्त नईं, उसी कुर्स सीमा या हृद इच नईं बन्नहेया जाई सकदा । यजुदान, ईश्वर, जेहोवा, गाड, अल्लाह भिन्न-भिन्न भाषाएं इच उससै बेअन्त ते सीमाहीन प्रभु दे नां न । इयां सेई हुन्दा जे ऋग्वेद दी ऋचा दी गै ए गूँज ऐ । 'एकं सद् विप्रा बहुधा वदन्ति' ईश्वर इक ऐ, बुद्धिमान लोक उसी भिन्न-भिन्न नाएं कन्ने पुकारदे न ।

इस्लाम नै मूरती पूजा ते मनुक्खै दी पूजा दे बरोध इच बड़ा भारी विद्रोह कीता ऐ । पर जे काबा इच पेदे पत्थर ते गैगम्बर मुहम्मद साहब दी स्थिति उप्पर वचार कीता जा तां पता लगदा ऐ जे जो गल्ल इक रूप इच बन्द कीती हौ उसी दूई चाली प्रचलत कीता गया ऐ । श्री विल डुरान्ट होरें इस बारे जो किश लिखेया ऐ ओ बड़ा शिक्षाप्रद ते दिलचस्प ऐ । काबे दे पत्थर गी पूजने आले कई लोकें दा विश्वास ऐ जे ए पत्थर सुर्गे दा मेजे दा ऐ । कई आखदे न जे ए कुसै तारे दा हिस्सा ऐ । इस्लाम थमां पँहले समें इच काबे अन्दर मतियां मूरतियां हियां । ओ देवतें दियां मूरतियां हियां । उन्दे चा इक दा नां अल्लाह हा । ते ओ कुरेश कबीले दा देवता हा । बाकी त्रै अल्लाह दियां कुड़ियां हियां । मुहम्मद साहब नै काबे दे इर्द-गिर्द इन्हें मूरतियें गी त्रोड़ी ओड़ेया । पर इस काले

पत्थर (संगे असवद) गी नईं छेड़ेया । ते हुकम दित्ता जे इसी बोसा देया करो । विल डुराण्ट होर अग्रे लिखदे न जे—धार्मिक मूरती पूजक अरब लोक मुहम्मद साहब थमां पैहले कावे दी यात्रा करदे हे । मुहम्मद साहब नै इस पुराने रवाज गी मन्नी लैत्ता । उन्हें गी पता हा जे रवाज एडी तौली नईं बदलदा । विश्वास भायें बदली जन्दा ऐ । ए बी होई सकदा ऐ जे इस काले पत्थर गित्तै उन्दे मनै इच बी चाह ही । उनें पराने रिवाज गी मन्नी लैत्ता ते अरब देस नै इस्लाम गी स्वीकार करी लैत्ता । इस्लाम दूएँ देसैं इच बी फैलेया पर थोड़े नेह् मुस्लमान गै यात्रा करदे हे । मक्के इच बी मुस्लमान रौहन्दे न जिनें कदेँ कावे दी यात्रा नईं कीती । नतीजा टकोदा गै सेही होई जन्दा ऐ ।

इयां दूएँ घमैं दियां आलोचना अस किन्नियां गै किट्ठियां करी सकनेआं । महर्षि दयानन्द सरस्वती होरें अपने सत्यार्थ प्रकाश ग्रन्थे इच बखिये धेड़ियै रक्खी दित्ते देन । पर इस गल्लै कन्ने कोई लाभ नहीं । महत्वपूर्ण गल्ल ए ऐ जे महापुरुषें दे चंगे कम्मे दा अनुसरन कीता जा । ओ महापुरुष ईसा मसीह होन, हजरत मुहम्मद साहब होन, भगवान रामचन्द्र होन, कृष्ण भगवान होन जां महात्मा बुद्ध होर होन । असें गी उन्दे कदमें उप्पर चलिदै अपना जीवन सफल ते नेक बनाना चाही दा ऐ ।



हिन्दू समाज की पेश आने आले बदेसी खतरे

ए ठीक ऐ जे हिन्दू धर्म न बड़ी उन्नति कीती ते ओ उन्नति दे शिखर तोड़ी जाई पुज्जा पर वर्तमान स्थिति ए ऐ जे इस दे स्वास्थ्य सुधार दा इलाज बड़ा जरूरी ऐ। पर इस थमां पैहलें असैं की उनें ताकतें, दबाएं ते खतरें दी जानकारी करी लेनी बड़ी जरूरी ऐ जेहूँ हिन्दू धर्म की नदी दी रोड़ ते सिनका आंगूं लगगे दे न ते एदा क्षय करा करदे न।

ए दौ चाली दे खतरे च—इक बदेसी ते दूए अन्दरूनी। इक ते हठ धर्मी इसाई प्रचारक न (जेहूँ लुब्ध देख्यै, फरेब पाइयै ते रोब पाइयै इसाई बनाई लैन्दे न) दूए मुस्लिमानें इच किश ऐसे तबके न जेहूँ अत्यन्त कट्टर ते दूए की बर्दाश्त की नई करदे, ते त्रीए बे असूले कम्युनिस्ट कामरेड न। ए त्रैव हिन्दू समाज की त्रीने पासेया तबाह करने की पेश पेदे न। ए बदेशी खतरे न।

इसाइयें दी बड़ी भारी ताकत ऐ। उन्दे-कोल खुल्ला धन ऐ, कम्म करने आले मर्द न, जनानियां न ते राजनीति उन्दी पिट्ठी उपपर हथ्य रखने आली ऐ। ए दिक्खियै कई आरी भोले-भाले ते सच्चे लोकें की इयां सेई होन लगदा जे ए लोक महात्मा ईसा दे उपदेसैं दा प्रचार करा करदे न जां लोकें की इसाई बनाने गित्तें गे इन्ने लक्क ब'न्ने दा ऐ। कुत्ये ओ सन्त महात्मा (ईसा) जिसी सिर छपलने की कुल्ली नई ही ते प्हाड़ें उपपर जाइयै उपदेश दिन्दा हा ते कुत्ये ए ताकत दे भुक्खे, रपे-पैसे इच खेड़ने आले ते दुष्ट प्रकृति दे राजनैतिक लोक जेहूँ पादरी रूप इच उस महात्मा दे पैरोकार बने दे न।

मते सारे हिन्दुएं की ते कई इसाई आएँ की इसाई दे गिरजें ते पोप पादरियें दा इतिहास पता नई। इसाई धर्म पैहलें बड़ा सादा हा। एदे दौ त्रै असूल हे त्याग ते मनुक्खमातर कन्ने प्रेम भाव। 324 ईस्वी इच रोम दा बादशाह कान्स्टेन्टाइन बनेया। उसने पोप की अपने हथें उपपर पाई लिया ते पोप होरें अपने मूलभूत सिद्धान्त की छोड़ियै बादशाह कन्ने समझौता करी लिया। बादशाह कन्ने दोस्ती दा ए फायदा होआ जे गिरजें दी ताकत बघी गई, उन्दे कछ धन खूब होई गया पर एदे खतरनाक नतीजे बी निकले जे नैतिक ते

अध्यात्मिक ढांचा खीस बीस होई गया। इक समां ऐसा बी आया जिसी पोप इतिहास दा सब थमां गन्दा समां आखदे न। इक दे बाद दूआ—इयां बीहू पोप होए। इस समें गी 'कंजरें दा राज' आखदे न। ओ गिरजे रूपी मैहल पतन ते अत्याचार दे अड्डे बनी गे। इनें 'ब्रह्मचारी' पोपें दियां रखेलां हुन्दियां हियां। ते ओ अपने पुत्तरें गी पोप दे उत्तराधिकारी ते वारस बनवादियां हियां। कतल कराई देना, पडयन्त्र कन्ने मरवाई देना, लड़ाइयां-भगड़े, व्यभिचार ते रिश्वतां—इन्दा बोल बाला हा।

इसलै गिरजाघरें दे लीडर उनें पोपें दे गै चले चांटे न। ए लोक सारी लोकाई गी अपने नेहूया इसाई बनाने गित्तै पूरी टिल्ल लाई ओड़दे न। हिन्दुस्तान इच करोड़ा लोक न, अनपढ़ ते अनजान, सैक्युलर गौरमिन्ट ऐ जेदे शब्दकोश इच सैक्युलर दा अर्थ हिन्दुत्व विरोध ऐ। हिन्दू लोक गै उन्दा नशाना न। इसाइयें दे स्कूल ते कान्वेण्ट बच्चें दे मनें गी हिन्दू विरोधी बनाने दा कम्म करदे न। मिशनरी हस्पताल बमारें ते दुर्बलें दा शोषण करदे न उनें गी प्लेरिय अपना कदीमी धर्म छोड़ने दी शिक्षा दिन्दे न। इनें मिशनरियें दा शुगल गै इऐ जे दूए दे धर्म गी त्रोड़ी मरोड़ियै अपने रंगे इच पेश करना ते ओदी बदनामी करना। इनें पादरियें दे मन घृणा कन्ने इन्ने भरोची गेदे हुन्दे न जे ओ किश बी करने गी तैयार होई जन्दे न। गन्दी थमां गन्दी भाशा इस्तेमाल करदे न, अपना मतलब सिद्ध करने गित्तै गिरे थमां गिरे दा ते अत्यन्त नीच साधन बी अपनाने थमां नईं टलदे। उन्दी पालिसी हुन्दी ऐ जे फुट्ट पाओ ते काबू करो, इक जाति गी दूई जाति दे खिलाफ भड़काओ, इक सम्प्रदाय गी दूए दे खिलाफ लड़ाओ। ए कम्म करने गित्तै ओ रिश्वतां दिन्दे न, सेवा भाव बरतदे न, तोहफे ते उपहार दिन्दे न। उन्दे दयाभाव दे मिशन हिन्दू समाज गी तरोड़ने, बक्ख-बक्ख करने ते विघटन करने दे चाले हुन्दे न। एहू सोची समझी दियां स्कीमां हुन्दियां न। हुए इसाई-पादरी हिन्दू सन्यासियें दे रूप इच कम्म करदे न। उनें अपने गिरजें दा नां बदलियै 'क्राइस्टराज मन्दिर' रखी लैता ऐ। गिरजें इच पूजा दी पद्धति बी हिन्दुएं आला लेखा करी ओड़ी ऐ। भोजन दे तरीके, कथा-कीर्तन बी हिन्दुएं आला लेखा अपनाई लैते न। ए इक-इक गल्ल हिन्दू धर्म ते समाज गित्तै इक-इक टाइम बम्ब ऐ जेहूड़ा मीके सिर फटियै हिन्दू समाज दे ढांचे गी डुआई देग। हर इक हिन्दू गी खास कर पढ़े-लिखे दे हिन्दू गी—चिन्ता करनी चाही दी ऐ ते निर्माणात्मक ते क्रियात्मक कदम चुक्कना चाही दा ऐ।

दूई समस्या भारतीय मुस्लमानें दी ऐ ते उन्दे द्वारा खडेरी गई दी ऐ ।
 आखने गी भायें इस्लाम दा मतलब अमन फैलाना ऐ ते मुस्लमान उसी आखदे
 न जेह्ड़ा हमेशा खुदा गी हाजर-नाजर समझें ते ओदी लोकाई कन्ने, अमन-
 शान्ति कन्ने रवै, परन्तु है बड़ी कौड़ी ते त्रिक्खी सचाई—जे दुनिया दे महजबें
 इच ऐसा कोई मजहब नईं जिसने इन्ना कतल गारत कीता होऐ ते जेह्ड़ा दूए
 लोकें कन्ने इन्ना जालम रेह् या होऐ । हिन्दुस्तान इच इस्लाम दा इतिहास
 हमलें, युद्ध, अगग-लगाना, लोटी, बलात्कार ते अन्ही तवाही दी कहानी ऐ । भायें
 हिन्दुस्तानी मुस्लमान हिन्दू धर्म चा गै मुस्लमान बने न, ते उन्दियें रगें विच बी
 उनें ऋषियें दा गै खून बगदा ऐ, पर इनें मुस्लमानें दी हिन्दुएं प्रति दुश्मनी बिन्द
 बी नईं घटी । एदा सारे कोला बड्डा कारण इऐ लवदा ऐ जे मुस्लमान जनता
 उपपर मौलवियें ते मौलानें दा इन्ना रोब ऐ जे उनें मुस्लमानें दा गला घोटियें
 रक्खी ओड़े दा ऐ । श्री अब्दुल मजीद इक पढ़े-लिखे दा सुसभ्य ते जागरूक
 मुस्लमान नेता ऐ । ओदे बचार न जे—“ए सच्चें गै बड़ा बचित्तर सेई हुन्दा ऐ
 जे मुस्लमानें चा थोड़े जनेह पढ़े-लिखे ते समझदार मुस्लमानें भारतीय मुस्लमानें
 दी सच्ची सेवा कीती ऐ । पर मते मौलवी ते मौलाने जिनें कुरान पढ़ाने दा
 इकमात्तर ठेका गै लेई लेदा ऐ अपने आप गी इस्लाम दा लम्बड़दार समझदे न ।
 ओ समझदे न जे मुस्लमानें दी लीडरी उन्दा जद्दी पेशा ऐ ते घन कमाने दा
 सखल्ला साधन ऐ । ओ हमेशा मुस्लमानें दे भावें ते जजबात कन्ने खेड़दे रेह न ।
 उनें सदा मुस्लमानें गी अपनी मुठ्ठी इच रखेया ते उन्दे कशा मन माने कम्म
 लैन्दे रे । ए पढ़े-लिखे दे मौलवी मौलाने ढोंगी मते हे ते इस्लाम दी सच्ची
 तलीम देने इच कोरे हे । इस करी ओ इस्लाम दी सही तालीम देई गै नईं
 सके । ते न गै उनें मुस्लिम जनता गी इस्लाम दा सही मतलब समझन दिता ।
 इक साधारण मुस्लमान गित्तै शायद कुरान पहली पोथी हुन्दी ऐ जेह्ड़ी ओ पढ़ना
 शुरू करदा ऐ ते सारी उमर पढ़दा रोह्न्दा ऐ । ते शायद इऐ ओदी आखरी
 कताब हुन्दी ऐ जेह्ड़ी ओ मरने दी ढा उपपर आनियें समझन लगदा ऐ । ए
 बड़ी कौड़ी सचाई ऐ पर साधारण भारतीय मुस्लमान दी मानसिकता दी सच्ची
 तस्वीर ऐ यथार्थ ऐक्स-रे फोटो ऐ । इस्लाम दी सही जानकारी नईं होना गै इस
 मजहबी जनुन दा बड्डा कारण ऐ । जित्थे फिरकापरस्ती शुरू हुन्दी ऐ उत्थें
 देश भगती दा लोप होई जन्दा ऐ । इस फिरकापरस्ती न मातृभूमि ते जन्मभूमि
 दे बारे इच उच्चे भावें गी पिच्छे सुट्टी ओड़ेया ऐ । अपने इस पागलपन इच
 मुस्लमान मूली जन्दे न जे दूए बसने आलें कन्ने असें सहयोगी भावना बी रखनी

ऐ जे उनें भारतभूमि कन्ने जित्ये ओ जम्मे, पले, मटोए ते बघे-फले, बी प्यार करना चाही दा ऐ। मुस्लमान दी मानसिकता दा किन्ना शैल विवेचना ऐ। इस्लाम बिच मते ब्याहें दी छूट दे बारे इच डाक्टर जिलानी होर लिखदे न इस्लामी देसें इच जियां पाकिस्तान, मिस्र, ईरान, इराक, सीरिया ते अल्जेरिया—जित्थुं दे लोक मते चंगे मुस्लमान न उनें गी कमजकम इस्लाम दे बारे इच जादा जानकारी ऐ। उनें देसें इच मते ब्याह करने दा रवाज खत्म होई गेदा ऐ। ए छड़े भारत दे फिरकापरस्त मुस्लमान न जिनें शरीआह् दा ना लेइयै इस्लाम दी मसीत बक्खरी चाही दी ऐ; जेह्ड़े सारे देश इच सांझा नागरिक कानून लागू नईं होन दिन्दे, जेह्ड़े अलीगढ़ इच इस्लामी बुक्के दा रवाज चलाने पर जोर दिन्दे न ते जेह्ड़े मुस्लमानें दे धार्मिक स्थानें दा प्रबन्ध वकफ अपने कोल गै रखना चाहन्दे न। मिस्र इच वकफ चरोकना खत्म करी ओड़े दा ऐ। जेकर अस इन्दी दलीलें गी मनचें तां असें समझना चाही दा ऐ जे पाकिस्तान, इरान ते मिस्र इस्लामी देश नईं। इक भारत गै इस्लाम दा पक्का गढ़ ऐ। जिन्ना चिर जिलानी ते मसीह नेह् जागरूक मुस्लमान अपने समाज दा नेतृत्व नईं सम्हालदे, हिन्दू समाज गी लापरवाह नईं होना चाही दा ते मुस्लमानें पासेया ओने आले खतरें थमां सोह् गा रोह्ना चाही दा ऐ।

आखरी खतरा, पर है ओ बड़ा भारी, ओ कम्युनिज्म ऐ। रूस इच उसी आखदे न जे भगवान जा परमात्मा फेल होई गया ऐ। कम्युनिज्म इच पोप लीलाधारी पादरियें दा दिलफरेब छल ते सिरफिरे मुस्लमानें दी हिंसा दव चीजां मजूद न। इस करी ए दोहरी खतरनाक चीज ऐ। कम्युनिस्टें दा सिद्धान्त ऐ जे भायें कोई साधन अपनाओ पर अपना उद्देश सिद्ध करो। पैहलें बनी दी कोई चीज भायें ओ चंगी ऐ जा माड़ी जड़-मूल थमां नष्ट करी देना चाही दी ऐ। आर्थिक उन्नति दे जेह्ड़े सब्ज बाग ए लोक दसदे न ओ ख्याली ज्यादा हुन्दे न। प्रैक्टिकल घट्ट हुन्दे न। रूस कम्युनिज्म दे सिद्धांतें उप्पर पिछले पंजाए बरें थमां अमल करा करदा ऐ पर उत्थें दे लोकें दी आर्थिक दशा इच पूंजीवादी देसें दे लोकें थमां बेहतर सुधार नईं, सगुआं मती तनखाह लैने आले ते थोड़ी तनखाह पाने आले लोकें इच बड़ा भारी अन्तर ऐ। कई जगहें पर ते इसदी ओस्त निस्बत इच 1 ते 62 दा फर्क ऐ। आमदनी उप्पर ते कोई आखरी हद्द है गै नईं।

इक ते एह् बदेसी विचारधारा ऐ ते दूए एह् नास्तिकता दा सिद्धान्त

ऐ। ए कम्युनिजम जित्थे बी गया उत्थे गै इसने प्राचीन धर्म ते संस्कृति गी पुट्टियै परें मारेया ऐ। चीन ते तिब्बत दे उदाहरण ते जीन्दे जागदे उदाहरण साढ़े सामनै मजूद। हुण रूस परतियै धर्म पासै परतोन लगा ऐ। उसी धर्म इच किश शान्ति सेही होन लगी ऐ। जोके रूस दे गिरजें इच बड़ी खलकत जमा हुन्दी ऐ उन्दे इच मते नमी पीढ़ी दे लोक हुन्दे न।

साढ़ा देस गरीब ते अनपढ़ जनता दा देस ऐ। इत्थें कम्युनिजम दे प्रचार गी बड़ी सुवधा थहोन्दी ऐ। इक वारी अस कम्युनिजम दे नाम इच फसे तां अस पूर्ण डिक्टेटरशिप दे गुलाम बनो जागे। डिक्टेटरशिप दे ते धार्मिक जां दूए मर्यादा आले सिद्धान्त ते हुन्दे गै नईं। छड़ियें आर्थिक नीतियें कन्ने भायें ओ बड़ियां महत्वपूर्ण हुन्दिंयां न, कम्युनिजम दा मुकाबला नईं कीता जाई सकदा। ओदे इच सफलता नईं मिलनी। छड़े डिह्ड भरने कन्ने गै मानव जीवन नईं चलदा। किश सिद्धान्तें उपपर चलना हुन्दा ऐ, किश सिद्धान्ते थमां स्फूर्ति लेनी हुन्दी ऐ। जिसलै मनुक्ख उनें सिद्धान्तें पर चलदा ऐ ते उन्दे थमां स्फूर्ति लेन्दा ऐ तां ओ कुसै बी खेतरे इच करिषमें बी करी दसदा ऐ। हिन्दू धर्म नै इऐ करिषमे करी दस्से दे न। ते ओ अज्ज बी करी सकदा ऐ। भगवान रामचन्द्र जी, पाण्डव, चन्द्रगुप्त, अशोक, समुद्रगुप्त ते विजयानगर साम्राज्य इस गल्लै गी स्पष्ट करने दे टकोदे उदाहरण न। इतिहास गी पक्षपात थमां बक्ख करियै पढ़ेया जा ते ओदा उद्देश मते थमां मते लोके दी मते थमां मती भलाई दा दृष्टिकोण सामनै होऐ—तां असें गी पता लगग जे उने समें इच वर्तमान देसें इच जैसा कम्युनिजम ऐ उस थमां मतियां सुवधां उपलब्ध हियां।



भौतिकवाद दा खतरे

इस मौके उप्पर भौतिकवाद दे खतरे दा बी ठीक-ठीक पता लाई लेना चाही दा ऐ। हिन्दू धर्म न धन कमाने ते दुनियां दे सुख भोगने, आराम करने ते नन्द मनाने थमां कर्दे नई ठाकेया। हिन्दू धर्म न छड़ा इन्ना गै कीता ऐ जे भौतिकवाद कन्ने 'धर्म' दा सुरक्षा-वाल्व लाई ओड़ेया ऐ। जेकर धन ते 'काम' गै जीवन दे इक मात्तर उद्देश बनी जान ते धर्म गी भेलेयां नजरन्दाज गै करी ओड़ेया जा, तां छड़ा घटिया दर्जे दा भौतिकवाद गै रही जन्दा ऐ। जिसी अस 'आपघड़प्फी' दा कनून आखी सकने आं। जोकी आप-घड़प्फी पास इन्नाभका होऐ करदा ऐ जे कई आरी राष्ट्रहित गी बी इस गित्त बलिदान करी ओड़दे न। इस करी खतरे गी पछानना ते इसी काबू इच आनना बड़ा जरूरी ऐ।

तथाकथित उन्नत ते सभ्य देसों पास नजर मारिये दिक्खो तुसें गी पता लगग जे भौतिकवाद न केहू तबाही आन्दी ऐ। अत्यन्त भयंकर घटनाएं दा घटना ते घोर खतरनाक मानसिक बमारियें दा बघना एदा परिणाम ऐ। अमेरिका दे पुलिस विभाग दी रिपोर्ट ऐ जे औसतन इक घण्टे इच अपराधों डी रफतार इस चाली ऐ— इक कतल, चाली मोटर कारें दी चोरी, ते दस दिन-घाड़े दे डाके। इऐ कारण ऐ जे पच्छिम दे बड़े बड़े विद्वान ते साईंसदान शान्ति ते सहायता गित्त धर्म पास ध्यान देंन लगे न।

नास्तिकता भौतिकवाद दा दूसरा नां ऐ। एहू ऐसी कवाहूत ऐ जेहूड़ी लोकें दे मनें गी भरमाई ओड़दी ऐ। जेकर अस इस पास थोड़ा बी ध्यान देच तां असें गी पता लगग जे नास्तिकवाद दियां दलीलां किन्नियां खोखलियां न। दुनियां चानचक्क गै परमाणुएं दे योग कन्ने बनी गई ही इस गल्ले उप्पर इयां गै विश्वास नई करन हुन्दा जियां कोई ए आखे जे शब्द बनाने आले अक्खरें गी किट्ठे करिये दर्शन शास्त्रे दा ग्रन्थ लिखी ओड़ेया ऐ। असल इच सारियां साईंसां विश्व दे कनूनें दे खाके न। चित्तर न। ते विश्व दे कनून उस विश्व-शक्ति दे माध्यम न। ते विश्व-शक्ति उस परमब्रह्म विश्व मानसिकता दा प्रकटी करण ऐ।

हर इक राष्ट्र दी अपनी इक टकोदी विशेषता हुन्दी ऐ। साढ़े देसै इच एहू विशेषता धर्म ऐ। जेकर धर्म दा नाश होई जा तां हिन्दुस्तान दा गै नाश होई जाग, भायें किन्नी राजनीति रवे, किन्ने सुधार होन, भाये कुबेर देवता हर इक देसवासी उप्पर घनं दी बरखा की नई करन।



धर्म निरपेक्षराज्य जां खतरे स्हेड़ने आला राज्य

संक्युलरिज्म अज्जै दे युगै दी बड़ी बड़ी कमजोरी ऐ। इस संक्युलरिज्म नै किश साधन जरूर जुटाये होइन पर ए पक्की गल्ल ऐ जे इस कन्ने उद्देश्य कोई सिद्ध नई होआ। सम्यता जीवन दी इक पद्धति हुन्दी ऐ। मानव भावना दी इक हरकत हुन्दी ऐ। मनुक्खै दे सुभा ते ओदे भागें दी धारणा थमां सम्यता दा स्वरूप पता लगदा ऐ। जेह्ड़ा संक्युलरिज्म मनुक्खै दे थां पर घनै गी ते भावना दे थां उप्पर शासन गी लेई आन्दा ऐ ओ बेअन्त तबाही दा रस्ता पद्धरा करी ओड़दा ऐ। ताकत हथ्याने दी लूमक लाई दिन्दा ऐ, जुल्म करने इच खुशी सेई होन लगदी ऐ; ते दूएंगी दवाने ते उन्दे पर शासन करने दी भावना गी बघान्दा ऐ। पिछले दौं महायुद्धें ए गल्ल भलेयां स्पष्ट कीती ऐ।

साढ़े नेता लोक घड़ी-घड़ी ते गला पाड़ी-पाड़ी घोषणा करदे रोह्न्दे न जे साढ़ा धर्म-निरपेक्ष राज्य ऐ। ते साढ़े भारतवर्षे दा खास गै किस्मै दा धर्म-निरपेक्ष राज्य ऐ। साढ़े राज्य दा कुसै बी धर्म कन्ने सर्वन्ध नई होग। कोई लगा नई होग। पर हकीकत ए ऐ जे साढ़ा राज्य हर इक गल्ल हिन्दू धर्म कन्ने सर्वन्ध रखने आली करदा ऐ। हां होर कुसै धर्म गी हत्थ नई लान्दा। उस पास दिखने दी जुत गै नई करदा। इनै लीडरें हिन्दू कोडबिल जनेह् दुर्भाग्य आले कनून बनाने इच किन्नी तौल कीती। उस पार्लियामेण्ट थमां ए कनून पास करवाया जेदा कनून बनाने दा हक नई हा। जेह्ड़ी छड़ा संविधान बनाने गित्तै गै बनाई गई ही। कोई बी कनून बनाना ओदे अधिकार इच गै नई हा। खास करी हिन्दू कोडबिल नेह् या उग्र ते मूलभूत कनून बनाना उन्दे अधिकार क्षेत्र इच गै नई हा। परम्परा थमां चलदे आवा करदे हजारे बरें दे कनूनों गी इक्कै फट्टे कन्ने बड़ी सुट्टना बड़ी भारी हठधर्मी आली गल्ल ऐ। जिस कनून दा करोड़ें हिन्दुएं उप्पर असर पौन्दा ऐ उसी ए आखियै जे असें गी मती जानकारी ऐ, तुस बाकी लोक चुप्प रोह बड़ी घाड़ेबाजी आली गल्ल ऐ। मन्नी लौ जे किश सुधार चंगे बी हे पर समाज इच होर लोक बी ते रोह्ने आले न। उनें लोकें उप्पर बी ते इनें सुधारें दा असर पौना ऐ। उनें गी पुच्छी लैना बी ते

जरूरी हा, दूए महान् लीडर ते उन्दे चेल्ले-चांटे ते अनुयाई दूए सम्प्रदायें दे व्यक्तिगत कनूनें इच इक बिन्द सारा सुधार करने दी जुत नईं करदे। आखो जे दूए सम्प्रदायें दे कनून इन्ने संपूर्ण ते सही न जे उन्दे इच सुधार दी गंजैश गी नईं। जे साढ़ा राज्य धर्म निरपेक्ष ऐ, सैक्युलर ऐ तां सारे देसै गित्तै इक्के विधान की नईं होऐ। जेह्ड़ा देसै दे सारे नागरिकें गित्तै सांझा होऐ। कुसै जाति, सम्प्रदाय जां धर्म गी नखेड़या की जा।

इस सैक्युलरिजम दा इक होर पुट्ठा उदाहरण दिक्खो। मन्दिर ते उन्दियें जायदातें उपपर सरकार धार्मिक संरक्षण मैहकमे बनाइयै कण्ट्रोल करा करदी ऐ। पर मुस्लमानें दे श्रीकाफ ते इसाइयें दे गिरजे इनें मैहकमें दे आधीन नईं।

होर दिक्खो! सरकार नै परिवार नियोजन कार्यक्रम गी प्रमुख महत्ता देइयै शुरू कीता ऐ। मसूम हिन्दू समाज गी लूप लाई-लाई ते गर्भ निरोधक गोलियां खलाई-खलाई बथेह करी सुटटेया ऐ। हालांकि यूरोप ते भ्रमरीका दे वैज्ञानिक मासिक पत्र ते रसाले साफ-साफ लिखा करदे न जे लूप ते निरोधक गोलियें दा प्रयोग खतरनाक ऐ। इस नीति दा शकार बी हिन्दू गी बना करदे न। सरकार बड़ा सूखम ते घोखे आला प्रचार करा करदी ऐ। भगवान् राम ते कुन्ती दा नां बी परिवार नियोजन गित्तै इस्तेमाल करने इच उसी कोई आर नईं। भारत सरकार चाहन्दी ऐ सारे नागरिकें दे त्रौं कोला मते बच्चे नईं होने चाही दे। पर सरकार ए स्पष्ट नईं करदी जे हर पति दे त्रौं बच्चे होने चाही दे जां हर पत्नी दे त्रौं होने चाही दे? भारती मुस्लमान ते इस कनून दा खुल्ला बरोध करा करदे न। हालांकि पाकिस्तान इस कनून गी चला करदा ऐ। इसाइयें गी ते उन्दे पोप हुन्दा फर्मान आई गेदा ऐ जे परिवार नियोजन गी नईं मन्नना। एदा टकोदा अर्थ ऐ जे बीहें-त्रीहें ब'रें इच हिन्दू लोक अपने गी देसै इच अल्प-संख्यक होई जाडन।

न गी कांग्रेस सरकार देश इच एकात्मता पैदा करने इच सफल होई ऐ। उस राजनैतिक पार्टी (मुस्लिम लीग) कन्ने सहयोग करना जिस नै साढ़ी मातृभूमि दी बण्ड कराने दा घोर पाप कीता, ते दूई पार्टी (कम्युनिस्ट पार्टी) जेह्ड़ी अपना स्वार्थ सिद्ध करने लेई देसै गी कुसै लै बी बेची ओड़ने गी तैयार ऐ, कन्ने सहयोग करना सचमुच गी एकात्मता दा नां बदनाम करना ऐ।

भारत दे फोलादी शूरवीर सर्दार पटेल होरें जिन्ना महान कम्म कीता हा भारत सरकार उस पर पानी फेरा करदी ऐ। बिल्कुल नपुंसक बनियै नमें-नमें

पाकिस्तान ते पादरिस्तान बनान्दी जा करदी ऐ। भोलीचुक अल्प संख्यकें दे मुंह लहु लान्दी जा करदी ऐ।

मन्नेया जे करोड़ें दी संख्या आले ते सैकड़ें समस्याएं आले एडे बड्डे देसै दी हकूमत चलाना सखल्ली गल्ल नईं। पर इक ईमानदार देश-भक्त गी ए दिक्खियै बड़ा दुःख हुन्दा जे शासक लोक बीते दे भूतकाल थमां बी कोई सबक नईं लैन्दे ते उऐ गलतियां करी जा करदे न, जिन्दा नतीजा भुगती चुके दे न।

ए घर्म निरपेक्ष राज्य ऐ जां बेपैन्दे दा लोटा। जेहूदा कोई बसाह नईं, कुसैल बी रिल्की जा। साढ़े नेता लोक ते जनता की नईं चतेन्दे ?



अन्दरूनी खतरे

आओ हुण अपने मन अन्दर भाँकचें ते तुपचें जे आखर बमारी दी जड़ कुत्थें ऐ ?

इक साधारण हिन्दू दा सबनैं थमां भयंकर दोष ओदी शारीरिक कमजोरी ऐ। इस्सै करी ओ बुजदिल ऐ। अहिंसा जनेह् बड्डे-बड्डे शब्दें कन्ने ओ अपनी बुजदिली उप्पर पर्दा पाने दा जतन करदा ऐ। स्वामी विवेकानन्द जी आखदे हे जे कमजोरी पाप ऐ, ए मौत ऐ। ओ अपने समाज दे नौ जवानें गी उपदेश दिन्दे हे, प्रेरणा दिन्दे हे जे अपने शरीर दे पट्टे लोहे दे ते स्नायु (नसा) फोलादी बनाओ। महात्मा गान्धी इस युग दे अहिंसा दे अवतार हे। जिस लै 1923 इच मोपले मुस्लमानें दंगे कीते ते मालाबार दे हिन्दू नस्सन लगे तां महात्मा गान्धी जी ने हिन्दुएं गी समझाया हा जे तुस बी मरने मारने दी कला सिक्खो। उनें शास्त्रें दा प्रमाण देइयें समझाया जे इस बिच अपने बचा गित्तें मारने इच होई हिंसा नई। उपनिषदें तोड़ी धार्मिक ग्रन्थें इऐ आखेदा ऐ जे कमजोर गित्तें कोई मुक्ति नई। नायं आत्मा बलहीनेन लभ्यः। डार्विन ने जेह्ड़ा सिद्धान्त दस्सेया जे "बलवान गै अपनी रक्षा करी सकदा ऐ। कमजोर गी दूए खाई जन्दे न" बिल्कुल ठीक ऐ।

दो हिन्दू किट्ठे नई हुन्दे, किट्ठे मिलिये कम्म नई करदे। दूए दी गल्ल मन्ननी ते दूए गी सहयोग देना उन्दे खून इच गै नई। ईर्ष्या (दूए गी दिक्खी नई सखाना) भाव प्रधान ऐ। अस इस गल्ले गी भुलाई ओड़ने आं जे सदिये थमां साढ़ी गिरावट दा इऐ इक मात्तर कारण रेहया ऐ। जिन्ना चिर अस ए ईर्ष्या-द्वेष नई छोड़दे, अपने 'अहं' जां अभिमान गी काबू नई करदे, ते इक नेता दी आज्ञा इच संगठित होइयें कम्म नई करदे, साढ़ा बचा नई होई सकदा। ए साढ़ी खुश किस्मती ऐ जे देसै इच किश संगठन जियां रामकृष्ण मिशन, राष्ट्रीय स्वयं सेवक संघ, आर्य समाज ते विश्व हिन्दू परिषद धर्म ते संस्कृति दे खेतरे इच हिन्दुएं गी संगठित करने दा जोर ला करदे न। असैं गी इन्दे इच शामिल होना ते इनें संगठनें गी मजबूत करना ते बधाना चाही दा ऐ।

बौद्धिक जीवन दा अनादर इक दूई बमारी ऐ जेह्ड़ी हिन्दू समाज गी लगगी दी ऐ । साढ़े महर्षिये ते पूर्वजें अपने अद्भुत आविष्कारें कन्ने दुनियां गी चगत करी दित्ता हा । ज्ञान दे किन्ने गै खेतरें इच अपने डूह्गे चिन्तन कन्ने धाक बठाई दित्ती ही । साढ़ा जमाना ऐसा आया ऐ जे लोह्के जागर्ते गी बी इस्तेहान पास करने गित्तै बनेवनाए खलासे ते कुंजियें दी लोड़ पौन्दी ऐ ।

ज्ञान अर्जित करने गित्तै कोई छूमैन्तर नई हुन्दा । इस विशे इच कोई बी गलत फह्मी अपने दमाक बिचा कड़डी ओड़नी चाही दी ऐ । जिन्ना चिर अस लोक खास करी साढ़ी नमी पीढ़ी - जागरूक नई हुन्दी ते ज्ञान अर्जन करने गित्तै सच्चे मनै सोह्गी नई हुन्दी, डूह्गा चिन्तन करने ते गहरे अध्ययन दी प्रवृत्ति नई अपनांदी, अस संसार दे दूए राष्ट्र दा मकाबला नई करी सकदे ।

इक होर बमारी जेह्ड़ी साढ़ी जड़ें गी खोखला करा करदी ऐ सुस्ती ते अकर्मन्यता ऐ । 'हिन्दू सोचदा मता ऐ, पर कम्म नई करदा' इक अंग्रेज अफसर ईक बारी आखेया हा । इटली इच जदू रोम शहर गी अग लगगी ही आखेदे न जे नीरू बादशाह वायलिन बजाने इच मशगूल हा । ओ नीरू फी बी किश करा ते करदा हा । साढ़ी मातृभूमि जला करदी ऐ ते अस मुत्ते दे आ । आओ इस सुस्ती ते अकर्मन्यता गी परे सुटचै ते भारतीय आदर्श दे मताबक अपने राष्ट्र दा परतियै निर्माण करचै । धर्म, संस्कृति ते इतिहास असें गी दसदे न जे अपने व्यक्तिगत जीवन इच त्याग ते सेवा भावना ते राष्ट्रीय जीवन इच शक्ति ते महानता भारतीय आदर्श रहे न । खीरली ते जबरदस्त कमजोरी साढ़ा अपने हिन्दू धर्म दे बारे इच अज्ञान ऐ । इक साधारण इसाई जां मुस्लिमान गी अपने धर्म दे बारे इच इक साधारण हिन्दू दे मकाबले इच मती जानकारी हुन्दी ऐ । ओ अपने धर्म उप्पर श्रद्धा कन्ने ते मनै कन्ने चलदे न, पर साढ़े हिन्दुएं चा मते लोक छड़े श्रद्धाहीन गै नई, अपने धर्म दा आपू गै मजाक उड़ाने वाले ते निन्द्या करने आले न । हिन्दू होइयै हिन्दू धर्म दी निन्द्या करना, इक फैशन होई गेदा ऐ । खास कर जेह्ड़े हिन्दू विद्यार्थी बाहरलें देसैं इच पढ़न जन्दे न ओ मते गै घर-कुहाड़ू बनदे न । इक हिन्दू बच्चे गी अपने धर्म ते संस्कृति दे बारे इच कोई शिक्षा नई थ्होन्दी । न घरे इच ते न गै स्कूल इच । घरें इच माऊ-बब्बै गी अपने धर्म दे बारे इच कक्ख पता नई हुन्दा, स्कूलें इच

अध्यापक इस विषये इच्छा कोरे हुन्दे न । ओ नमीं पीढ़ी दा मार्ग दर्शन नई करी सकदे । जेकर ओ किश दसने दा जतन करदे न तां ओ हसाब होई जन्दा ऐ जे अन्नहा-अन्नहें गी रस्ता दसै दा होऐ । एदा टकोदा असर ए पीन्दा ऐ जे हिन्दू बच्चे बदेसी प्रभाव दा शकार होई जन्दे न । इस करी माता-पिता दा बड़ा भारा कर्तव्य ऐ जे ओ अपने धर्म ते संस्कृति दे बारे इच्छा ज्ञान प्राप्त करन ते उसी अपने बक्चें गी प्रभावशाली ढंग कन्ने समझान । साढ़े धर्म दे शत्रु जेहड़ा शरारतपूर्ण ते घृणित प्रचार करदे न ओदा मकाबला करने गित्तै ते उस प्रचार गी नकारने गित्तै जरूरी ते प्रभावी कदम चुक्कन ।



किश समस्यां ते उन्दे सम्भव सुभा

हर इक राष्ट्र ते हर इक समाज दियां अपनियां समस्यां हुन्दियां न । साढ़ियां बी किश हैं । आओ उन्दे चा किश महत्वपूर्ण समस्याएं उप्पर सोच करचें ते उन्दे सम्भव सुभाएं उप्पर बचार करचें ।

पैहली समस्या जेह्ड़ी हर इक जागरूक हिन्दू गी कचहोल पान्दी ऐ ओ जातपात समस्या ऐ । इस जातपात सिस्टम दी जड़ता ते ओदे कारण पैदा होई दियां नाबरोबरियां, घृणा, दुश्मनी, साढ़े समाज गी भन्ना करदियां न ते तबाही आली बक्खी नेया करदियां न । खास कर उन्हें इसाई लोकें ते मुस्लमाने दे रस्तै इच सारे थमां बड़ी भारी रुकावट बना करदियां न जेह्ड़े परतियै हिन्दू धर्म इच श्रीना चाहन्दे न । हिन्दुएं सामनै छड़ी जातिवाद दी कबाहूतें गी ठीक करने, दूएं गी अपने धर्म इच लेई लैने दी गै समस्या नई, उन्हें गी नमें बने दे मुस्लमानें (जेह्ड़े मूल हिन्दू न) गी परतियै अपने हिन्दू धर्म इच लैने गित्तै पूरा जतन करना ऐ । हिन्दुस्तान इच करोड़ों मुस्लमान परतियै हिन्दू बनने इच खुशी मसूस करडन । पर हिन्दू ए जकीन दुआने इच पैहल की नई करदे जे इऐ ने नमें हिन्दुएं गी हिन्दू समाज इच जातिवाद इच बरोबरी दा दर्ज दित्ता जाग । इस गल्ले दा जोरदार प्रचार की नई कीता जन्दा ? 95 फीसदी भारती मुस्लमानें दे ते पाकिस्तानी मुस्लमानें दे पूर्वज हिन्दू गै हे जिन्हें मुस्लमान हुकमरानें दे दबा करिये इस्लाम धर्म मन्नना पेया हा । कई हिन्दुएं दी जातपात दी जड़ता करिये बी मुस्लमान होई गे होडन । इक जागरूक मुस्लमान श्री मुजीबुर्रहमान हुन्दे ए सच्चे ते कौड़े मत ते बचार न ।

असली गल्ल ऐ जे ए समस्या बड़ी पेचीदा बनी गेदी ऐ ते एदा तली पर सरेयां जमाने आला कोई हल नई लब्बै करदा । सारी जनता दा गै आर्थिक सुधार होऐ, सारें दा गै जीवन स्तर उच्चा होऐ, सारें गी अपने मूलभूत अधिकारें दी शिक्षा दित्ती जा, हिन्दू धर्म ते संस्कृति दे मूल तत्थ समझाये जान तां गै समाज इच पेदियां द्रेड़ां भरोचडन ते समाज इच संगठन पैदा होग । हिन्दू समाज दे बक्खरे-बक्खरे वर्गें इच आदान-प्रदान, लैन-देन, बचार विमर्श दा

वातावरण पैदा करने दी मनं थमां कोशिश कीती जानी लोड़चदी ऐ। हिन्दू समाज दे मते पढ़े-लिखे ते सुसंस्कृत लोकें गी (भायें ओ कुसै जाति दे होन) खास करिये ब्राह्मणें गी अध्यात्मक आदर्शें गी लेइयें जियां ओ पैहले करदे आये न परतिये सादा जीवन ते उच्च बचार लेइयें अग्रे ओना चाही दा ऐ। स्वामी विवेकानन्द होरें जेह्ड़े आपू जन्म थमां ब्राह्मण नईं हे, हिन्दू समाज गी इक बड़ी जोशीली अपील कीती ही जे लौहकियां-लौहकियां जातियां खत्म करिये चाँ वरणें इच गै स्थिर होई जाओ।

इस सिलसिले च तथाकथित सवर्ण हिन्दुएं दा हरिजनें प्रति व्योहार बचार करने जोग ऐ। सदियें थमां इन्दे कन्ने, बचारे गरीब लोकें कन्ने नेहया व्योहार हुन्दा आया ऐ जनेह्या पशुएं कन्ने बी नईं हुन्दा। जनेह् जुल्म ते अत्याचार इनें लोकें कन्ने होए न जां हुन्दे न, ओ दिक्खिये चर्ज हुन्दा ऐ जे ओ लोग हिन्दू समाज दा अंग कियां बने रेह्। ए बड़ा जरूरी ऐ जे रामानुज ते महात्मा गान्धी जनेह् महापुरुषें दे कीते दे कम्में ऊपर पानी नईं फेरया जा। हिन्दू समाज नईं जागदा, ते हरिजनें दियें समस्यां उपपर बचार नईं करदा, शिक्षा ते आर्थिक सुधार कन्ने उनें गी गिरी दी अवस्था थमां उबड़ा नईं चुकदा तां ओ इक दिन बदेशी घमें दी छत्रछाया इच टुरी जाडन, ते ए गल्ल असें गी चेतन रखनी चाही दी ऐ जे कोई बी व्यक्ति जेह्ड़ा हिन्दू धर्म गी छोड़िये जन्दा ऐ ओ हिन्दुएं दी संख्या गी घट्ट ते करदा गै, ओ हिन्दू धर्म दा इक बरोधी ते दुश्मन बी बनी जन्दा ऐ।

दूई समस्या साढ़े सामनें धर्म परिवर्तन दी ऐ। इसाई लोकें दे खुल्लम-खुल्ला ते चोरी छपे दे धर्म परिवर्तन दे चाले ते सबनें गी पता न। इनें गी रोक कियां लाई जा? इक गल्ल बड़ी टकोदी दिखने आली ऐ जे ए शूरवीर इसाई पादरी मुस्लमानें गी इसाई बनाने थमां खोफ खन्दे न। ऐसा की ऐ? मुस्लमानें इच एका ऐ, मजहबी जनून ऐ, लड़ी मरने दी तीव्र भावना ऐ, इस करी इसाई मुस्लमानें उपपर हत्थ पान्दे डरदे न। असें हिन्दुएं गी बी उन्दे थमां सबक लेना चाही दा। असें पैहलें ते हिन्दुएं गी हिन्दुत्व सखाना चाही दा ऐ। हिन्दुत्व दे सिद्धान्तें दी शिक्षा देनी लोड़चदी ऐ। दूए असें गी हमेशा सतर्क, चकन्ने ते खबरदार रौहना चाही दा ऐ जे दूए लोक साढ़े भ्राएं गी मुस्लमान जां इसाई नईं बनाई लैन। समें दी मांग ए ऐ जे साढ़ी सरकार इनें बदेशी पादरियें गी हिन्दुस्तान थमां बाहर कड्डी देऐ। चीन ते ब्रह्म देश नै इयां गै कीता हा। जेह्ड़े भारती बसनीक पादरी न उन्दे पर पाबन्दी लाई जां जे ओ लालच देइयें, रोब पाइयें जां घोखे कन्ने लोकें गी इसाई नईं बनान। धर्म

प्रचार करियँ जतन होई सकदा ऐ तां करी लैन । हुण अपने धर्म ईच परतियँ लेई लैने दी गल्ल करचै । एदा नजीकी सर्वन्ध बी धर्म परिवर्तन कन्ने गै । सारें थमां प्राचीन मुस्लमान इतिहासकार फरिश्ता दे अनुसार साढ़ी सख्या सठ करोड़ ही । हुण हिन्दुएँ ते गैर हिन्दुएँ दी औसत बदली गई ऐ । पैह्लें सारे हिन्दू गै हे । हुण आवादी इच 100 इच 20 फीसदी मुस्लमान ते इसाई बी शामिल न । परिवार नियोजन दी सरकारी नीति इन्नी कबक्की, दुलमुल ते कमजोर ऐ जे इस नै समस्या गी होर बगाड़ी ओड़ेया ऐ । मुस्लमान ते इसाई परिवार नियोजन गी मनदे गै नईं । इस करी असें गी जोर लाइयँ कम्म करने दी लोड़ ऐ । छड़ा अपने बचा गित्तै गै नईं अपने उन्हें भ्राएँ गी जेह्ड़े पैह्लें हिन्दू हे ते मुस्लमान जा इसाई होई गेदे न उनें गी परतियँ अपने हिन्दू समाज इच आनने ते ऐसा प्रबन्ध करने दी लोड़ ऐ जे उन्दा समाज इच मानै आला थाहूर होऐ । इस गलत धारणा गी मनै थमां कड्डी लाना चाही दा ऐ जे हिन्दू जाति इच जन्म लौ तां गै हिन्दू बनन हुन्दा ऐ । जन्म लैना जरूरी नईं । हिन्दू बनाया बी जाई सकदा ऐ । सदियें थमां साढ़े हिन्दू धर्म नै बदेसी धर्म दे किन्ने गै लोकें गी अपने इच मलाई लेया ऐ । कोई रौलारप्पा जां बखेद नईं पौन दित्ता । जित्थूँ तोड़ी अपने धर्म ईच परतियँ लेई लैने दी गल्ल ऐ । स्वामी विवेकानन्द जी दा मत बड़ा उपयुक्त ते शिक्षाप्रद ऐ । अपने धर्म ईच परतोने आलें दी उऐ जाति होग जिस चा ओ गे हे । जेह्ड़े नमें हिन्दू बनडन ओ अपनियां जातियां बनाई लैडन । हिन्दू समाज दे अगुआ ते मन्ने प्रमन्ने दे लोक हिन्दू धर्म ईच ओने आले नमें लोकें गी अपने इच रलाई लैने दा बड़ा बडडा फर्ज नभाई सकदे न । बड़ी भारी सेवा करी सकदे न । छत्रपति शिवाजी महाराज ने सुन्दर उदाहरण पेश कीता हा । हिन्दू धर्म ईच परतोने आले इक मुस्लमान नौजवान गी उन्हें अपनी घी ब्याही दित्ती ही ।

इस विशे इच अपने प्राचीन ते परम्परावादी मठ-मन्दर बड़ा कम्म करी सकदे न । प्राचीन समे इच हिन्दू धर्म दी ध्वजा उच्ची रखने ते धर्म दे प्रचार-प्रसार गित्तै इनें मठ-मन्दरें बड़ा शानदार कम्म कीता दा ऐ । पर जिस लै इनें मठ-मन्दरें इच धन मता जमा होई गया तां पुजारियें ते महन्तें दा पतन होई गया । धन, मान ते ताकत किट्ठी करना गै प्रमुख उद्देश्य होई गया । अज्ज बी जेकर ए महन्त मठाधीश मण्डलेश्वर चेतन, असलीयत ते वास्तविकता गी पछानन, अपने पुराने ते रुढ़िवादी चिन्तन ते आचरण गी त्यागन, बदलदे समे

कन्ने स्थितियें अनुसार कदम मलाइयें चलन, पर अपने सनातन धर्म दे मूल सिद्धान्तें उपपर बी चलदे रोहू न तां ए लोक अपनी विद्वत्ता, धन ते मान-मर्यादा कन्ने अज्ज बी करिश्में करी दस्सी सकदे न । अपने हिन्दू धर्म दे मूल सिद्धान्तें दा प्रचार करने विशेष इच जोरदार कम्म करी सकदे न । कर्मकाण्ड गी आसान बनाई सकदे न । इक आचार संहिता बनाई सकदे न जेह्ड़ी सारे हिन्दू अपने जीवन इच अपनाई लैन, जात-कर्म नां रखने दा संस्कार, जनेऊ पाने दा संस्कार, व्याह संस्कार ते मरण संस्कार—इनें चीनें संस्कारें गी सादे ते सारे हिन्दुएं दे करने जोग बनाई देन, अपने अनुयाइयें ते श्रद्धालुएं गी हुकम जारी करी देन जे हिन्दू धर्म इच परतोने आले लोकें गी अपने-अपने वर्गें ते जातियें इच पचाई लैन । एदे कन्ने हिन्दू समाज इक रूप ते संगठित होई जाग ।

इक होर समस्या जेह्ड़ी वर्तमान काल इच हिन्दू जनता दे सामनै आई ऐ ते उसी महत्वपूर्ण लगदी ऐ ओ गी रक्षा ऐ । वैदिक काल थमां गै गी माता श्रद्धा ते माने दा केन्द्र बिन्दू रही ऐ । गी हिन्दू समाज दा अटूट अंग गै बनी गेदी ऐ । हिन्दू धर्म दे त्रै ग'कार प्रसिद्ध न—गीता, गंगा ते गायत्री । इन्दे च दो गकार होर मलाइयें पंज करी दित्ते गे न । गी ते गोविन्द । (गवें दी रक्षा करने आले भगवान कृष्ण) । गी कन्ने छड़ा धार्मिक भाव गै सर्वन्धित नई, गी रक्षा इच आर्थिक पहलू बी आन्दा ऐ । विशेषता इस करी जे साढ़ा देश कृषि प्रधान ऐ । बड्डी गल्ल ए जे इस मुद्दे उपपर सारा हिन्दू समाज संगठित ऐ । इसी करी ए बिल्कुल सही गल्ल ऐ जे हर हिन्दू नै इस आन्दोलन इच सहयोग देना चाही दा ऐ । डा० जिलानी जेह्ड़े इस्लामी संस्कृति दे इक बड्ड़े विद्वान न, आखदे न जे इस्लाम इच गी-बघ निषेध ऐ, ते आपूँ हजरत मुहम्मद साहब ते चौथे खलीफा दा फर्मान ऐ जे गी दी रक्षा करना चाही दी ऐ । गी रक्षा दी हिमायत करिये ओ यकमुष्ठ गै करोड़े हिन्दुएं दे दिलें गी जित्ती लैडन । इस गल्ले पर ते कोई भेद गै नई जे गवें दी परवरिश ते दिवख-भाल करना इस थमां बी ज्यादा जरूरी गल्ल ऐ ।

हुण अपने मंदरें, पुजारियें ते मठाधीशें बारें इच बी सोची लैच । मन्दिर सारे थमां पवित्र स्थान होने चाही दे न, पर उन्दी व्यवस्था ऐसी बुरी ऐ जे ओ अत्यन्त गन्दे थां बने दे न । यात्रू ते दर्शक जाइयें सङ्ग होर गन्द पान्दे न । मन्दिरें इच इन्नी भगती नई हुन्दी जिन्ना शोर-शराबा ते बदनजमी हुन्दी ऐ । अनपढ़ ते लालची पुजारी जियां यात्रुएं गी परेशान करदे न, ते उनें गी जनेही

वेज्जती बर्दाश्त करनी पौन्दी ऐ, ओदे कन्ने घृणा दा भाव गै पैदा हुन्दा ऐ ।
इस समस्या दा हल केहू ऐ ?

मन्दिरें दी मुरम्मत ते दुरुस्ती होनी चाही दी ऐ, नमें मन्दिर बनने चाही दे
न पर असें गी मन्दिर साफ सुथरे रखने इच पूरा जोर लाना चाही दा ऐ । इस
बारे इच अपनी सारी जनता गी समझाना लोड़चदा ऐ ।

पुजारियें दे बारे इच ते इन्ना गै जे उन्हें गी धार्मिक विद्यालयें इच शिक्षा
देनी चाही दी ऐ ते योग्य पुजारी मन्दिरें इच रखने चाही दे न । उन्दियां
तनखांह सव्वर गत्तियां होनियां चाही दियां न ।



हर इक हिन्दू दा फर्ज केहू बनदा ऐ

असँ अपने हिन्दू धर्म ते समाज दी महानता दिक्खी लेई, ओदियां कमजोरियां बी फगड़ी लैतियां, ते लाज बी तुप्पी लैते । आओ हुण ऐ बचार करचै जे हर इक हिन्दू दा व्यक्तिगत रूप इच, अपने परिवारै दे रूप इच ते समाजै दे रूप इच केहू फर्ज बनदा ऐ, उसी केहू किश करना चाही दा ऐ ।

सारे थमां पैहली ते प्रमुख गल्ल जेहूड़ी हर हिन्दू गी करनी चाही दी ऐ ओ अपने बारे इच इक बड़ी भारी श्रद्धा निर्माण करनी चाही दी ऐ, शारीरिक बल पैदा करना लोड़चदा ऐ, बुद्धि बल बघाया लोड़चदा ऐ ते कन्ने गै ए भावना पक्की करनी लोड़चदी ऐ जे साढ़े इच दिव्व गुण न । ए मन्त्र सफलता दी कुंजी ऐ ।

एही गै महत्वपूर्ण गल्ल उस परम-पिता परमेश्वर इच उस थमां बी मती श्रद्धा रखने दी ऐ । अस उस ब्रह्म दे अंश आं । दिव्व पुरुषे दे जीवनें दी श्रद्धापूर्ण जानकारी, उन्दी शिक्षाएं दा अध्ययन, इस बत्ता बघने गित्तै बड़े सहायक हुन्दे न ।

दूए, साढ़े इच इस गल्ले दा अभिमान ते फखर होना चाही दा ऐ जे अस प्राचीन ऋषिये दी सन्तान आं । उनें बक्खरे-बक्खरे विषे इच अनथक कम्म कीते ते सफलतां प्राप्त कीतियां । ओ सब साढ़ियां बरासतां न । असें गी उन्दे जोग बनना चाही दा ऐ । सगुआं उन्दे कशा अग्रे बघने दा जतन कीता लोड़चदा ऐ । अपने शास्त्रे ते धर्म-ग्रन्थे दा श्रद्धापूर्वक अध्ययन इस बक्खी बड़ा सहायक होई सकदा ऐ । हर हिन्दू गी गीता दी बाकफी होनी चाही दी ऐ ते रामायण ते महाभारत दे पात्रे दा ज्ञान होना चाही दा ऐ ।

यम ते नियमें इच जेहूड़े गुण दस्से दे न उनें गी अपने जीवन इच ढालना अत्यन्त जरूरी ऐ ।

आनृशंस्य क्षमा सत्यमहिंसा दान मार्जवम,
प्रीति प्रसादो माधुर्यं मार्दवं च यमा दश ।

दया, सहनशीलता, सत्य, अहिंसा, त्याग, सरलता, प्रेम, प्रसन्नता, मधुरता ते कोमलता—ए दस यम न ।

शौच मिज्या तपो दानं स्वाध्यायोपस्थ निग्रही ।

व्रत मौनोपवासं च स्नानं च नियमा देशः ॥

पवित्रता, यज्ञ, तप, दान, स्वाध्याय, इन्द्रिय निग्रह, व्रत, मौन, उपवास ते स्नान—ए दस नियम न ।

मूक समाधि मनै गी ते नसें गी रमान लान्दी ऐ । इस दी महत्ता दा मता बखान करने दी लोड़ नई । समाधि दिनै इच कमजकम दीं बारीं लानी चाही दी । पर पँह्ले कुसै चंगे गुरु थमां सिक्खियै फी भ्यास करना चाही दा ।

परिवार समाज दी मूलभूत इकाई ऐ । समाज दी ते परिवार दी ताकत परिवार ते समाज गी बनाने आले व्यक्तिये दे चरित्र कन्ने बनदी ऐ । इस करी परिवार दे मुखिया उप्पर सारे कशा मती जिम्मेदारी ओन्दी ऐ । ए परिवार दे मुखिया दा कम्म ऐ जे ओ अपने परिवार दे व्यक्तिये दे नैतिक ते अध्यात्मक पहलुएं पास ध्यान रखै । इस बक्खी तां उन्नति हुन्दी ऐ जे परिवार दा मुखिया सारें गी किट्ठे ब्हालियै सन्ध्या वन्दन करा, भजन कीर्तन करा ते धार्मिक त्यहारें उप्पर बर्तन नियम रखा ते उनें नियमें दा दृढ़ता कन्ने पालन करवा । विच्छे-विच्छे उनें गी मन्दिर लेई जा, जां कदे-कदे तीर्थ यात्रा बी करा करै ।

मन्दिर, मठ ते धार्मिक संस्थानें कन्ने सबन्ध रखना बी बड़ा जरूरी हुन्दा ऐ । ए टकोदी गल्ल ऐ जे अस कुसै धार्मिक संस्थान द्वारा कम्म करचें तां सेवा होर मते चंगी चाली करी सकने आं । हजे तोड़ी असें धर्म गी व्यवितगत मामला गै समझी रखे दा ऐ । ओदे समाजिक पहलू उप्पर कदें बचार गै नई कीता । इस गल्ले दे बड़े भयंकर ते दुखदाई नतीजे निकले । मिसाल दे तौर उप्पर ऐसे-ऐसे महात्मा ते धर्मात्मा होए जेहूँ बदेसिये हमलावरें कन्ने शामिल होई गे । उन्दी धार्मिक अन्तरात्मा गी बिन्द बी बलेश नई होया जे बदेसी हमलावरें दा साथ देआ करदे न । दूए बर्तन, नियम, यज्ञ इत्यादि करने दा उद्देश्य करने आलें दा व्यवितगत धार्मिक लाहू गै हुन्दा हा । इस गल्ले दा बचार गै नई हा जे इस कर्मे दा समाज उप्पर केहू असर पीग । त्रीए शास्त्रें दी व्याख्या गलत होन लगी पेई । जियां कश्मीर दे महाराज नै पणतें गी पुच्छेया जे मुस्लमान होई गेदे लोकें गी परतियै शुद्ध करी लैचें तां पणतें शास्त्रें दे हवाले देइयै ए कम्म नई होन दित्ता । ते इसै चाली दियां होर कईं गल्लां होइयां । इस करी

हर हिन्दू गी अपने धर्म दा ए समाजिक पहलू कर्दे नईं बसारना चाही दा ते समां ते स्थिति दिक्खियै धर्म दे समाजिक पहलू गी प्रमुखता देनी चाही दी ऐ ।

साढ़ा धर्म ते साढ़ी संस्कृति संस्कृत भाषा कन्ने जुड़े दे न । इस करी सारे पढ़े-लिखे दे हिन्दुएं दा ए परम कर्तव्य ऐ जे ओ संस्कृत भाषा पढ़न, ओदा प्रचार करन ते इसी बधान फलान । खीरी गल्ल ए जे हर हिन्दू दा फर्ज ऐ जे ओ दूए धर्म दे बारे इच इक्कै नईं इज्जत ते भावना रखै । हिन्दू धर्म इऐ शिक्षा दिन्दा ऐ जे सारे मतमतान्तर इक्कै लक्ष्य पासै नेन्दे न । पर अपने हिन्दू धर्म कन्ने हर हिन्दू दा प्यार, स्नेह ते नाता खास गै होना चाही दा ऐ । हर हिन्दू गी अपने हिन्दू धर्म कन्ने अटूट प्यार होना चाही दा ऐ ।



उपसंहार

भायें दुनियां च मजहब मते न पर धर्म इक गै। ओ मानव धर्म ऐ। मनुखै दी प्रकृति अध्यात्मक ऐ। ओ स्वभाव दा पापी नई। सारे मजहबे दा अन्तिम उद्देश्य मनुखै दी अन्दरली अध्यात्मकता गी जगाना ऐ। मनुखै गी ओदी पनछान कराना ऐ।

इस करी हिन्दू दा कुसै कन्ने कोई भगड़ा नई। हर इक हिन्दू मनदा ऐ जे जिन्नै लोक न उन्ने गै रस्ते न। खीरी गल्ल इऐ समझनी चाही दी ऐ जे हर इक मनुखै दा अपना धर्म हुन्दा ऐ। जेहूड़ी गल्ल इक गी सखा होई सकदा ऐ जे ओ दूए गी नई सखा, जां माफक नई आवै। इस करी हर इक हिन्दू दी ए भावना हुन्दी ऐ, ओ दूए दे धर्म दे बारे इच छड़ा सहनशील गै नई हुन्दा, दूए धर्म दी पूरी इज्जत बी करदा ऐ। हजारें बरें थमां इयां गै चलदा आवै करदा ऐ ते इयां गै चलदे रौहना ऐ।


पर इक गल्ल जरूरी ऐ जे दूए हिन्दू धर्म उपपर हमला करडन तां अपना रक्षा गित्तै हिन्दू नै मकाबला ते करना गै, होर कोई चारा गै नई। कई थाहुरें हिन्दू नै जो मकाबले कीते न उन्दे पिच्छे इऐ भावना ही। चुप करिये कोई मरोन्दा बी कियां जा। सर्व सम्पूर्ण ते परमात्मा बगैर होर कोई नई। सारे सम्प्रदायें दा कर्तव्य बनदा ऐ जे ओ जतन करन ते तुप्पन जे आपू इच सहमत होने ते सहयोग करने दे थाहुर जां खेतर किन्ने न। जिन्नै गल्ले उपपर साढ़ी इक रा नई होई सकदी, उने गल्ले पर भायें सहमत नई होचें पर इक दूए दा दृष्टिकोण ते समझ चै। जियो ते जीन देओ दी भावना गी अपनाचै। सच्ची गल्ल ते ए ऐ जे सब अपने-अपने धर्म दी भावना गी सही चाली समझन ते ओदे उपपर अमल करन तां दुनियां च अभन ते शान्ति पक्क गै कायम होई जाग।

आओ इस गित्तै प्रार्थना करचै।



ॐ

हे प्रभु ! अपनी शक्ति को मुझे दे
हर हनुमान हिन्दू को
अपनी समर्थी का ज्ञान दे ।



परं वैभवं नेतुमेतत्स्वराष्ट्रं
समर्था भवत्वाशिषा ते भूषम् ।

साढ़ी संगठित कार्य-शक्ति अपने इस राष्ट्र को
परम-वैभव की स्थिति ऊपर लेई जाने गितें
तुम्हें शीर्वाद करने पक्क समर्थ होऐ ।